

LISWAYO LA BUSILEZI



Halu inamiseñi litoho zaluna fa nako nyana cwale.

² Mulena, lu kopani hape mwa sebelezo. Mi lu nahana ka nako, mwa mazazi a makalelo, foo kaufela ha ba taha kwa Shilo kwa limbuyoti za Mulena. Mi cwale, busihu boo, lu kopani mo ku to utwa Linzwi la Hao. Mi sina halubile lu bala mwa kalulo yeñwi ya Mañolo, kuli Ngunyana nali yena fela Anosi yana kona kumalulula Maswayo, kamba ku Atamulula. Mi lu lapela kuli busihu boo, sina ha lu talimema mwataswa buino bwa Liswayo la Busilezi lelituna lee, lwa lapela, Ndate yakwa Lihalimu, kuli Ngunyana i lu kwalulele Yona busihu boo. Kuli, luteni mo ku to I utwisia. Mi hane kusina mutu mwa lifasi, kamba mwa Lihalimu, ki Ngunyana fela ye ne fumanwi kuswanela. Konacwalo Yena ya swanela atahe mi akwalule Liswayo ku luna busihu boo, kuli latalime fela kwabuse bwa lisila la nako. I ka lutusa, lwa lumela, Ndate; lizazi lelituna le, leli lififi, la sibi mo lupila; li ka lutusa ni kulufa kutiya pilu. Lu sepa cwale kuli luka fumana sishemo Fapila hao. Luipa ili luna, ka Linzwi, ku Wena, ka Libizo la Jesu Kreste. Amen.

Mwa kona kuina.

³ Ki manzibwana, balikani. Ki litohonolo kuba mo hape busihu cwana, kuba mwa sebelezo ya Mulena. Ni liyehile fela nyana. Ne niile kwa...fa pizo ya sipundumukela, ya mutu ya na shwa, ki wa siemba sa keleke yee; bomahe ki bo, kamba kutaha kwanu. Mi ba bulela kuli mushimani nakulile hahulu ka nako yani. Kacwalo Na—Na ya kwani ku yobona fela mu—mu muluti wa mutu fa mumbeta, inza shwa, muuna wa myaha wa silimo sa ka. Mi mwa nako nyana fela, Na bona muuna yani ayema ka mahutu, afa milumbeko ku Mulena. Mi kacwalo, Mulimu, haiba luka iyakaleza kuipulela libi za luna ni kueza ze lukile, kukupa sishemo, kubiza ku Yena, Mulimu wa lata mane u libelezi ku lu ezeza zona.

⁴ Mi, cwale, Na ziba kwa futumala mo busihu cwana. Mi—mi ki... Batili, Ni sepa kuli mufutumala kaufela uka timiwa. Mi—mi lu ka...

⁵ Ni lemuhile maabani busihu, kamba kacenu, le ki lizazi laka la busebene mwa muzuzu kusina liseli, kwanda liseli fela la malaiti, mwabona; kubala feela, ni kulumba Mulimu ka kukalula Maswayo aa.

⁶ Mi ku na ni zeñata luli zeñozwi, mwa sikhata sa babuzi sani mwa-...kamba lipuzo la maabani busihu, neli, buñata kamba mane, ha ki lipuzi zeñata. Neli kubata kutaha mwa sebelezo, nihakuli cwalo; neba bata kuina hape lizazi leliñwi, kuli babe

ni... kuba ni sebelezo ya foliso la Mubulo. Kacwalo Ni—Ni—Ni ka tabela, nikona, Ne ni ka eza cwalo haiba ki—ki tato ya sicaba kuli baeze cwalo. Mwakona ku nahana fateni ni ku ni zibisa, kono haiba mubata kuina ni kulapelela bakuli.

⁷ Kakuli, Ni beile nako ye kamukana, kufelelela, kwa Maswayo aa, ni kuipeya fela ili na kwa Maswayo.

⁸ Kona kuli mwakona kunahana kazona, ni kulapelela fateni, mi mu ni zibise. Mi Na, haiba Mulena alata, Ni ka eza. Musebezi waka otatama ki kwa Albuquerque, New Mexico, mi ani ikaba mazazi a—a likani fela. Mi Ni na ni kuya kwa hae kwa musebezi, ka za kuba ni mukopano omuñwi mwa Arizona. Mi kacwalo, he, haiba ki tato ya Mulena! Mu lapelele fateni, mi Nina ni kaeza zeswana, mi luka ziba zeñata zateni kasamulaho nyana.

⁹ Mi Ni lemuha fela. Cwale Na bona... Mu ka bulela za makulano, ki zeo zataha, mwabona. Ni bona kalibe yo yainezi faa. Haiba sesiñwi si sa mutusi, haana kupila konji fela nako yenyinyani kihona. Kacwalo, he, mwabona, lu—lu lapela fela kuli Mulimu apete cwalo. Kona ze mubezi moo, mutile kuzwa kwahule koo. Kacwalo, mwabona, mo—mo Moya o Kenile uziba lika kamukana, mwa bona. Kacwalo Yena...

¹⁰ Kono, mwabona, Ni likile kutoma nako ye kwa Maswayo aa, kakuli lu libona ka zeo, mwa bona. Kono haiba kuna ni...

¹¹ Ki ba bakai bakuli mo, niteñi, babatile ku to lapelelwa? Ha lu boneñi mazoho amina, kai i kai, sibaka kaufela. Oh, mawi! Hum! Kihande, ki ba bakai baba nahana kuli seo sikaba hande, ki tato ya Mulena, kuina ni kuba ni se, kunga la Mubulo busihu, kulapelela fela bakuli, kuba ni sebelezo ya foliso la Mubulo busihu? Kikuli mu ka tabela cwalo? Naa muka eza cwalo? Kihande, Mulena ha lata, lu ka eza cwalo. Mwabona? Luka—luka ba ni ku lapelela bakuli, la Bulalu, kamba, la Sunda busihu, kamba, la Mubulo busihu, ni ku lapelela bakuli.

¹² Cwale, Ni sepa seo ha si lyanganisi sikhata se Ni ka kuta ni sona, kukutela kwa Arizona. Muzwale Norman, kana uteni mo nji? Kikuli seo sa lyanganisa mukoloko wa hao, Muzwale Norman, sika kaufela? [Muzwale Gene Norman uli, “Batili.”—Mu.] Muzwale Fred ni babañwi ba mina, kana ku cwalo? [Babañwi bali, “Ku lukile.”] Mwabona? Zeo lilukile. Ku lukile.

¹³ Mi, Mulena ha lata, la Mubulo busihu lu ka lapelela bakuli, busihu bulibuñwi fela lu ka beya zeo kwatuko, hamoho, ni kulapelela fela bakuli. Cwale, hakusana kuba Maswayo hape. Haiba Mulena alata lu ka kwalula fela Maswayo aa, ni ku lapelela bakuli, la Mubulo busihu.

¹⁴ Cwale, oh, Ni sweli kuikola se, hahulu luli, ka kusebeleza Mulena mwataswa lika Zee! Kana mu ikozi Zona, kukwalula kwa Maswayo aa? [Kopano ili, “Amen!”—Mu.]

¹⁵ Cwale, lusweli kuambola cwale kuzwa mwa Liswayo la Buketalizoho kamba, la Liswayo la Busilezi, nitaluse. Mi seo si ya cwale fa—fa timana ya 12 mwa kauhanyo ya 6, kushetumuka fa timana ya 17. Ki iliñwi ya Maswayo a matelele. Kuna ni zeñata nyana ze ezahalile fa. Mi cwale ki . . .

¹⁶ Kubulela nyana za maabani busihu, ili ku kakuta hanyinyani kwa mulaho, nako ni nako.

¹⁷ Mi, lubulele kuli, Ni—Ni bata kubulela nto yeñwi, hape. Ni fumani, lika zene kamba zeketalizoho za butokwa ku na. Neni bulelezwi cwalo . . . Mi Ni bata kuinyaza ka zona luli. Kana matepu atuka? Tepu itukile? Ni bata kukupa swalelo kwa mizwale yaka ya bakutazi ni kumina sicaba moo. Ba li, busihu bobuñwi hane Ni bulela za—za Elia, ka nako yani ya bona hane ba . . . Na hupula kuli ki yena fela ya na kaba mwa Kuungelwa, kamba na ka piliswa. Ne—Ne ni bulezi sebene handeleti kuli sebene sauzande. Kana ki cwalo? [Kopano ili, “Eni.”—Mu.] Kihande, Ni swabile ka seo, balikani. Na—Na ziba hande kufita foo. Neli fela kusitatala kwa manzwi, kakuli Ne ni ziba kuli neli sebene sauzande. Ne ni si ka bulela fela hande. Na . . . Mi Na—Na itumela ku mina. Mi seo sitalusa kuli . . . Ni tabile kuli m wa tokomela ze Ni bulelanga. Mi mwa bona, kanti, zeo ki . . . Kakuli, ki, ki—ki sebene sauzande.

¹⁸ Nina ni tumpapili totubeli kamba totulalu ku yona, totuize, “Muzwale Branham, Ni lumela kuli no fosize.” Ku izwe, “Hanili neli sebene sauzande kufita kuba sebene handeleti?”

¹⁹ Na hupula kuli, “Kiniti Ne ni si ka bulela kuli sebene handeleti.” Mwabona? Kuli, mi he Na . . . Billy . . .

²⁰ Mi he Na, taba yapili mwaziba, Ni ngile kapampili kasili. Ka ize, “Muzwale Branham, noswe ku . . . Ni lumela no bulezi kuli sebene handeleti.”

²¹ Mi mutu yomuñwi ali, “Muzwale Branham, kana yani neli—neli pono ya moyo kuli—kuli ku kaba fela mufuta, mi usweli ku liswanisisa kwa sebene . . . ?” Si beya sicaba mwa kuikalelwa ha ukala kunahaha litaba zee, mwabona. Mi zeo zakona, mane, kunibeya mwa butata.

²² Kuna ni se si ezahalile kacenu Liswayo le ha ne li patululwa, kuli Ne ni zamaya mwa patelo, ne ni zamaya fela cwalo, fande mwa patelo fa nako nyana. Yeo ki niti. Ne si batile ku ni amuha kubuyela kwaka. Mwabona? Kacwalo mubulela, za nyungano? Oh, mawi! Mwabona?

²³ Nto yeñwi, mwabona, mu yendamezi hande ku ze Ni bulela. Mi Mulimu uka ni fa mulatu ka se Ni mi bulelela. Mwabona? Mi kacwalo Ni—Ni swanela kuba wa niti luli sina niti mo ikona kubela, mwabona, mwa litaba zee, kakuli ye ki—ki nako yendende mo lupila. Eehe.

²⁴ Ne nisweli kunahana za sebelezo ya foliso ya la Mubulo busihu. Kikuli ika lyanganisa za hao, Muzwale Neville? [Muzwale Neville uli, "Kutokwa neba sika. Ni kaba ona mo."—Mu.] Ki hande.

²⁵ Muzwale yomunde Neville! Na ku bulelela, neba—neba ezize fela iliñwi, Na sepa, mi ba zwa mwa sikuka. Ki kuli... Yena luli ubile mu—mu mulikani yomunde hakalo kuna, Na mi bulelela.

²⁶ Tabernakele cwale i yahilwe, ni kuba ni sikolo sa la Sunda ni lika kaufela kuba ze lukile, mwa sikuka hande moo. Mi mina batu babañwi babapila kwa sibaka se, mwa Jeffersonville, mutabela kutaha kwa keleke, mu na ni sibaka sesinde, ni sibaka kwa kutaha, libaka za sikolo sa la Sunda.

²⁷ Muluti yomunde, ni Muzwale Neville mo, kwa sikolo sa babahulile, ni mulisana wa niti. Ha ni buleli cwalo ka ku mufa sikocela sa mapalisa, kono Ni kona kumufa palisa nyana cwale kufita ha sa timezi. Mi Muzwale—Muzwale Neville, Ni mu zibile kukala fela inge asali fela mushimani. Cwale, ha si ka cinca neba hanyinyani. U sali yena Orman Neville, inge fela mwa bezi kamita.

²⁸ Ni hupula kupota. Mane nana ni sishemo sa ku ni bizezanga kwa katala ka hae inge asali fela mukutazi wa Methodist ona mwa muleneñi moo. Mi neluna ni kopano yende kwani mwa Clarksville, ki... Ni sepa keleke yani ibizwa kuli Howard Park, Harrison Avenue Methodist. Na sepa kwani kona kwa na kufumani, ona kwani, Kezeli Neville. Kulo kwani, kakuli nali memb...

²⁹ Ni kutile kwanu, mi se Ni bulela kwa keleke ye, Na li, "Yani neli... Yani ki alimuñwi wa baana babande hahulu! Mi leliñwi la mazazi aa Ni ka mu kolobeza ka Libizo la Mulena Jesu." Kwa ezahala.

³⁰ Ki yo faa. Mi cwale ki mulikana ka yomutuna, ufumaneha kwatuko aka luli. Mi ha ki mutu kwa kutompeha, ki muuna ya kutekeha! Yena ubile ani yema bukaufi sina... bukaufi fela mo akona kuyemela. Kaufela ze Ni bulela, u inanga fela bukaufi nina ni kufumaneha hamoho. Neba ha taha nako yapili, na sa utwisisi Liñusa ka nako yani, kono na Li lumela mane apila hande ni Lona. Ao kona maoyo, leo kona likute, ku muzwale ya cwale ka yena. Hanikoni kubulela zeñata ka yena. Mi cwale Mulena a mu fuyole. Ku lukile.

³¹ Cwale kukutela hanyinyani mwa mulaho ku za maabani manzibwana, mwa kumamulwa kwa Liswayo la Buketalizoho. Ha luna kukutela hahulu mwa mulaho busihu cwana, ki hanyinyani fela kuli lungeli—li Liswayo la Buketalizoho.

³² Cwale, lu fumana cwana kuli nekuna ni antikreste yana pahami cwalo, mi aikolofaza, kwa mibuso yemilalu. Kaufela yakena mwa mata alimañwi, ni kupahama pizi yeseta, "Lifu,"

kukena mwa mukoti osina mafelelezo, kukena mwa sinyeho, ko ne lizwelezi. Mi cwale ha lu fumana kuli ki . . .

³³ Mañolo ali, "Sila ha si taha sina muunda, Moya wa Mulimu u ta si lwanisa." Mi li boni handende halipakiwa mwa Linzwi la maabani busihu, kakuli nekuna ni Libatana zene ze—ze ne alaba kwa—kwa linako zene zeo mupahami yoo na pahami.

³⁴ Mi na pahama pizi ye shutana nako ni nako, pizi yesweu, mi ni pizi yesoto, ni pizi yensu, ni pizi ye seta. Mi ne lufumanu kuli, mibala yani, mi ni ze ne i eza. Mi ni kuikutisa mwa masika a likeleke, mi ona cwalo luli kona mo i ezelize, ka kupetahala hande.

³⁵ Kabakaleo, mwa bona, Lnizwi la Mulimu ha li tamahana hamoho, foo kutalusa kuli Li lukile, mwa bona. Eehe. Na lumela, kaufela se si tamahana ni Linzwi la Mulimu kamita ki "amen." Mwabona?

³⁶ Cwale, sina mutu ya na bile ni pono, ni kubulela mo ne ibezi. Oh, u ziba kuli Mulena kiyena yana mufile, kakuli itahile ka mata amatuna. Kihande, pono yakona kuba ye lukile. Kono haiba ha ki Linzwi, mane ki ye shutana ni Linzwi, zeo ha li si ka luka. Mwabona?

³⁷ Cwale, cwale hakulata wakona kubateni, muzwale yomuñwi kamba kezeli wa Mormon. Mi kwakona kuba babañwi mo baba kanga matepu, cwale. Mi cwale ha Ni lati kubulela cwalo . . . Babañwi ba batu babande bao Na ni mina lubata kufumana, bakona kuba—kuba sicaba sa baha Mormon; ki sicaha sesinde hahulu. Mi cwale mu—mu muplofita wa bona, Joseph Smith, yene ba bulaile batu ba Methodist mo mwa Illinois, mwa musipili wabona ha baya. Mi kacwalo he yena—yena muuna yomunde yani, ni pono, ha Ni kakanyi neba hanyinyani kuli nabile ni pono. Ni lumela kuli nali muuna ya sepahala. Kono pono yana bile ni yona neishutana kwa Mañolo. Mwabon? Kabakaleo, neba na ni kuba ni Bibele ya Mormon, kuli—kuli ba li eze. Mwabona?

³⁸ Se ki Sona fa, ku na. Se kisona. Kona libaka, ki Linzwi fela. Ki Lona. Mwabona?

³⁹ Nako yeñwi, mu—mu—mu mutazi natile kwanu kuzwa kwa na ha ya kwahule, mi ki ha . . . Mi Na mu bona kwande ni—ni . . . nasweli kupotoloha potoloha ni mota, yeo mane ha ki . . . hamoho ni—ni kalibe. Mi ba taha kwa mukopano. Mi Na fumana kuli, ne ba zamaile ni mota mazazi amabeli kamba amalalu, muuna ni musali fela, mwa mukopano, kutaha kwa mukopano, hamoho. Mi musali na sa nyewi, linako zetaalu kamba zene.

⁴⁰ Mi mukutazi yoo ataha mwa sibaka sa hotela sani mo ne Ni iinzi, mi akena mwahali ku to swalana mwa mazoho nina. Mi Na mu swala mwa lizoho, na yema mi nenii ambola ni yena. Na mu buza, Na li, "Ha u kaba ni nako, kikuli wakona kutaha mwa musiyo waka fa nako nyana?"

Mi ali, "Kupalañi, Muzwale Branham."

⁴¹ Na muisa mwa musiyo. Mi Na li ku mukatazi, Na li, "Mukutazi, tuwe, u muenyi mwa naha ye." Na li, "Kono kalibe yoo kuna ni mo lu mu zibela." Na li, "Hanili, kamba, wena u zwelela koo kwa sibaka sa *kuli-ni-kuli*, kuto fita kwa kwa sibaka sa *kuli-ni-kuli*?"

Ali, "Eeni, sha."

⁴² Mi se Nili, "Kana ha u sabi kuli seo si ka ba mufuta wa . . . ? Na—Na ha . . . ni ku keshebisi, kono ha u boni kuli seo si ka bonahalela fa siyemo sa hao kakuba mukutazi? Kana ha u sepi kuli lu lukela kubonisa mutala omunde kufita cwalo?"

Mi yena ali, "Oh, kalibe yoo ki mulumeli."

⁴³ nali, "Na—Na kakanya cwalo." Kono Na li, "Kono, muzwale, taba yateni kikuli, mutu ya mutualima kaufela haki mulumeli, wabona, seo sitalima ku zo eza." Mi Na li, "Na sepa kuli ulukela ku tokomela. Yani ki muzwale alimuñwi fela ku yomuñwi." Mi ki hali . . . Na li, "Kalibe yoo sa nyezwi linako zene kamba ze ketalizoho."

Mi muuna ali, "Eeni, Na ziba cwalo." Nali, "Wa ziba, Na—Na . . ."

⁴⁴ Na li, "Ha u lutangi zeo mwa keleke ya hao kwa hae, nji cwani, ku zeo?"

⁴⁵ Kacwlao ali, "Batili. Kono," ali, "wa ziba, Ne ni na pono ka zona."

Na li, "Kihande, ku lukile." Na li . . .

⁴⁶ Mi ali, "Wa tabela nji?" Ali, "Ni sepa Na kona kuku otolola hanyinyani fa tuto ya hao ka zeo."

⁴⁷ Mi Na li, "Ku lukile" Mi ki hali . . . Na li, "Ni—Ni—Ni kona kutabela ku liziba, muñaka."

⁴⁸ Mi ki hali, "Kiande," ali, "wa ziba, mwa pono yee," ki hali, "Ne ni lobezí."

Mi se Nili, "Eehe." Na bona, kuli, ne li tolo. Mwabona?

⁴⁹ Mi ki hali, "Mu—mu musala ka," ali, "na pila ni muuna usili," mi ali, "na sweli ku ni bapala." Mi ali, "Mi ki ha taha kuna, mi ani bulelela kuli, 'Oh, mulatiwa, ni swalele, ni swalele!' Ali, 'Ni—Ni—Ni swabile kuli Ni ezize cwalo. Ni ka pila ka kusepahala kuzwa kacenu.'" Ali, "Kakuli, Ne ni mulata hahulu, Na mu swalela feela, nali, 'Ku lukile.'" Mi ali, "Cwale . . ."

⁵⁰ Mi ali, "Kikuli wa ziba? Mi Na swala toloko ya pono." Ali, "Yani musali ki yena yoo." Ali, "Luli, na nyalwanga, ni—ni zeñwi cwalo, ni linako ze kaufela." Mi a bulela kuli, "Ku lukile kuli a nyalwe, kakuli Mulena u mu lata hahulu. Wakona kunyalwa hañata ñata mwa latela, kuya fela ka . . ."

⁵¹ Na li, "Pono ya hao ki yende luli mi imunati, kono i zwile mwa Nzila yetomilwe fa." Na li, "Yeo i—yeo i fosahalile, mwabona. Ha ululeli kueza cwalo." Ili kuli . . . Mwabona?

⁵² Kono ha ubona Liñolo kutamahana ni Liñolo, kulitamahanya hande ka tundamo fo litaha hamoho. Mañolo, Le fo li siyela, Le fa li ka to tama fateni hande, ni kuswanisa siwaniso kaufela hande.

⁵³ Kuswana sina kukopanya tuemba to tu kauhani twa nto iliñwi hamoho, cwalo. Ú fumana siemba se si kwana hande. Hakuna sesiñwi se si kona kukwana mwatensi. Kipeto u ka beya siemba kuli sikwane hande.

⁵⁴ Mi kuna ni fela Alimuñwi yakona kueza zeo, yoo ki Ngunyana, mi kacwalo lu talimela ku Yena.

⁵⁵ Kono lu fumana kuli ze ba cwale, mupahami yoo, nali mupahami alimuñwi ya na pahami lipizi zee. Mi lu mu latelezi hande, luboni za na ezize ni lika kaufela, mi lufumani kuli, mwa masika a likeleke kona za na ezize luli ona cwalo.

⁵⁶ Mi aya fa sibatana sesiñwi ni kueza sesiñwi kaufela, lu fumana cwana kuli kuna ni yana lumiwa ku to lwanisa za na eza.

⁵⁷ Nekuna ni ya na lumilwe kwa lusika lwapili, ki ngunyana . . . ya tau. Lani neli Linzwi, eeni sha, Kreste.

⁵⁸ Yetatama neli komu, ka nako ya lusika lwa lififi, mi—mi ke—ke keleke ne i ongaongilwe ni kuamuhela mapampili kufita Linzwi.

⁵⁹ Mi muhupule, taba yateni kaufela itomilwe fa lika zepeli: pili, ki antikreste; yeñwi ye, ki Kreste.

⁶⁰ Isali yona taba yeswana kacenu. Hakuna Mukreste wa licika. Hakuna mutu yakona kukolwa ni kuba hande ona foo; hakuna nyunywani yekona kuba sitengu ni nalwange; batili, batili; hakuna muezalibi-wa mulumeli. Batili. Ukanawaba muezalibi kamba mulumeli. Mwabona? Hakuna fela kuba mwahali-hali. Ukana waba kuli u pepilwe sinca kamba ha u si ka pepwa sinca. Ukana waba kuli utalizwe ka Moya o Kenile kamba ha u si ka tazwa ka Moya o Kenile. Hakuna taba kamba una ni maikuto a cwani, haiba ha u si ka tazwa ka Moya o Kenile, ha u si ka tazwa ka Ona. Mwabona? Mi haiba u talizwe ka Ona, bupilo bwa hao bu ka u bonisa, kuliba hande ku Ona. Mwabona? Hakuna mutu yakona kubulelela mutu ka zona. Ba li bona, mwabona, kakuli Ki Liswayo.

⁶¹ Cwale, mi lufumana libatana zani, mo ne li tahezi ka nako kaufela. Alimuñwi na lumilwe mwa bulumiwa bwa hae, mwa mata a mibuso, kukopanya mata a bulapeli ni—ni mata a mibuso ya naha, hamoho. Lu fumana cwana, Mulimu na lumile mata a Hae kuli a lilwanise. Lu kutela kwa mulaho ni kubona lusika lwa keleke mo ne luinezi, ni kutilima kwa mulaho; mi kwaba ona cwalo, ona cwalo fela.

⁶² Mi lu fumana kuli, lusika loluñwi lwa taha, mi sila sa luma antikreste mwataswa libizo la bulapeli, mwataswa Libizo la Kreste, mwataswa libizo la Keleke. Eeni, sha. Aya mwataswa libizo la Keleke, mane. “Yani neli Keleke ya luli,” na bulezi cwalo. Mwabona?

Antikreste ha ki Russia. Antikreste ha ki zeo.

⁶³ Antikreste ifa fakufi hahulu sina Bukreste bwa niti, kufitela, Bibebe ibulela kuli, “Li ka puma lika kaufela ze si ka lemuhiwa kale.” Yeo ki niti. Bibebe i bulezi kuli, “Mwa mazazi a maungulo, kaufela ze ne si ka lemuhiwa kale, ki Baketwa.” Ku izwe, “Ki Baketwa!” Cwale, mutu kaufela, linzwi lani mu li latelele mwa matuko a pampili, mu ka bona se li talusa. Li bulela kuli, “Ki kuketwa, kulemuhelwa cimo.” Mwabona? “Li ka puma mañi ni mañi wa be mabizo a bona ha si ka ñolwa mwa Buka ya Ngunyana ya Bupilo haisamba lifasi litomwa.”

⁶⁴ Ngunyana ha ne ibulailwe, mabizo na ñozwi mwa Buka. U yemi mwa Sibaka sa Moya o Kenile busihu bo, mwa Kanya, kuba Muyemelim unza kupela ifi ni ifi ya miyo yani ye mabizo ayona a mwa Buka yani. Mi hakuna ya ziba libizo lani kwanda Yena. Ki Yena fela anosi ya yasweli Buka mwa lizoho la Hae, mi Wa ziba. Mi wa mafelelezo yani ha taha, kipeto mazazi a Hae a kulapelela afela. U taha cwale ku to ikungela za Na lapelezi ku. U sweli kueza musebezi wa Muliululi wa Lubasi cwale; mi utaha ku to amuhela Beili ba Hae. Oh, mawi!

⁶⁵ Zeo li lukela kubeya Mukreste kaufela mwa ku—ku itatuba iliyena, ni kunanula mazoho a hae fapila Mulimu, ni kubulela, “Ni kenise, O Mulena! Talima mwa bupilo bwaka, mi—mi ni lumeleze ku—ku kubona siemba saka se si maswe. Ni lumeleze ku li zwisa mwa nzila, kapili fela.” “Kakuli mbali ku piliswa ya lukile katata, muezalibi ni ya si ka luka uka yo yema kai?” Ki nako ya kuitatuba.

⁶⁶ Mi haiba ukona ku si beya hande, ni kubata ku . . . ni kufa ni Linzwi. (Cwale, Ha ni lati ku, ku nibuza puzo ku zeo, kakuli si ni fitisa fa taba yeñwi; Ni talusa, ka mkuñola lipuzo. Ni sepa kuli lipuzo li ezwizwe, nihakuli cwalo.) Ye ki nako kualunguta za katulo. Yeo ki niti. Cwale, lukaba ni zeo fa—ku za Litolombita ha luka fitaku zona, nako kaufela yeo Mulena aka lukisa, kamba Manaka, mi lu ka fumana kuli fa kubatisisa katulo yani, Likoto fela li si ka ya kale. Mi—mi lubona kuli yeo ki niti. Mi Mangeloi amalalu ana natile lifasi, inza huwa, mwa ziba, “Bumai! Bumai! Bumai bu suluhezi babapila mwa lifasi!”

Mi lu pila mwa nako yesabisa, ki nako yateni . . .

⁶⁷ Mwa bona, lika zeluli kuzona zee cwale, ze lusweli kubala ona fa cwale, ki kasamulaho Kelele ima no ya, mwabona, lika ze mwa nako ya Nyandiso. Mi Ni sepa kuli si lukela ku zibahahala hande mwa pilu ya mulumeli kaufela, kuli Keleke ye haina kuba mwa nako ya Nyandiso. Haukoni kuibeya mwateni, hakuna,

Keleke haibi mwa Nyandiso. Na . . . Mubeya keleke mwani, kono isiñi Munyaliwa. Mwabona, Munyaliwa sa ile kale.

⁶⁸ Kakuli, mwabona, Yona, Yona haina sibi ni se si kana ku Yona. Sishemo sa Mulimu si I apesize. Mi mulyani otakula bumaswe ungile sibi kaufela, mane hakuna neba kupuzo ya sona; hakuna sika ni sesikana kwanda kukena, kuluka, Fapila Mulimu. Oh, si lukela kuisa Munyaliwa fa mañwele a Hae ni kulilela ku Mulimu!

⁶⁹ Ni hupula likande la hae; haiba ha Ni mi liyehisi kwa nako cwale, mwa litaba za makalelo zee. Nina . . . Ni—Ni eza se ka mulelo, kuikutwa, kufitela Ni utwa Moya hande fela, ka kukala.

⁷⁰ Se ki—se ki sika se si kutekeha. Mwabona? Ki, mwabona, ki mañi yaziba lika zeo? Hakuna usili kwanda Mulimu. Mi ha li lukeli kupatululwa, ni kuboniswa mwa Bibele kuli halina kupatululwa, kutofita lizazi lee. Yeo luli ki niti. Mwabona? Ne li—ne li lemuhilwe fela; kono cwale lu lukela kulinga handende, ki Niti, Niti ye pakilwe. Mwabona? Mulemule.

⁷¹ Cwale, nekuna ni—ni musizana yomunyinyani mwa wiko, kona mwa na—mwa na kenezi wa lilato ni . . . Muuna a to mulata. Sina muleki wa likomu, aya kwani kwa Kampani ya Lilwaniso. Mi—mi nebana ni—ni zetuna . . .

⁷² Mulena hae ataha zazi leliñwi, mwana mulena hae nazwa kwa Chicago, mi, eni sha, ba ba beya kwani, kwa mululwani. Ba—ba basizana kwani, ne ba tina; mañi ni mañi neba ka ikungela mushimani yoo, luli, mwa ziba, kakuli yani neli mushimani wa muuna yani. Kacwalo, ne abapala mwa liapalo za bona za kwa mululwani kwani.

⁷³ Mi—mi ba sa eza cwalo kwa wiko. Kona ba sa zo feza yeñwi ya litaba zani. mi Muzwale Maguire, Ni sepa kuli uteni mo cwale, ba muswala kwani mwani mwa tolopo asika tina liapalo za kwa wiko, mi na mu kenya mwa—mwa tolopo. Ni ku mu beya mwa kuta ye sa tatafazi litaba, mi ba mu lifisa ka zona, mi ba mu bulelala ku yo leka liapalo za kwa wiko. Mi Na bona babañwi babona inge ba zamaya ni litobolo zetelele *cwalo*, fa maheta a bona. Nebali fela bañi ba sibaka sani. Ba li ka kupila mwa sika sesiñwi sa mazazi akale, aile. Mwabona?

⁷⁴ Mi he, mwa Kentucky, ulika kupila ka sico sa mazazi a felile a kwa upa kwanu, isali kwani kwa Renfro Valley ni lika zeñwi. Mwa tabela kukuta kwa mulaho mwa mazazi a kale. Kuna ni se si eza lika zeo.

⁷⁵ Kono ha li kuta, ku za ku kutela kwa Evangelii mwa nako yapili, ha mu lukeli kueza zeo. Mu bata sesiñwi se sinca, mwa bona. Si bonisa cwalo, mwabona, mina—mina . . . kuna ni . . .

⁷⁶ Mi kiñi se si panga muuna kuba ya—ya maswe? Kiñi ze mu ezisa kunwa ni kuzwelapili zemaswe, kamba musali kuba ya maswe? Ki kuli ulika kueza za . . . Kuna ni sesiñwi ku musali, se

si nyolelwa. Kuna ni sesiñwi ku muuna, se si nyolelwa. Mi balika kufeza linyolwa leli kenile lani ka lika za lifasi. Mi, Mulimu ki yena ya lukela kufeza linyolwalani. U ku bupile ona cwalo, ku nyolelwanga. Kona ha mu nyolelwanga sika. Mulimu u mi bupile ona cwalo, kuli muise linyola le li kenile leo ku Yena. Mwabona? Kono cwale ha mulika kufeza linyolwa... Mutu ukona kubulela cwani zeo! Hauna tukelo ya kueza cwalo, ka kulika kufeza linyolwa leli kenile lani ka kuitusisa sesiñwi, mi, he, ni ku li fetulela kwa lifasi, kulika ku li kulisa ka lifasi. Ha ukoni kueza cwalo. Kuna ni fela nto iliñwi yekona ku li kulisa, mi yeo ki Mulimu. Mi U kupile ona cwalo.

⁷⁷ Kacwalo, yoo—yoo musizana ya beilwe fa—fa ku bani mushimani yo yanza muisa kai ni kai ha—ha taha. Mi ufi ni ufi wa bona luli na ka ikungela mushimani yoo.

⁷⁸ Nekuna ni mwan'a malumahe kwani kwa milaka, mi nali ndiala, mi kacwalo naezanga misebezi kaufela ya—ya babañwi baa. Kakuli, bona ne ba ipentanga fela manala, mwa ziba, mi ne bapalelwa kutapisa mikeke kwa mazoho ni zeñwi. Mi yena na sebeza misebezi yebukuti kaufela.

⁷⁹ Mi he, kwa mafelelezo, mushimani ayo taha, ba yo mu amuhela ka mukwa wa kale wa makuwa, mwa sikocikala. Mi ba yo taha, inge ba kunupa litobolo zabona ni kutabela, mwa ziba, ni kufiteleza tabo. Mi busihu bwani nebana ni mukiti omutuna wa kubina kwani, ili—ili mubinelo wa kale, ni ba milaka yebapani ni bona, kaufela, bataha inge ba bina, ni zeñwi cwalo. Mi, taba yapili mwa ziba, kiñi, se sa zwelapili cwalo, neli nyakalalo ka mazazi amabeli kamba amalalu.

⁸⁰ Mi, busihu bobuñwi, mushimani yoo azwela fande, kufitela... a lapa, kuli a ikatuluse hanyinyani kwa kubina, ni kuba kwahule ni basizana baa. Mi ha yo talima, kueza inge ya liba kwa mulaka. Nekuzamaya musizana yomunyinyani, yana bonahala kupazauha cwalo. Inge a nanuzi sikotolo sesitezí mezi, na sweli kutapisa mikeke. Mi mucaha anahana ali, "Ha ni si ka mubona kale fateni. U—U zwa kai yoo?" Kacwalo aeza fela inge yaya kwa ndu mone kulobala ba—ba balisana, aya kwani ni kukuta, fakaufi ni mulaka, mi a mu katanyeza.

⁸¹ Nali fela mahutu-hutu. A yema. A inamelafafasi. A to lemuha mucaha wateni, mi ai kutwa hahulu maswabi. Na ziba mutu yomutuna yoo. Mi musizana nali fela mwana likezeli za basizana bani. Ndata bona neli kapitao fa musebezi wa kubabalela Lilwaniso, kona kuli ne ba buluka... Musizana a i kinamela fela. Na swaba kakuli nali mahutu-hutu.

⁸² Mucaha ali, "Ki wena mañi libizo?" Musizana a mu bulelela. Ali, "Kiñi ha si kaya kwani... ko kuinzi babañwi?" Musizana aipatapata ka manzwi asili.

⁸³ Mi kacwalo, busihu bo butatama, a mu zuma zuma hape. Mafelelezo... Na inzi fande fani. Mi kaufela bona bakala

kunyakala, lika kaufela. A—a ina fa likwakwa lwa mulaka ni ku mulibelela kuli atahe, ha yo sulula sikotolo sa mezi. Mi amu bona. Mi ali kuyena, ki hali, “Wa ziba musebezi waka luli o ni tezi kwanu?”

Musizana ali, “Batili, sha, Hani zibi.”

⁸⁴ Ali, “Musebezi waka wa kuba kwanu ni nitilo bata musali.” Ki hali, “Ni fumani busali sakata ku wena bo busiyo ku bona.” Ne ni sweli kunahana Keleke, mwa bona. Ali, “Kikuli wa lumela kunyalwa kuna?”

Musali ali, “Na? Na? Ha—Ha ni koni kunahana nto yecwalo, na.”

⁸⁵ Mwabona, yoo ki mwan’ a mucaha wa nduna. Neba na ni makampani kaufela ni milaka mwa naha kaufela, ni lika zeñwi, mwa bona. Ali, ali, “Eeni.” Ali, “Ha—Ha ni si ka fumana ya cwana mwa Chicago. Ni—Ni bata mufumahali sakata. Ni bata mufumahali yana ni busali tenyene. Mi nto ye Ni bata, Ni iboni ku wena.” Ali, “Kana walumela kunyalwa kuna?”

Musizana ali, “Kihande . . .” Za mu komokisa. Mi ki hali, “Eeni.”

⁸⁶ Mi mucaha ali, “Kihande . . .” Amu bulelela kuli uka yo kuta. Ali, “Cwale, i tukise fela, mwaha ulimuñwi fela kuzwa kacenu Ni ka kuta. Kihande . . . Mi Ni ka to kunga, mi Ni ka kuzwisa mwa hae moo. Hauna ku sebezanga misebezi ye hape. Ni ka to kunga. Mi Na ya kwa Chicago, teñi Ni yo ku yahela ndu to si ka bona kale fateni.”

⁸⁷ Musizana ali, “Nali kuba, Ha ni—ni be fateni ni ndu. Na ni ndiala,” abulela.

⁸⁸ Mucaha ali, “Ni ka ku yahela munzi, omunde.” Ali, “Ni ka yo kuta.”

⁸⁹ Na nza mu lukiseza cwalo, mwa nako yani, ya silimo. Musizana na beleka kaufela mwa na konela, kuli abuluke masheleñi nyana kakuli neli dollar ka zazi, kamba kaufela za na holanga, kuli aleke ndelesi ya sinawenga. Ki mufuta oswana fela ni Keleke! Mwabona? Mwabona? Na lukisa liapalo za hae.

⁹⁰ Mi, mwa ziba, ha yo putulula siapalo sa sinawenga se, ba—ba basizana babañwi bani, “Kiñi, wena mubotana tuwe, mwanana wa sikuba. U nahana kuli muuna ya cwalo yani uka lola kueza sika ni wena?”

⁹¹ Musizana ali, “Kono na ni sejisize.” Amen. Ali, “U sejisize.” Ali, “Na kolwa manzwi a hae.”

⁹² “Oh, nasweli fela kukubona kubuka.” Bali, “Kambe haiba na ka keta mutu, na ka kena alimuñwi wabona.”

⁹³ “Eehe,” ali, “kono na ni sejisize. Na libelela.” Amen. Nina, na libelela.

⁹⁴ Kacwalo, nako yaya icibilika ni kucibilika. Lizazi lateni la be la fita, hola ya na lukela kupunya ka yona, kacwalo atina mwa ndelesi ya hae. Mi mane na si ka be autwa ku yena. Kono na ziba kuli wataha, kona kuli atina mwa liapalo za hae za sinawenga, alukisa lika.

⁹⁵ Kihande, cwale bona awa ba museha luli. Kakuli, nduna yomuhulu na lumilwe ku–ku kapitao, kamba–kamba ku... Hakuna neba alimuñwi wa basizana ya na ziba ka zona, kona kuli neli fela kunutu ku bona kaufela. I cwalo, mane. Luli ki kunutu.

⁹⁶ Kono musizana yoo, fapila zona kaufela, fa mayemo a linzwi la hae la kuli uka mu kutela.

⁹⁷ Kacwalo, bakala ku mu seha. Ni kuikumbatela mazoho cwalo, ni ku mu binela. Bali, “Ha!” Baseha, mwa ziba, ze cwalo, bali, “Mwanana, tuwe, mubotana wa sikuba!”

⁹⁸ Yena inge ayemi fela fani, kusina kuswana ku yena ni hanyinyani. Nasweli mapalisa a hae. Ni siapalo sa hae sa sinawenga inza tinile; na ikatalize, mwa ziba. “Munyaliwa wa Hae Sa itukisize.” Mwabona? Naswelelezi fela mapalisa a hae, inza libelezi.

⁹⁹ Se bali, “Cwale, Ne ni kubulelela kuli ki za buhata. Wabona, ha tahi.”

Ali, “Ni na ni mizuzu ye ketalizoho fela.” Ali, “Uka ba mo.”

Oh, ba seha fela!

¹⁰⁰ Mi nako isa to kwana fela waci yani ya to luma hande fa mizuzu yeketalizoho, ba utwa lipizi zetaha inge li takisa, mushabati inge u hasaka kwa mawili. Sikocikala sa kale sa yema.

¹⁰¹ Musizana atula mwahala boa, mi kiyani alumpuka mwa munyako. Mucaha atula mwa kocikala, mi musizana afufela mwa mazoho a hae. Mucaha ali, “Ku felile cwale, mulatila.” Asiya musizana wa likopano wa hae ali kuina fani, inge a talimela. Musizana—musizana aya kwa Chicago, kwa munzi wa hae.

¹⁰² Na ziba sepiso yeñwi yetuna yecwalo, hape, iteni. “Ni sa yo mi lukiseza sibaka; ni kakuta ni to miingga.” Bakona kubulela kuli lwa lyangana. Kono, muzwale, ku na, ona fa cwale, ni Maswayo asweli kukwaluha sina cwana, mwataswa lika zeipitezi ze, Na utwa mulumo mane, waci ya nako yani hainze i cibilika kukena mwa Kuyakuile mwani. Mane inge ni ka bona Lingeloi le li yemi fani libulela, Liñusa la lingeloi la mafelelezo la busebene, “Nako haisana kubateni.” Munyaliwa yani, yomunyinyani ya ishuwile ukafufela mwa mazoho a Jesu leliñwi la mazazi aa, aisiwe kwa Ndu ya Ndatahe. Ha u nahaneñi fa litaba ze halunze luya cwale.

¹⁰³ Mulemuhe bulumiwa bwa tau, ki Linzwi; komu, ki milwalo ni kuipa; ni butali, bwa baongaongi; mi ni—ni lusika lwa mbande, ye taha, ye lukela kupatulula ni kunga litaba zee kuli bonisa.

¹⁰⁴ Cwale lufumana cwana kuli, mwa sebelezo ya maabani busihu, hape, kunutu yetuna ne i kwaluhile ni Liswayo lee, ye ne shunanelia kwahule luli ni kutwisiso yaka. Ku akaleza fela kuli ne lilukile, Ne ni nze ni nahananga kuli miyo yeli mwatas'a aletare yani kuli ki babulaiwa ba Bakreste ba makalelo. Kono lu fumana cwana, maabani busihu, fani Mulena Mulimu ato mamulula Liswayo lani ku luna, ne si cwalo mane. Ne si bona. Ne se baile kwa Kanya, ha ni yo fita kwani neku leliñwi, nabafumana nebaliteni kwani. Lu fumana cwana kuli nebali Majuda bene ba ka taha nako yani, kone kuli . . .

¹⁰⁵ Kuzwa kwa kubizwa cwale, kwa baba handeleti ni fote-foo sauzande, ze lukena kuzona busihu bwa kamuso. Mi—mi mwahala Liswayo la Busilezi ni la Busupa, ba handeleti ni fote-foo sauzande ba bizwa.

¹⁰⁶ Mi cwale lufumana fa, kuli nebali babulaiwa bene ba bulailwe, kono ni cwalo ne ba si ka ba . . . Neba filwe liapalo zesweli, kono mabizo a bona na ñozwi mwa Buka ya Bupilo. Mi ba fiwa liapalo zesweu, mañi ni mañi wa bona. Mi ne luboni zeo. Mi ha ki zeñwi mwa lifasi, Ha ni lumeli cwalo, kono sikhata sani sa—sa Majuda ki se ne sikeni mwa nako ya nyandiso. Mi, ka nako ya lindwa za mafelelezo zee, ne bali . . . baezize . . . Ba lukela kutoiwa ki mutu kaufela. Mi Eichmann abulaya ma milioni abona mwa Germany. Ne mu utwile za muzamao wani. Ma milioni a batu babasina mulatu ba bulaiwa, Majuda, bakeñisa fela kuli nebali Majuda; hakuna libaka leliñwi hape.

¹⁰⁷ Bibebe ibulezi fa, kuli, “Ne ba bulaezwi bupaki bupaki bwabona bwa Mulimu, ka—ka Linzwi la Mulimu, ni bupaki bo ne ba lwezi.” Cwale lufumana cwana kuli Munyaliwa nali Linzwi la Mulimu ni bupaki bwa Jesu Kreste. Baa bona nebasina bupaki bwa Jesu Kreste.

¹⁰⁸ Mi lu fumana cwana kuli Bibebe ibulela, kuli, “Isilaele kaufela, Isilaele ye lelilwe kale, ika piliswa,” Maroma 11. Cwale lwa ziba cwalo. Mi foo lwa ibona miyo yani.

¹⁰⁹ Cxwale mutualime mo li bezi bukaufi. Kiñi se ha si sike sa ba kale? Kakuli ne si si ka ezahala kale fateni. Cwale mwa si bona, mwa bona. Mwabona, Moya o Kenile omutuna, no boni lika zani ha litaha cwalo mwahala—mwahala masika ni linako. Mi cwale li patuluzwi, mi cwale mutualime fani ni kubona Niti. Kwani kona ko lifumaneha.

¹¹⁰ Cwale, neli—neli babulaiwa mwa nako ya nyandiso, kamba nako ya nyandiso isika kala kale, ya Eichmann. Cwale, bona baswanisiwa fela kwa babulaiwa baba handeleti ni fote-foo

sauzande, ku zeo lukela teñi, mwahala Liswayo la Busilezi ni la Busupa. Mwabona?

¹¹¹ Mi Liswayo la Busupa ki nto iliñwi fela, ku felile, mi le, “Ne kubile kukuza mwa Lihalimu fa nako yelikana licika la hola.” Mi cwale ki Mulimu fela yakona kupatulula zeo. Mane ha li si ka beiwa mwa siswaniso, hakuna. Zeo ki za kamuso busihu. Mu ni lapelele kwateni. Mwabona?

¹¹² Cwale, lwa lemuha cwale, halunze lukena mwa Liswayo la Busilezi. Cwale Ndate yakwa Lihalimu alu tuse cwale hanze luinelela fa Liswayo la Busilezi lee. Cwale timana ya 12 ye mwa kauhanyo ya 6.

Cwale Na bona ha... mamulula liswayo la busilezi, mi, amubone, kwa taha zikinyeho yetuna ya lifasi; lizazi la fetuha lelinsu sina saka ya lisila la bulizi bwa pizi, mi kweli ya ba sina mali;

Linaleli za kwa lihalimu za wela...fafasi, sina kota ya feiga haiwisa lifeiga ze si ka buzwa, ha i nyungiwa ki moyo omutuna.

Mi li halimu la minahana sina buka ha i minwa; mi malundu kaufela ni lioli kaufela za sutiswa mwa mabaka a zona.

Mi malen'a lifasi, ni batu ba ba batuna, ni bazamaisi ba limpi, ni ba bafumile, ni lindume, ni baba ipusa kaufela, ni bazike kaufela... ni ba baipusa kaufela, ba yo ipata mwa misima ni mwa macwe a kwa malundu;

¹¹³ Mulemuhile foo? Amuba talime, “baana ba lindume,” mwabona. Kiñi ze ne ba ezize? “Ne ba amuhezi veine ya buhali bwa buhule bwa lihule.” Mwabona? Seo kona sitopa luli sa babane ba nwile veine ya musali. Mwabona?

Mi ba bulelela malundu ni macwe bali, Mu lu wele fahalimu, mi mu lu pte fapila pata ya hae yena ya inzi mwa lubona, ni fapila buhali bwa Ngumyana:

Kakuli lizazi le lituna la buhali bwa hae li fitile; mi ya ka kona ku yema ki mañi?

¹¹⁴ Ha ki makalelo ni ao kuli... Mwabona, mupahami cwale, lipizi za bapahami, ni Libatana ze alaba, li kutumani. Mi, lu ngile zeo, luboni babulaiwa mwatasa Lubona. Cwale se, kuzwa ka nako yeo, babulaiwa baa kona Majuda baniti ba Orthodox bene ba shwezi mwa tumelo ya Sikreste... kamba mwa—mwa tumelo ya bulapeli, kakuli ne ba si ke baba Bakreste.

¹¹⁵ Muhupule, Mulimu na foufalyze meto abona. Mi ba ka ba libofu fa nako yetelele, kufitela Keleke ya Bamacaba ingiwa kuzwa fateni. Kakuli, Mulimu ha talimanangi ni batu bababeli ka nako yeswana, kakuli ki ze shutana luli kwa Linzwi la Hae.

¹¹⁶ Muhupule, U talimana ni Isilaele kakuba naha, kamita. Ki naha ya Isilaele.

¹¹⁷ Bamacaba, kakuba mutu anosi, "Sicaba se si zwile mwahala Bamacaba." Mi nekuna ni kuba, kuli Bamacaba, nebana ni kueza...ki sicaba kaufela sa lifasi, konakuli cwale kuna ni Mujuda yataha mwateni. Mwabona? Kuswana fela sina—inge mu Arabian, ni mu Irish, ni mu Indian, ni mañi kaufela, ki batu kaufela ba lifasi, kona baba kwaniseleza Munyaliwa. Mwabona?

¹¹⁸ Kono, cwale, ha litaha kwa kutalimana ni Isilaele, mwa kalulo ye ya mafelelezi a biki ya bu sebenente, U talimana ni bona kakuba naha, Bamacaba se ba felile. Hola i sutelezi cwanoñu, mi hakulaa ikona kuba ona—ona busihu boo, yeo Mulimu ha ka fetuha kuzwa ku Bamacaba, kaufela. Kufelelela! U bulezi cwalo. "Ba ka hatikela mamota a Jerusalema kufitela nako ya Bamacaba i kwana, linako ha li se li felile." Eeni, sha!

¹¹⁹ Mi he, "Ya masila aine ali ya masila ona cwalo; ya lukile abe ya lukile ona cwalo." Mwabona?

¹²⁰ Hakusana Mali fa sipula sa—sona sa—sona sa tempel... mwa tempele, ni hanyinyani. Hakusana Mali fa aletare. Sitabelo se si zusizwe kale, mi hakuna sika kwanda musi ni mamonyi ni katulo kona zeliteni mwani. Mi ona zeo ki zona luli ze suluhezi kulo mo busihu boo. Mwabona, Ngunyana s'a zwile mwa... musebezi wa Hae wa buyemeli. Musebezi wa buyemeli so felile, kuzwa kwa Lubona. Mi Sitabelo, sina mo lu Mu swaniselize hande, Muliululi wa Lubasi, Ngunyana ye lota Mali ye ne tahile yani. Ngunyana ye ne tabilwe, Yelota mali, ne se i bulailwe, kupyatwa, ya taha ya to nga Buka mwa lizoho la Hae. Foo, ki mazazi ha sa felile. Cwale U taha kwa kuknga Ba luuluzi. Amen! Seo si kenya fela nto yeñwi ku na!

¹²¹ Lu fumana cwana cwale, Joani naize, "Na bona Ha mamulula Liswayo la Busilezi, nekuna ni zikinyeho yetuna ya lifasi," mi libupiwa kaufela za lyanganiswa. Mwabona?

¹²² Mulimu ubile aeza lika zetuna, sina kufolisa bakuli, ni ku tutubula meto a libofu, ni kueza musebezi omutuna.

¹²³ Kono lufumana cwana, fa, kuli pupo ne i fetuhile, eeni, pupo kaufela. Mutualime se ne si ezahalile, "Li—li zikinyeho ya lifasi; lizazi la unsufala, mi kweli ya hana kufa liseli la yona; mi linaleli za tutuleha ni kuwa." Mi, kiñi, kaufela za ezahala, mwabona, ka nako ya kukwaluha kwa Liswayo la Busilezi lee. Kona fo ne li ezahalezi, kasamulaho fela wa kuzibahaliswa kwa babulaiwa bani, mwabona. Babulaiwa ne se ba felile.

¹²⁴ Cwale se luli bukaufi luli ni kukena mwa hola yeo cwale. Ne lukaba, ka nako kaufela, mwabona, kakuli Keleke se i li fela fakaufi ni kuli I fufe. Kono muhupule, litaba zeo ha li ezahala, Munyaliwa haana kuba faa. Muhupule fela, Munyaliwa sa ile, Yena ha lukeli kufita ku yeñwi ya zeo. Ye ki nako ya Nyandiso, ya kukeniswa kwa—kona kwa keleke; li beilwe kuyona, kuli ifite

ku zona, isiñi Munyaliwa. U nga mulatiwa wa Hae kuzwa mwa nzila. Eeni, sha! Musali, sa Mu liuluzi kale. Mwabona, ki mufuta wa . . . Kwani kona kuketa kwa Hae Tota, keto ya Hae Tota, inge muuna kaufela ya ikungela munyaliwa wa hae. Mwabona? Cwale, ki zikinyeho ya lifasi . . .

¹²⁵ Ha lu bapiseñi Mañolo cwale. Ni—Ni bata . . . Kikuli mu na ni potoloto ni pampili? Ni bata kuli mu ni ezeze nto yeñwi. Sina ha mu bata kuñola, muñole se, kakuli, konji haiba mu ka shimba tepu. Cwale luka . . . Nibata kuli mubale hamoho nina, mo mu ezezanga.

¹²⁶ Mubapanye mañolo a kezahalo tuna ye, yeo lu ka bona kunutu yetuna ye, kamba taba yepatilwe, mwani neli mwataswa Liswayo la Busilezi la Buka ya Puluso. Cwale muhupule, ze ki likunutu ze patilwe. Mi Maswayo a silezi, kaufela hamoho, kona Buka iliñwi yetuna, ki matapa fela a silezi atatilwe hamoho, mi atamulula Buka kaufela ya Puluso. Kona lifasi kaufela mo ne li puluselizwe cwalo.

¹²⁷ Kona libaka Joani ha na lilile, kakuli, haiba hakuna ya na kanga Buka yani, pupo kaufela, lika kaufela ze li ka iconga. Ne li ka kutela fela kwa—kwa—kwa tutowati ni mezi-mezi, ni zeñwi cwalo, ni liseli la kozimiki, mi mane hakuna neba pupo, mutu, hakuna sika sifi. Kakuli, Adama na latehisize liswanelo za Buka yani. A i latehisa nako ya teeleza ku musala hae, mi musali na teelelize kwa minahano ya Satani, kufita kuteeleza kwa Linzwi la Mulimu. Mwabona? Ne i latehile.

¹²⁸ Mi, ne i si ke ya kutela mwa mazoho a masila a Satani, ya na mu likile kuli zwe mwa nzila, konakuli he ya kutela ku muñ'a yona, sina sibyana kaufela se si paka muñ'i mo si kona kubela, mwabona. I kutela ku muñ'a yona wa makalelo, mi yani neli Mulimu, yena Mubupi, Ya na i ezize. Mi U i sweli.

¹²⁹ Mi kuna ni tifo, mi yeo ki puluso. Kuna ni tufo yeñwi ya puluso, kono nekusina mutu ya na kona kueza cwalo. Kacwalo, A li, aeza milao a Hae, milao ya Hae Tota ya Muliululi wa Lubasi. Mi, ne ba si ka fumana ni yomukana. Mutu kaufela u pepilwe ka foso, kupepwa ka takazo ya foso; na li mwa sibi sa makalelo, Satani ni Eva, kacwalo na si ke akona. Hakuna sika ku yena. Hakuna popu ya kenile, muprisita, Dokota waza Bulapeli, kamba abe mañi kaufela, mane hakuna ya na swanela. Mi nasike aba Lingeloi, kakuli na na nikuba Muyemeli wa lubasi. Na lukela kuba mutu.

¹³⁰ Mi Mulimu aipa Iliyena mi aba Muyemeli wa lubasi, ka kunga nama ya butu, ka kupepwa kwa nama. Mi a sulula Mali a Hae. Ani neli si mali a Mujuda. Ne si mali a Bamacaba. Ne li Mali a Mulimu. Mwabona? Bibebe ibulezi kuli, "Lu piliswa ka Mali a Mulimu."

¹³¹ Mwana uinga mali a ndatahe. Lwa ziba cwalo. Sika kaufela se sili mwa mata a buuna kona se sitisa bupilo bwa mali.

Kacwalo lu fumana, cwana ina kuhu ha i beela lii; yakona kbeela lii, kono haiba mukombwe, kamba kukopana, ha u si kaba ni yona, halina ku ndondoka. Halina mununo. Musali ki sifutumaliso fela se si lwala lii. Kono haili lii litaha... Bupilo buzwa ku ya muuna.

¹³² Mi, mwa taba ye, muuna neli Mulimu Kasibili. Kona ha Ni bulela kuli, nzila yekambama ki kushetumuka, mi—mi butuna ki bunyinyani. Mulimu neli yomutuna hahulu kufitela aba, mane Aikapeleza mwa nto yenyinyani cwalo, ku yo fita fa bupilo bo bunyinyani luli mane akena mwa mba ya mwalanjo. Mi ona mwani Ahulisa maselu ni Mali. Mi apepwa, ni ku hulela mwa lifasi. Mi kuzwa kwa makalelo a cwalo, asika zwakana, kusina foso ni yekana, hakuna.

¹³³ Mi cwale A fa Mali ani, kakuli Natil'o ba muhaesu ku luna. Mi Ne li Muliululi wa Lubasi. Mi a sulula Mali ani, kusina tifo. Na sa lukeli kueza cwalo. Na Afile fela mahala, kuli aliulule.

¹³⁴ Cwale u ya fahalimwa aletare ya Mulimu, mi u yo libelela kwani, foo Mulimu inza sa sweli Buka ya Puluso ya mazoho a Hae. Ni Ngunyana yelota mali iyemi fa aletare ya sitabelo. Ki yani Ngunyana, yatisa puluso, inza tisa milapelo.

¹³⁵ Mi, cwale mutu ukona kubulela cwani kuli Maria, kamba Josefa, kamba mañi kaufela yapila, kuli abe—abe muyemeli! Ha ukoni kuyemela konji haiba Mali ateni. Eeni, sha. “Kuna ni Muyemeli alimuñwi mwahala Mulimu ni mutu, mi yoo ki Jesu.” Kona sa bulela Mañolo ona seo. Ki Yani uyemi fani, mi konji moyo wa mafelelezo ha u so liuluzwi; mi kona Aka taha ku to nga Ba liuluzi. Oh, ki—ki Ndate ya cwani yoo Mo abezi!

¹³⁶ Cwale muhupule, cwale, Ni lutile zeo kamita, kuli, “Mwa milomo ya lipaki zepeli kamba zetaalu, linzwi kaufela li tiiswe.” Mi, ka Mañolo, kuswana fela sina ha mu sa koni kunga Liñolo li liliñwi ni kupaka sika kwanda kuli kube leliñwi le lika zamaelela ni lona. Mwabona?

¹³⁷ Mwabona, Na kona kunga Liñolo li liliñwi ni kubulela kuli, “Judasi a yo itamelela,” nanga leliñwi lelili, “Mu yo eza zwasana.” Mwabona? Kono, mwabona, halina kuswalana ni amañwi a Ona.

¹³⁸ Mi Na hupula, mwataswa Liswayo la Busilezi lee, fani Moya o Kenile ha U taha, mi Na bona seo nesili sona, mi Na hupula kuli ikona kuba nto yende kuwa sikhata se nto yeñwi yeshutani nyana busihu boo. Mwabona? Kakuli, zakona ku katalisa, mwahala ku ni teezeza inge ni bulela nako kaufela, kacwalo Na hupula kuli lu ka eza nto yeñwi yeshutani.

¹³⁹ Cwale mulemuhe. Nako yetuna yee ne i swaezwi mwataswa Buka ya kunutu, ya puluso. Cwale Ngunyana una ni Yona mwa lizoho la Hae kuli a Li mamulule.

¹⁴⁰ Cwale ha lu talimeñi mwa Mateu kauhanyo ya 24, Ngunyana Kasibili wa bulela. Cwale, mutu kaufela wa ziba kuli Kreste ki yena Muñ'a Buka, kuya ka zeo mo liinezi. Kono wo ki mubulelelo wa—wa Hae fa, kamba kutazo ya—ya Hae kwa—kwa sicaba, ku lukile, kwa Majuda.

¹⁴¹ Cwale Ni bata kuli muswale Buka ya mina sina *cwana*, Mateu 24 ni Sinulo 6, sina cwana. [Muzwale Branham uswala Bibele ya hae ikwaluhile mwa likauhanyo zepeli zee—Mu.] Mi ha lu bapiseni sesiñwi fa ka nako nyana fela.

¹⁴² Cwale, mutualime se cwale, mi mu ka fumana mo—mo si inezi. Mwabona, seo Ngunyana yani *fa* ibonisa, ona cwalo mwa siswaniso, sa Na bulezi *fa* mwa Linzwi. Kueza ka swanelo, kona seo si lukile. Cwale, zeo—zeo kona ze liteni kuzona. Fa ki . . . *Fa* ki alimuñwi, U sweli wa bulela ka zona, mi *fa* kona fo ne liezahalezi. Mwabona? Ki bupaki bo bu petahalile fela.

¹⁴³ Cwale, cwale ha lu talimeñi mwa kauhanyo ya 24 ya Muñoli Mateu, ni Sinulo 6, mi lubapanye ni kauhanyo ya 24 ya Mateu. Kaufela lwa ziba kuli yani neli kauhanyo yeo muituti kaufela, mutu kaufela ufita kuyona kwa, ku—ku kubulela ka za nako ya Nyandiso. I zwelela mwa kauhanyo ya 24 ya Mateu. Mi cwale halu . . . Haiba seo si cwalo, cwale luna . . . Kakuli lu ziba kuli Liswayo la Busilezi ki Liswayola katulo. Ki Liswayo la katulo, kiniti kona Seo li li sona.

¹⁴⁴ Cwale, mwabona, lu bile ni—ni kupahama kwa antikreste. Lu boni Keleke ha i ya; cwale I se ifelile, ingezwi mwahalimu. Mi lubona babulaiwa, ba Majuda bani kwa mulaho kwani, mwataswa aletare. Cwale ki ye katulo ye tibuluha fa, fa sicaba se si li . . .

¹⁴⁵ Kuzwa mwa Nyandiso ye katulo ika taha kutahela baba handeleti ni fote-foo sauzande Majuda baba pilisizwe. Ni ka mi bonisa kuli ki Majuda, isiñi Bamacaba. Habana sa kueza ni Munyaliwa, hakuna neba sika. Munyaliwa, luse luboni kale Munyaliwa ha i le. Hamukoni kubeya seo kaufela ko mubata; hakutu konji mwa kauhanyo ya 19 ya Buka ya likezo.

¹⁴⁶ Cwale mulemuhe, kakuli, Liswayo la Busilezi ki Liswayo la katulo ya Linzwi.

¹⁴⁷ Cwale, fa, ha lu kaleñi cwale mi lubale ku Muñoli Mateu, kauhanyo ya 24. Cwale Ni tabela ku mifa sesiñwi fa kona Ni sa zo ifumana fela, ni ifumaní. Cwale, Muñoli Mateu, kuzwa 1 kuya fa 3, kihande, kona fo lukala kubala pili.

Cwale Jesu azwa foo, a zwa mwa tempele: mi balutiwa ba hae ba taha kuyena ku to mu bonisa tuyaho wa tempele.

Mi ali ku bona, Mwabona lia zeo kaufela? kaniti Ni li ku mina, Hakuna kuba neba li liliñwi . . . le lika siyala fahalimwa leliñwi, le li si ke la wisezwa fafasi.

Cwale, mi (timana ya 3) ha na inzi fa . . . lilundu . . . la likota za Olive, balutiwa bataha ku yena kwa mukunda, bali, Lu bulelele, ki lili lika ze ha li ta ezahala? . . . ki sikamañi se si ka supa kutaha kwa hao, ni kufela kwa lifasi?

¹⁴⁸ Cwale ha lu yemeñi foo. Litimana zetalu zee, li ezahalile, mane neli, la Bubeli musihali, Lungu la foo, A.D. 30. Mi litimana zepeli za makalelo ne lingile sibaka musihali wa la . . . ka Lungu la foo, mwa A.D. 30. Mi timana ya 3 ne iezahalile la Bubeli manzibwana a lizazi leliswana. Mwabona?

¹⁴⁹ Ba taha kwa tempele, mi ba Mu buza litaba zeo. “Kucwani ka ze? Mi kucwani ka ze? Talima tempele ye! Ha ki bunde mina?”

Ki hali, “Hakuna kuba neba lincwe le li ka siyala fahalimwa leliñwi.”

¹⁵⁰ Mi ki Ha ya fa lilundu ni kuyoinafafasi, mwabona. Ona kwani, ki Yani wa kalisa; ki musihali. Mi ba si no eza cwalo, ba Mu buza kwani, bali, “Lu bata ku ziba litaba zeñwi.”

¹⁵¹ Cwale mulemuhe, ki ze—ki ze lipuzo zetalu ze buziwa ki Majuda, balutiwa ba Hae. Lipuzo zetalu li buzizwe. Cwale mutualime. “Kiñi,” pili, pili, “Kiñi . . . ? Litaba ze li ka ezahala lili, ki lili, ‘Ha ku si ke kwaba licwe le li ka siyala fahalimwa leliñwi?’” “Ki sikamañi se si ka supa kutaha kwa Hao?” puzo ya bubeli. “Ni kufela kwa lifasi?” Mwabona nji? Ki zeo foo zetalu lipuzo.

¹⁵² Cwale, fo kona batu babañata fo ba ezeza mafosisa abona. Ba beya litaba ze kuya kwa lusika lwa kwapili, koo, mwa bona, U alaba lipuzo zetalu. Ki . . .

¹⁵³ Mutualime cwale mo—mo ibezi yende, timana ya 3, mwabona, siemba sa mafelelezo mwani mwa timana ya 3. “Mi ki sikamañi se si ka . . . ?” Pili, ne ba Mu bizelize fa lilundu la Olive fa, kwa mukunda. “Lu bulelele, ki lili fo li ka ezahalela litaba zee?” puzo ya pili. “Ki sikamañi se si ka supa Kutaha kwa Hao?” puzo ya bubeli. “Ni kufela kwa lifasi?” puzo ya bulalu. Mwabona? Ki zeo foo lipuzo zetalu zeshutana. Cwale, cwale Ni bata kuli muapule fabuse mubone mo Jesu a ba bulelela fa ka litaba zee.

¹⁵⁴ Oh, ki nto yende luli! Ni . . . Fela si ni eza . . . Ni—Ni—Ni ba ya . . . Ki linzwi mañi lani lene lu itusisize busihu bobuñwi? [Kopano ili, “Susumezo.”—Mu.] Susumezo yezwa kwa sinulo! Mulemuhe.

¹⁵⁵ Cwale ha lu apuleni cwale mwa Lisway la Pili la—la Maswayo a Buka ye, ni ku bapisa Liswayo la Pili ni puzo yapili.

¹⁵⁶ Mi puzo ni puzo, lu ibapise ka kushetumuna, ni kubona haiba ha i zamaeleli hande, inge fela mo lu ezelize mwahala kukwalula kwa masika a likeleke zeñwi ni lika kaufela, kiniti zaswana. Ki leo fo Liswayo, likwaluhile handende, cwale. Mulemuhe, cwale. Cwale lu ka bala, pili, kakuli ki . . . “Mi ki Ha ba alaba . . . ” Mi—

mi he Wa—Wa kalisa kualaba cwale, mi lubata ku li swanisisa ni Maswayo.

¹⁵⁷ Cwale amutalime. Liswayo la Pili ki Sinuo 6:1 ni 2. Cwale lu bala 6:1 ni 2.

Cwale—cwale Na bona . . . Ngunyana ha mamulula maswayo, mi Na utwa, inge lilata la mushika wa pula, sesiñwi sa libataba sa li, Taha u to bona.

Mi Ha ni talima, na bona pizi yesweu: mi ya ipahami u sweli buta mwa lizoho; mi afiwa kuwani ya bulena: aya ku yo koma, sina mukomni.

¹⁵⁸ Ne lufumaní kuli mutu yoo neli mañi? [Kopano ili, "Antikreste."—Mu.] Antikreste. Mateu 24, cwale, 4 ni 5.

Mi Jesu alaba ali ku—ku bona, Mutokomele kuli mutu a si ke a mi puma.

Kakuli babañata ba ka taha ka libizo la ka, banze ba bulela kuli, Kina Kreste; mi ba ka puma babañata.

¹⁵⁹ Mwabona kana? Antikreste. Ki leo fo Liswayo la mina. Mwabona? Mwabona? U li bulezi fa; mi fa ba mamulula Liswayo, mi ki yo nali fa, ka kupetahala fela.

¹⁶⁰ Cwale Liswayo la Bubeli, Mateu 24:6, Sinulo 6:3 ni 4. Cwale mutualime, Mateu 24:6. Cwale halubonení nitalime se i bulela.

Mu ka utwa lindwa ni milumo ya lindwa: mubone kuli mu sike mwa saba: kakuli zeo li tamehile kutaha, kono foo ha ku si ka taha kale mafelelezo.

¹⁶¹ Ku lukile, ha lungeni Liswayo la Bubeli, Sinulo 6:3 ni . . . Tuu. Mutualime Sa bulela cwale.

Mi ha i mamulula liswayo la bubeli, mi Na utwa sibupiwa sa bubeli ha si li, Taha . . . utobona.

Mi kwa ya pizi yeñwi ye soto: mi ya ipahami afiwa mata a ku zwisa kozo mwa lifasi, kuli batu ba bulayane: mi a fiwa lilumo le lituna.

¹⁶² Kuzamaelela, ki kuzamaelela hande! Oh, Ni tabela kuezanga Mañolo ku ikalaba ona Añi. Kana mwabona? [Kopano ili, "Amen."—Mu.] Moya o Kenile kona o Li ñozi kaufela, kono Yena wakona ku bala kaufela Zona.

¹⁶³ Cwale ha lu lemuheñi Liswayo la Bulalu. Cwale, ye ki tala. Cwale, Mateu 24:7 ni 8. Ha lu ngeni 7 ni 8, mwa Mateu.

Kakuli sicaba si ka lwanisa seicaba se siñwi, ni mubuso u lwanise mubuso o muñwi: mi litala likaba teñi, . . . ni matuku, . . . lizikinyeho za lifasi, mwa libaka zeñata.

Kono zeo kaufela likaba makalelo fela a manyando.

¹⁶⁴ Mwabona, mutaha mu pahama foo cwale. Cwale, Sinulo, lu ya bu 6, cwale lu ka apula mwa Liswayo la Bulalu. I fumaneha mwa Sinulo 6:5 ni 6.

Mi amamulula liswayo la bulalu, Na—Na bona sibupiwa sa bulalu sili, Taha utobona. Mi ha Ni talima, na bola pizi yensu; mi ya ipahami usweli likala zepeli mwa lizoho.

Mi Na utwa linzwi le lizwa mwahala libupiwa zene le lili, Tikanyo ya . . . tikanyo . . . Tikanyo ya buloto ki six-pence, mi litikanyo zetalu za mabele ki six-pence; kono usike wa sinya oli ni . . . veine.

¹⁶⁵ Tala! Mwabona, ki Liswayo leliswana fela handende, nto yeswana yana bulezi Jesu. Ku lukile.

¹⁶⁶ Liswayo la bune, “litala” ni “lifu.” Mulemuhe, Mateu 24. Lu ka bala mwa—mwa timana ya 8, 7 ni 8, Na lumela ki yona, fa Liswayo la Bune lee, Ni nani lona fa. Ku lukile.

¹⁶⁷ Cwale, kiñi se Ni balile fa mulaho fani? Kana Ni balile isili? Eehe, Ni iñozи yona ani. Eehe, ki lna bao foo. Cwale lwa ya. Cwale lu i zo ya. Ku lukile, sha.

¹⁶⁸ Cwale ha lu kaleleñi fa fa timana ya 7, ku se, Liswayo la Bune; mi fa 6:7 ni 8, ku yeñwi, ya Sinulo.

¹⁶⁹ Cwale ha lu boneñi timana ya 8 mwa Mateu 24. Ku lukile, cwale.

Kakuli sicaba si ka lwanisa seicaba se siñwi, ni mubuso u lwanise mubuso o muñwi: mi litala likaba teñi, . . . ni matuku, . . . lizikinyeho za lifasi, mwa libaka zeñata.

Kono zeo kaufela likaba makalelo fela a manyando.

¹⁷⁰ Cwale Liswayo la Bune, sina ha lu balile kulo fa, ne li . . . Liswayo la Bune, neli kukala ku yeñwi ye cwale.

Mi a mamulula liswayo la bune, na bona . . . sibatana sa buene sali, Taha u to bona.

Mi ha Ni talima, na bona pizi ye seta: . . .

¹⁷¹ Cwale mulibelete. Ni ngile isili. Eehe. Eeh. Cwale fa muzuzu fela, cwale, 7 ni 8.

¹⁷² Cwale ha lu boneñi, Mateu 24: ni 8. Cwale ha lu boneñi. Luka nga seo. Seo ki sa bulalu, sa kwaluha, nji cwani? [Kopano ili, “Amen.”—Mu.] Mateu 24:7 ni 8. Mu ni swalele. Cwale, seo si tibilula pula, kamba, tala, si kwalula tala. Ku lukile.

¹⁷³ Cwale, ki “matuku” ni “mafú.” Eeni, sha. Cwale lu ya ku yona, 7 ni 8. Cwale, leo likaba Liswayo la Bune. Ha lu boneñi ko luka nga Liswayo la Bune. “Mi ha mamulula Liswayo—Liswayo la Bune . . .” Eehe, ki mupahami wa pizi ye seta, “Lifu,” mwabona.

Mi—mi Na talima, na bona pizi yeseta: mi ya . . . pizi yeseta: mi libizo la ya ipahami ubizwa Lifu, mi Lihelene li mu . . . latelela. Mi a fiwa mata fa lika zene—. . . likalulo za lifasi, kuli a bulaye ka mukwale, ni ka tala, ni ka lifu, ni ka libatana za lifasi.

¹⁷⁴ Cwale, mwabona, lani neli “Lifu.”

¹⁷⁵ Cwale, Liswayo la Buketalizoho, Mateu 24:9-13. Ha luboneñi haiba Ni ngile seo ka swanelo, cwale, hape. Mwabona?

Mi ki ha ba ka mi swalisa batu kuli munyandiswe, mi ba mi bulaye (ki foo cwale): mi mu katoiwa ki batu kaufela kabakala libizo la ka. Mi kona baka . . .

Mi cwale ba bañata ba ka . . . ba bañata hape ki ha ba ka sitatala, mi ba ka betekana, ni ku toyana.

Bapolofita babuhata babañata ba ka taha, mi . . . baka puma babañata.

Mi kakuli bumaswe bu ka ekezeha hahulu, lilato la ba bañata lika fola.

Kono ya . . . tundamena ku isa kwa mafelelezo, ki yena ya ka piliswa.

¹⁷⁶ Cwale, lu mwa Liswayo la Buketalizoho cwale. Mi lani neli la maabani busihu, mwabona. “Ba ka mi swalisa batu, ba ka betekana,” ni zeñwi cwalo.

¹⁷⁷ Cwale mutualime ona Liswayo labu 6, 6:9 kuisa 11. Cwale ha lungeni yeo, Sinulo 6:9 kuisa 11.

Cwale ha mamulula liswayo la buketalizoho, Na bona mwatasa aletare mioya ya baba bulaezwi linzwi la Mulimu, ni bupaki bo ne ba na ni bona:

Mi ba huwa ka linzwi lelituna, ba li, U kanga nako yekuma kai, . . . Mulena, yakenile . . . mi wa niti, ha u sa . . . atuli u sa lifisi mali a luna ku ba ba yahile mwa lifasi?

Cwale, ba fiwa yomuñwi ni yomuñwi siapalo se si sweu; mi ba bulelelwa kuli bapumule nako ye nyinyani, mane palo i petahale ya balikani babona, . . . mwa sebelezo ni ya bana bahabo bona ba ka bulawa sina bona.

¹⁷⁸ Cwale mwa bona, mwatasa Liswayo la Buketalizoho, lu fumana—lu fumana fa bubulai bwa balumeli.

¹⁷⁹ Mi mwatasa 24:9 ona faa, luna . . . kuisa 13, lufumana cwana hape kuli neli babulaiwa. “Ba ka mi swalisa batu, mi ba mi bulaye,” ni zeñwi cwalo. Mwabona, Liswayo leliswana ha li kwaluha.

¹⁸⁰ Cwale, mwa Liswayo la Busilezi, kona mo lu taha cwale, Mateu 24:29 ni 30. 24, mi ha lu ngeni 29 ni—ni 30. Ki luna ba fa.

Cwale, cwale lu ka nga, hape, Sinulo 6:12 kuisa fa 17.

¹⁸¹ Kona ye lu sa zo bala fela. Cwale muteeleze ku se, cwale, sa na bulezi Jesu mwa Mateu . . . :29, 24:29 ni 30.

Hasamulaho wa manyando a mazazi ao . . .

¹⁸² Kisikamañi? Mi ki . . . nyandiso ye, nyandiso ya makalelo ye ba fitile ku yona yee, mwabona.

. . . lizazi li ka unsufala, mi kweli haina ku monyeha liseli la yona, mi linaneli li ka welafafasi, mi mata a . . . lihalimu a ka nyanganyiswa:

Mi kona ku ka bonahala sisupo sa Mwan'a mutu mwa lihalimu: mi mabaca a lifasi kaufela aka lila ka butuku, mi ba ka bona Mwan'a mutu inza taha mwa malu a kwa lihalimu ka mata a kanya yetuna.

¹⁸³ Cwale, mubale mo mwa Sinulo cwale, ki—ki Liswayo la Busilezi, mona mo luinzi busihu boo cwale.

Mi . . . nabona ha mamulula liswayo la busilezi, mi, nabona, nekuna in zikinyeho yetuna ya lifasi; mi lizazi la unsufala sina bulizi (mwabona?) bwa pizi, mi kweli ya fetuha mali;

Mi linaleli za kwa lihalimu za welafafasi, sina kota ya feiga yebulumuna lifeiga za yona ze si ka buzwa, ha i . . . nyungwa ki moyo o mutuna.

Mi lihalimu la minahana sina buka ha i minwa; mi malundu kaufela ni lioli kaufela za . . . tutiswa mwa mabaka a zona.

Mi malen'a lifasi, ni batu ba batuna, ni bazamaisi ba limpi, ni ba ba fumile, ni lindume, ni baba ipusa kaufela, ni bazike kaufela, . . . ni baba ipusa kaufela, ba yo yo ipata mwa misima . . . ni mwa macwe a kwa malundu;

Ba bulelela malundu ni macwe ba li, Mu luwele fahalimu, mi mu lu pate fapila pata ya hae yena ya inzi fa lubona, ni fapila buhali—buhali bwa Ngunyana:

Kakuli lizazi le lituna la buhali bwa hae li fitile; . . . mi ya ka kona ku yema ki mañi?

¹⁸⁴ Ka ku zamaeleta fela, muapule fabuse, mubone sa na bulezi Jesu fa cwale mwa Mateu 24:29. Muteeleze. “Kasamulaho,” taba ya Eichmann yoo, ni zeñwi cwalo.

Nalelwa ya mazazi ao iman'o fela lizazi li ka unsufala, . . . kweli i ka tokwa—tokwa liseli, . . . mi linaleli li ka wa kwa lihalimu, . . . mi ze mata ze kwa . . . lihalimu li ka zikinyeha:

Cwale mulemuhe.

Ki ha ku ka taha kwa lihalimu sisupo sa Mwan'a mutu: mi ba ka mubona, mane ba ka . . . macaba kaufela a lifasi a ka i ka lelwa, mi aka bona Mwan'a mutu a taha ka malu a lihalimu ka mata a matuna ni ka kanya ye tuna.

Mi . . . uka luma mangeloi a hae, ni zeñwi cwalo, mi ni ka . . . mulumo wa tolombita, mi . . . ba ka kubukanya ba hae hamoho . . . kwa mioya yemine, . . . kubeiwa hamoho.

¹⁸⁵ Mwabona ona cwalo ka kuzamaeleta, kubapanya ku sa na bulezi Jesu mwa Mateu 24, ni seo musinuli fa ukwaluzi mwa Liswayo la Busilezi, ki lika fela zeswana. Mi Jesu na bulela ka za nako ya Nyandiso. [Muzwale Branham ungongota fa katala halalu—Mu.] Mwabona?

¹⁸⁶ Pili, na buzizwe lika ze ka li ka ezahala, foo tempele ha i ka sutiswa. Na alabile zeo. Nto yetatama yana buzize, ki lili ha ku ka taha nako . . . Nako ya lusika lwa kubulaya balumeli. Mi cwale se ha si ka ezahala, foo antikreste ha ka taha; ni foo antikreste ha sa ngile tempele.

¹⁸⁷ Daniele, mo ne luka kutela kwa mulaho ku yo pamula Daniele kwani, ha na bulezi cwana, kuli mulena yoo u ka taha. Mina babali mwa ziba seo. Mi kiñi za na ka eza? Uka zwisa litabelo za ka zazi, ni ze ne ka ezahala kaufela mwa nako yani. Abulela . . .

¹⁸⁸ Jesu, mane, wa bulela ka zona fa, na kutezi fateni. Ali, “Ha mu ka bona bumaswe bo bu shandaula, bo bu bulezwi ki mupolofita Daniele, bu inzi mwa sibaka se si kenile.” [Muzwale Branham ungongota halalu fa katala—Mu.] Ki sikamañi seo? Muyaho wa mosque wakwa Omar, no yemi mwa sibaka sa tempele ha ba u cisa. Ali, “Fo he baba inzi mwa malundu . . . Baba inzi fa situwa sa ndu, basike ba ba tuluka ku tonga sika mwa ndu, kamba yena yainzi mwa simu asike akutela kwa hae. Kakuli i kaba nako ya ñaelwa!” Mwa bona? Mi lika ze kaufela li ka ezahala, lu li shetumuzi mi li pakilwe, kukutela kwa kukwaluha kwa Liswayo la Busilezi lee.

¹⁸⁹ Cwale Ni bata kuli mulemuhe. Jesu . . . Cwale, mwendi kamuso busihu, ku Se, Jesu na siile tuto ya Liswayo la Busupa. Ha i yo mwateni. Mutualime, U zwelapili ni linguli cwale, kuzwa fani. Mi Joani na siile Liswayo la Busupa. La Busupa, kona la mafelelezo, Liswayo la Busupa, yani ikaba nto yetabisa. Mane ha li ñolwa, mwabonna. Na siile Liswayo la Busupa; bubeli bwa bona ne ba li siile. Mi musinuli, fani Mulimu ha na bulezi nekuna ni . . . Joani ali, “Nekuna ni fela kukuza mwa Lihalimu.” Jwesu na si ka bulela linzwi la Lona.

¹⁹⁰ Mulemuhe cwale, kuktela kwa timana ya 12, mulemuhe, hakuna Sibatana. Yeo ki timana ya 12, ye kalisa Liswayo la luna, ku li bona ha li apulwa. Hakuna Sibatana, inge, Libupiwa zepila, se si yemelwa faa, mane, sina mo ne kuinezi mwa Liswayo la Buketalizoho. Kiñi? Se ne si ezahalile, kwa neku leliñwi la lusika lwa Evangelii, mwa nako ya Nyandiso. Liswayo la Busilezi ki nako ya Nyandiso. Kona se si ezahala. Munyaliwa sa iile kale. Mwabonna? Hakuna Sibupiwa se si pila mwani sa ku bulela

cwalo. Fela ki... Cwale, Mulimu ha sebelisani ni Keleke foo cwale; se Iile kale.

¹⁹¹ Usebelisana ni Isilaele, mwabona. Mwabona, kwa ki kwa neku lelliñwi, fa kifona foo Isilaele ha na amuhela Liñusa la mubuso, ka bapolofita ba babeli ba Sinulo 11. Muhupule, Isilaele ki na ha, mutang'a Mulimu, na ha. Mi cwale—cwale—cwale Isilaele ha sa tisizwe mwateni, ikaba taba ya—ya na ha.

¹⁹² Isilaele, ki lusika lwa mubuso, kona foo Davida... yena Mwan'a Davida, uinzi fa lubona. Kona libaka musali yani ha na huwile kuli, "Wena Mwan'a Davida!" Mi Davida una ni... Mwan'a Davida! Mulimu a konka ka Yena, ku Davida, kuli Uka zusa Mwana ya ka ina fa lubona lwa hae. Ikaba lubona lwa kamita. Mwabona? Ha luna kuba ni mafelelezo. Solomoni na u file, mwa mufuta, mwa tempele. Mi Jesu na ba bulelela fela fa, kuli, "Hakuna kuba ni licwe le li ka siiwa fahalimwa leliñwi." Kono ulika ku ba bulelela fa, se si ka... Wa kuta hape.

"U Ka yo kuta lili?"

¹⁹³ "Lika ze li ka ezahala Ni si ka kuta kale." Mi ki ze fa!

Cwale lu kwa nako ya Nyandiso.

Muhupule, foo mubuso ha u so tomilwe, fa lifasi...

¹⁹⁴ Cwale, se sa kona ku komokisa nyana. Mi haiba kuna ni puzo, mi mwakona—mwakona ku ni buza; haiba mubata kuñola puzo yeo, iman'o buziwa, ni ku italima fela; haiba ha mu si ka buza, ha mu i zibi mane ka nako yee.

¹⁹⁵ Mwa nako ya Mileniamu, ki Isilaele ye li na ha, masika a twelufu ka kuba na ha.

¹⁹⁶ Kono Munyaliwa u inzi mwa sibaka. Ki yena Mulena wa musali cwale. U nyezwi. Mi lifasi kamukana li ka taha mwa munzi woo, Jerusalema, mi uka li ka tisa kanya ya lona mwateni. "Mi minyako haina ku kwalwa, ka—ka—ka nako ya busihu, kakuli hakuna ku yo ba busihu." Mwabona? Minyako i ka kwaluha. "Mi malena a lifasi," Sinulo...:22, "a ka tisa likute ni kanya ona mwa munzi woo." Kono Munyaliwa umwateni ni Ngunnyana. Oh, mawi! Mwakona kubona zeo, umwateni mwani! Isiñi... Munyaliwa haana kupila fa inza nyandela mwa masimu a veine. Batili, sha. Yena sa li Munyaliwa. Ki yena Mulena wa musali ku Mulen'a hae. Ki basili baba ka yo sebeza mwateni, ki na ha, isiñi Munyaliwa. Amen. Ku lukile.

¹⁹⁷ Mulemuhe balumiwa ba cwale, balumiwa ba Sinuo...:12 baa, bapolofita bababeli baa, ba ka kutaza kuli, "Mubuso u fakaufi!" Mwabona? Mubuso wa Lihalimu u ka tuha u tomiwa. Ki nako, biki ya mnafelelezo ya myaha ye milalu ni licika ya Daniele, ze sepisizwe kwa Majuda, sona sicaba sa hae. Muhupule cwale, kuli, ka kubonisa seo, kuli ye kona kalulo ya mafelelezo ya biki ya busebente ya Daniele. Ni na ni puzo fateni foo ya kamuso. Mwabona?

¹⁹⁸ Cwale, lisunda ze sebente ze ne sepisizwe, ili myaha ye sebene. Mi mwahali a lisunda ze sebene, Mesia na ka bulaiwa, kuli aezwe sitabelo. U ka polofita myaha ye milalu ni lilcika, mi kuzwa foo uka bulaiwa, kuba sitabelo sa sicaba. Mi ku sa na ni ze siyezi, ona myaha ye milalu yani ni i sa tomezwi Isilaele. Mi, Mesia ha to bulaiwa, Majuda ba foufala kuli ba palelwa kubona kuli yani neli yena Mesia.

¹⁹⁹ Mi, he, Mesia ha sa bulailwe, cwale lusika lwa Evangelii ni sishemo lwa taha ku Bamacaba. Mi ba taha, mane Mulimu anga alimuñwi kuzwa *fa ni fani*, ni *fa ni fani*, ni ku ba beya mwatasa balumiwa; ni *fa ni fani*, ni *fa ni fani*, ni ku ba beya mwatasa balumiwa.

²⁰⁰ Mi cwale Aluma mulumiwa wa pili, mi a kutaza, ni tolombita ya liziwa; sina mo lu ka li fumanela, fa nako nyana. Mi, he, tolombita ne i zibahalisa ndwa. Tolombita kamita iyemela ndwa. Mulumiwa, lingeloi la taha mwa lifasi, mulumiwa wa hola yateni, sina za Luther, inge babañwi ba balumiwa bo lu bulezzi za bona. Ueza sikamañi? A fita; mi Liswayo li kwaluhile, li patuluuhile; tolombita ya liziwa, ndwa ya kala, mi ki bao baya ona cwalo. Mi cwale mulumia a shwa. U swaya sicaba sa hae; ba beiwa mwateni. Mi koto ya wela babane ba hanile ku Utwa. Mwabona?

²⁰¹ Mi za zwelapili, mi se ba ikongakonga, baikungela kopano yeñwi. Kona lu sa zwa fela mwateni. Mi, ki ba bataha ka mata amañwi, mwabona, mata amañwi, lusika loluñwi lwa keleke, bulumiwa bobuñwi. Mi, ha sa ezize cwalo, kona ku ka taha Mulimu ni bulumiwa bwa Hae, fo antikreste ha taha ni bwa hae. Mwabona, *anti* ki “kulwanisa.” Ba zamaya neku le ni neku le.

²⁰² Ni bata kuli mulemuhe nto yeñwi yelikani. Ka yona fela nako yana—yana tahile Kaine mwa lifasi, Abele ataha mwa lifasi ni yena. Ni bata kuli mulemuhe, yona nako yana—yana tile Kreste mwa lifasi, Judasi ataha mwa lifasi ni yena. Ka nako yana yeo Kreste a zwa mwa lifasi, Judasi a zwa mwa lifasi. Ka yona nako yeo—yeo Moya o Kenile ha u suluha, moya wa antikreste wa suluha ni ona. Ka nako yeo Moya o Kenile ha u i Ipatulula mwa mazazi a mafelelezo, antikreste ni yena abonisa mibala ya hae, ka kutaha kufitela mwa litaba za naha ni lika zeñwi. Mi neli fela ka nako ya zamaya antikreste ka kutala mwa mikw-... kutaha mwa sibaka; Mulimu a zamaya isali Yena, ku to pilisa lika kaufela. Mwabona, ki kuzamalelela fela, ona cwalo hamoho. Mi ki zeo, zepeli, neku ni neku. Kaine ni Abele! [Muzwale Branham ukambela mazoho hañwi—Mu.] Liñwalala ni liiba, mwa areka! Judasi ni Jesu! Ni kushetumuka fela ona cwalo, mwakona ku lifumana. Fela...

²⁰³ Kwanu nekuna ni Moabi ni Isilaele; bubeli bwa bona. Moabi ne si naha ya buhedeni. Batili, sha. Ne ba fa sitabelo se si swana sa na fa Isilaele. Ne ba lapela ku Mulimu yaswana. Ona cwalo.

Moabi na biza- . . . Neli alimuñwi wa bana ba basizana ba Lota ya na lobezi ni ndatahe, mi aba ni mwana. Mi mwana yani abizwa kuli Moabi. Mi kuzwa ku yena kwa taha lusika lwa ba ha Moabi, naha ya ma Moabi.

Mi ha ba bona Isilaele, muzwale wa bona ya liuluzwi, ha taha.

²⁰⁴ Neli ba buluki ba milao. Nebali kopano yetuna. Isilaele nasina kopano; napila fela mwa litende kaufela kw'a na ya. Kono Moabi na na ni baika, malena, ni zeñwi cwalo. Mi nebana ni Balami kulo kwani, yena—yena mupolofita wa buhata. Mi nebana ni ze kaufela. Mi ba taha kwani ku yo kuta muzwale wa habo mwa neli mwa musipili wa kuya kwa naha ya sepiso, inza ya kwa sepiso ya hae.

²⁰⁵ Mi aya a yo ba kupa ali, “Kikuli Na kona ka fita mwa naha ya hao? Haiba likomu zaka lika nwa mezi, Ni ka lifa. Haiba li ka fula bucwani, lu ka lifa.”

²⁰⁶ Mi hali, “Awa. Hauna kuba ni mukopano o cwalo kulo moo. Ki niti. Hamuna kuba ni taba yecwalo kulo mo.”

²⁰⁷ Mi cwale mutualime sa na ezize. A taha mwa mufuta wa Jezabele, ni kutaha ka mupolofita wa buhata yani, mi aeza kuli bana ba Mulimu ba fose. Mi ba nyala basali ba ma Moabi kukena—kukena mwa Isilaele, mane bapila ka buhule.

²⁰⁸ Mi aeza lika zeswana, mwa lusika ona lwani, mwa musipili, mwa musipilikuliba kwa Naha ya sepiso, mo luinzi. Kiñi sa na ezize? Mupolofita wa buhata ataha mi a nyala, ni kubiza keleke ya Baipanguli, mi aeza likopano, ka kuswana fela ni se ne ba ezize kwa mulaho kwani. [Muzwale Branham ungongota fa katala hane—Mu.]

²⁰⁹ Kono Isilaele yomunyinyani azwelapili kuya, ka kuswana. A zamaya mwa lihalaupa fa nako yetelele, mi kaufela bona ba shwa, kono aya mane kuyo punya kwa naha ya sepiso. Eehe. Eeni. Mubatalime kayfela bona mwa muzamao o swana, ba si ka sika kale Jordani. Ha-ha! Na lata cwalo. Cwale lwa fita fa lusika lwaterni cwale, kilo cwale. Mulemuhe.

²¹⁰ Cwale lufumana cwana, kuli, nako, yefelile (Ne ni bulezi) myaha ye milalu ni licika ya lisunda ze sebenete za Daniele.

²¹¹ Haluboneñi ni tatulule seo hanyinyani nyana cwale, kakuli Ni bona kuli kuna ni ya si tokomela kulo faa, mi Ni—Ni bata kuli li utwahale; ki muluti.

²¹² Mulemuhe fani lisunda ze sebente za taha. Mi Daniele ha na boni nako yani inge itaha, mi ni kufela kwa Majuda, kono na bulezi kuline ku sa siyezi lisunda ze sebente. Yeo ki myaha ye sebene; mwahala yona, kiñi, Mesia uka ba fa, kamba uka bulaiwa, kuba sitabelo. Cwale, kona ze ne ezahalile ona zeo.

²¹³ Mi, Mulimu na talimana ni Bamacaba kufitela baikungela sicaba se si somekelwa Libizo la Hae. Mi Keleke ya Bamacaba i sa ngiwa fela, Yena na ingile Keleke yani.

²¹⁴ Mi Aman'o eza cwalo, mwalanjo ya lobezi, keleke kasibili... Munyaliwa angelwa mwahalimu. Mi keleke kasibili ya nepelwa mwa "lififi la kwande, ko kuna ni lililo, ni kulila, ni likweca meno." Ka nako yeswana, Nyandiso i ka wela fahalimwa sicaba.

²¹⁵ Mi cwale Nyandiso ha i nze i wa cwalo, mwahali mwani ku taha bapolofita bababeli baa ba Sinulo 11, kuli ba kutaze Evangeli ku bona. Mi ba kutaza sikit, wani handeleti...ni mazazi a sikisite. Mwabona? Kihande, yeo ki niti, ka mazazi a mashumi amalalu mwa kweli inge kalenda ya niti mo ibezi, ki myaha ye milalu luli ni licika. Yeo ki kalulo ya Daniele, kalulo ya mafelelezo ya sunda ya bu sebente. Mwabona?

Mulimu ha si ka talimana ni Isilaele fa. Batili, sha.

²¹⁶ Muzwale na ni buzize, ha ki kale hahulu, naize, "Kana Ni zamaye kwa..." Ki-ki muzwale mo mwa keleke, yomunde, muzwale wateni, ali, "Ni—Ni bata kuya kwa Isilaele. Ni lumela kuli kuna ni nyungano."

²¹⁷ Yomuñwi naize kuna, "Muzwale Branham, u swalela kuya kwa Isilaele ona fa cwale. Ba ka si bona." Mwabona, ha ukoni kueza cwalo.

Na yema fani, mi Na hupula...

²¹⁸ Majuda bani bali, "Haiba Na... Kihande, haiba se ki sona, Jesu abe—abe yena Mesia," ali, "alubone ni Mu bone aeze sisupo sa mupolofita. Lu ka lumela bapolofita ba luna, kakuli kona se ba—se ba swanelia kuba sona."

²¹⁹ "Ha ki mubonelo ni woo," Na hupula. "Kina yo Na ya!" Ha Ni yo fita kwani, fa kaufi ni yona, kihande... Ne nili, kihande, Ne nili kwa Cairo. Mi inge Ni sweli tikiti mwa lizoho laka, ya Isilaele. Mi na li, "Na, Na ya, lubone haiba ba ka yoni buza zeo, haiba ba ka bona sisupo sa mupolofita. Lu ka bona haiba ba ka amuhela Kreste."

²²⁰ Lewi Pethrus, wa kwa keleke ya Stockholm, a ba lumela Libibele ze wani milioni.

²²¹ Mi Majuda bani ba taha kwani! Muboni siswaniso. Ni nani sona fa sibulukelo, ona kwa mulaho kwanu cwale, Mizuzu *Yemilalu Kufita Fahala Busihu*. Mi Majuda bani ba taha, kuzwa kwa libaka za lifasi kaufela, bakala ku kubukana mwani.

²²² Engaland ha se iile kale, mwa nako ya General Allenby, mwa *The Decline Of The World's War*, mwa buka ya bubeli, Ni sepa ki yona, mi se ba i toboba, bona ma Turks ba i toboba bali pwapwa, mi ki ha i fa kwa Isilaele. Mi ibile ihula ka kuba naha, mi cwale ikwanile seli naha: mali a yona, masheleñi, ndembela, limpi, ni lika zeñwi kaufela. Mwabona?

²²³ Mi Majuda baa, ba kutela kwa mubu wa bona, nebalii kwani... Taba yapili, hane baile kwa Iran, ku yo fita kwani, kuli ba yo ba nga, ba buza... Se bali... ki hali... Ba bata kuba kutiseza kwa Isilaele, ku bafa sibaka sa bona; ku ba kutiseza mwa naha ya bna, Palestine, mo ba lukela kuba.

²²⁴ Mi, muhupule, haibile fela Isilaele i zwa mwa naha yani, i kwande a tato ya Mulimu; sina Abrahama, ya na filwe yona. Mi cwale...

²²⁵ Ne ba si ka kwela fulai yani. Mane ne ba si ka bona sika se si cwalo fateni. Nekuna ni mulutti rabbi wa mucembele yana keni mwateni, ali, "Mupolofita wa luna u bulelezi, kuli, Isilaele ha ka ya kwa hae, ikaba 'fa mafufa a mbande,'" mwa fulai, nzila ya kuya kwa hae ka yona.

²²⁶ Ki yani kwani cwale, wa yaha. Kota ya feiga isweli yatubula! Amen! Ndembela ya kale ye shengile ha silezi isa pepela!

²²⁷ "Mazazi a Bamacaba a balilwe, ni misima ikatilwe!" Nako ya Nyandiso i fa kaufi!

²²⁸ Mi iyemi ona fani, mi Maswayo asweli kupatululwa, Keleke i itukisize kuli Ifufe mwa mbyumbyulu!

²²⁹ Mi Nyandiso i tomilwe, kipeto Mulimu uta tuluka ange ba handeleti ni fote-foo sauzande kuzwa mwani. Amen! Kifooi, oh, li petehile! Mwabona ko Maswayo ali tisa cwale, mwabona, ku li kwalula? Cwale, ye ki kalulo ya mafelelezo mwa myaha ye milalu ni licika kwa sicaba. Hape, haiba muka lemuha, ki nako yeo Mulimu aka biza ba handeleti ni fote-foo sauzande Majuda bani, mwa myaha ye milalu ya mafelelezo ye ni licika.

²³⁰ Mwabona, Ha si ka talimana kale ni bona, neba hanyinyani. Ha ba si kaba kale ni mupolofita. Habana kulumela sika kaufela kwand'a mupolofita. Hamukoni ku ba puma. Kacwalo, ba ka utwa mupolofita, eeni, sha, mi ki zona fela kihona. Kuli, Mulimu na ba bulelezi cwalokwa simuluho, mi baina ona cwalo ni lona.

²³¹ Mi ali, "Mulena Mulimu wa mina uka mi zusa Mupolofita yazwa mwa sicaba sa mina, yaswana nina." Mushe ki yena yana bulezi cwalo. Mi ali, "Yena yoo mu ka mu utwa. Mi yasike a utwa Mupolofita yoo, uka bulaiwa azwiswe mwa sicaba." Yeo ki niti.

²³² Mi, mwa bona, meto abona na foufalizwe, kamba ne ba ka Mu lemuha. Kufita kukeza cwalo, ba foufala, nebalii cwalo... Kuli mane Satani a ba swala, mi se bali, "Ki mulauli, Baalezebubi. Mali a hae abe fahalimwa luna. Lu ziba kuli hakuna sa li sona." Mwabona?

²³³ Mi sicaba snai sa foufala. Kona libaka sikhwata sa Eichmann ni likwata zani kaufela ha ne li bulailwe kwa mulaho kwani. Nebana ni tukelo yakutaha mwateni; Ndata bona luli, nana ni kuba foufaza kuli Aikungele luna mwateni.

²³⁴ Yeo ki taba ye utwisa bumaswe luli mwa Mañolo, mane. Munahane fela foo, Majuda, inge ba biza Mali a Ndata bona luli,

Mulimu wa bona luli inza nyendaela fani, ulota mali. Mutualime, “Ba Mu kokotela,” kubulela Bibebe. Ao ki manzwi amane mwahala manzwi amatuna. Mutualime. “Kwani,” Jerusalema, muleneňi o kenile hahulu mwa lifasi. “Bona,” batu baba kenile hahulu mwa lifasi. “Bakokotela,” lifu leli butuku hahulu mwa lifasi. “Yena,” yena Mutu ya butokwa hahulu mwa lifasi. Mwabona? Kiňi? Batu ba bulapeli, bulapeli bobutuna hahulu mwa lifasi, bulapeli fela bulinosi mwa lifasi, ne ba yemi fani, ingeba kokotela Mulimu yaswana yoo Bibebe yabona ne i bulezi kuli wa taha.

²³⁵ Kiňi ha ne ba si ka libona? Bibebe i lu bulelela kuli Mulimu na ba foufalize kuli basike ba li bona. Bona . . . Na ize, “Ki maňi wa mina yakona ku Ni nyaza ka sibi?” Ka manzwi asili, “Haiba Ha ni si ka eza ona cwalo kuya ka ze bulezwi kuli Ni eze, kipeto mu Ni bulelele.” *Sibi* ki “kusalumela.” Na ezize ona cwalo sa na Mu bulelezi Mulimu, kono ne ba si ka libona.

²³⁶ Cwale ha u ambola kwa batu, kuswana fela sina kusela mezi fa mukokoto wa pato. Mwabona se Ni talusa? Ki taba yeutwisa butuku, ha mubona naha ye ni sicaba, mo si ezeza, baba omelezi milala ni bulapeli fela! Kono hanili Moya o Kenile wa lu bulelela zona? “Bakaba ba inuneki, baba itumbaeta, babalata hahulu minyaka kufita kulata Mulimu, baba na ni ñole, baba seba batu ka buhata, baba sa koni ku iswala, baba toya batu babande. Ba kaba ni mubonahalelo wa bulapeli, kono ba ka latula Mata a Evangelii.” Ali, “Kubaba cwalo, mu sabe kwateni.”

²³⁷ Ki luna bna faa, likopano ze li kopamisize Lika. za ikungela kanya ni Mata, mu Si beye kwa mulaho ni baapositola, ni zeňwi ze siyezi za Yona mwa Mileniamu. Kuswana sina mutu, sina ha Ni bulezi kale; mutu ukana afa tumbo Mulimu ka Za kile aeza, ulibelela za kwapili za Ka eza, mi utoboha Za sweli kueza ona fa cwana. Yeo ki niti. Mutu u sa li ya swana.

²³⁸ Majuda bani ne ba yemi fani, inge ba bulela kuli, “Kanya ku Mulimu! Kiňi,” mwa kauhanyo ya 6 ya Muňoli Joani, ili, “bokuku aluna ba kale ba bacile manna mwa lihalaupa!”

Mi Jesu ali, “Ba shwile, maňi ni maňi.”

²³⁹ “Ba nwile mezi a nwa Licwe mwa lihalaupa, ni lika kaufela.”

²⁴⁰ Ki hali, “Kina Licwe lani.” Yeo ki niti. Amen. Ki hali, “Kono Kina Sinkwa sa Bupilo se si zwile kwa ku Mulimu kwa Lihalimu, yona Kota ya Bupilo yani kuzwa kwa Edeni kwani. Mutu ha ca kwa Sinkwa se, haana kushwa; Ni ka mu zusa ka lizazi la mafelelezo.” Mi niteňi ne ba si ka libona! Yeo ki niti.

²⁴¹ Yena Mesia luli na yeni fani, inza bulela manzwi aswana a lipilu zabona, ni lika zecwalo, kubonisa kuli Na li yena Mesia, ona cwalo fela mwa na lukela kuezeza!

²⁴² Mi bona inge ba yemi bani ni mazoho abona kwa mikokoto, mi, “Huh! Haku konahali kuba cwalo. Batili, batili. Na—na—

na si ka taha ka muzamao o lukile. Mwabona, na zwile mwa Betelehema. Mi ha—ha ki sesiñwi kwanda kuba mwana wa mwa bonyazi. Mi yani ki diabolosi yana beleka ku yena. Lu—lu ziba kuli u pulumukile. Wa lyangana. Una ni dimona.” Mwabona? Meto a bona nali fela bubofu ku zona.

²⁴³ Cwale, kono basweli kulibeleta mupolofita wa bona. Mi ba ka li amuhela, ba ka amuhela bababeli ba bona. Yeo ki niti.

²⁴⁴ Cwale mulemuhe, hape, cwale, hape, Majuda bani faa... Ni ka mifa sisupo sesiñwi hape, kuli mu lemuhe kuli ki Majuda babainzi fa cwale, kwa neku leliñwi le la Kuungelwa. Mutualime se si ezahala. Kaufela li bonahalizwe mwa sisupo... Haluna kusinya nako ya ku lieza, kakuli lu—lu felezwi ki nako faa. Hape li bo nahalisizwe mwa... ku ze bizwa kuli “butata bwa Jakobo.” Cwale mutualime. Majuda baa fa banani... Mulemuhe. Oh, ki...

²⁴⁵ Ni—Ni—Ni kanga fela nako yelikani fa, mwabona. Si nieza kuba ya ikalelwa ha Ni kala kutula lika zecwalo. Mi... Mwabona? Mulemuhe. Ni bata kuli mu li bone. Mi Ni—Ni—Ni kaba fela... Kihande, Mulimu u ka mi bonisa zona, Na lumela. Mutualime.

²⁴⁶ Jakobo nana ni tukelo ya kupepwa. Kana ku cwalo? [Kopano ili, “Amen.”—Mu.] Kno yena kaniti na li ya butali ka zona. Mwabona? Na ilo puma bo ndatahe. A puma muhulwana hae. A eza lika kaufela. Kono, he, ka mulao, kushetumuka cwalo, kakuli Esau na li lekisize. Kono cwale ha naile kwani ku yo belekela mukwenyana hae, abeya tukota twani mwa mezi, kuli likomu za mafuta zazi ni zeñwi li pepe bana ba mibala-bala. Mi, oh, mwa ziba kaufela za na ezize ona cwalo, nela fela—fela kuba ni masheleñi. Cwale mutualime, cwale. Na hanilwe ki batu ba habo.

²⁴⁷ Cwale, ki mufuta wa Mujuda cwale. Ki muamuhi wa masheleñi. Hanina taba ka mukwa wa ka ikungelaona, ukaba ni ona. Uka ku buha litalo inge upila, kuli a ikungele ona. Cwale, mwa ziba cwalo. Kiya butali nyana, ki hona. Mushimani, usike wa bapala ni yena; uka—uka ku nga, mushimani tuwe. Eeni, sha. Kiñi? Ù lukela kua cwalo. Wani kona mufuta wa moyo o busa.

²⁴⁸ Kuswana fela sina baongaongi bani, ha ne ba sa utwisisis Linzwi le, kakuli wani neli ona moyo wa mutu ya na lumilwe kubona.

²⁴⁹ Ki lusika lwa mbande lo luamuhela Linzwi ni sinulo. Kaufela baba utwisia seo, mu nanule mazoho a mina, kuli Ni... Zeo ki zende. Ki hande. Mwabona? Yeo ki zende. Cwale, mwabona, haiba mwakona kukuta kwa mulaho kwanu mwa Maswayo aa, haiba Akile afita... Ha Na kwaluhile, mwakona kubona handende seo Mulimu aeza, sona Sa ezize, ni Sa ka eza. Ki se fa, kiniti.

²⁵⁰ Mi leo kona libaka baana bani ha be baeza mo ne ba ezeza, kakuli wani kona moyo o no iponahaza mwa lusika lwani, kuba ku bona. Ne ba si ka eza sika.

²⁵¹ Ni hupula Joani, Paulusi, ni babañwi, ona Moya wa tau wani, neli t-a-u yene yemi kwani, lona Linzwi Kasibili.

²⁵² Paulusi na yemi hande ni Linzwi lani, mi ali, “Na ziba cwana, kuli ku kaba mizwale ba mahata ba ba ka taha mwahala mina, baba zamaya zamaya. Mi se ba ka eza, likopano ni lika zeñwi kaufela, mwahala mina, ni se ba ka eza. Mi lika zwelapili kuya kwa mazazi a mafelelezo, ni nako yesabisa.” Kiñi? Na li mupolofita. Linzwi ne li yemi fani ku yena. Mo ne li ka felela, ona kwani; ali, “Baana ba mahata ba ka taha mwahala mina, mi ba bulele zekopami, ni kukelusa mizwale babali balutiwa.” Yani ka niti ki yena antikreste. Ne li bile ona cwalo.

²⁵³ Mulemuhe kasamulaho ba kena mwa lusika lwa lififi lwa nyandiso. Neli sikamañi sani? Ne kusina se ne bakona kueza. Rome nana ni . . . Nana ni mata a bulapeli, mi nana ni mata a buso. Ne si lika zene ba ka eza, kono neli kuikataza fela kupila, mi baipa ilibona kwa sitabelo. Ne li komu. Kona fela ze ne bakona kueza. Wani neli ona mufuta wa Moya one banani, Moya wa Mulimu, wa komu.

²⁵⁴ Mi, se kutaha baongaongi, toho ya mutu, bunangu, butali; Martin Luther, John Wesley, ni ba bañwi cwalo, Calvin, Finney, Knox, babañwi babona kaufela. Ki bao ba taha, mi, bamano taha, nebali baongaongi. Ba taha cwalo, inge baongaonga, kuzwisa mwateni sicaba.

²⁵⁵ Mi ba fetuha hape, ona cwalo sina mo ne baezelize kwa mulaho kwani, mi ba nyalwa ku zona hape, mwa mulao wa bona wa likopano, ona cwalo. Bibele ki mo i bulelezi. Musali nali “lihule,” mi hape nana ni “mahule,” bana ba basizana, ona cwalo feela.

²⁵⁶ Mi Mulimu ali, “Ni—Ni mu file sibaka sa kubaka, mi ha si ka baka. Kacwalo Ni ka munga ni litabelo za hae, ku li yumbela k li swanela.” Ye kona niti. Cwale, seo, Mulimu na bulezi cwalo, mwatasi ase, mwabona, mwataswa Liswayo. Cwale, ki yani nali fani. Lu fumana cwana kuli A eza ona cwalo, mi Ukana aeza ona cwalo. Mi ba cwalo, mañi ni mañi, balibile ona nzila yani.

²⁵⁷ Kono, ku babana ni mabizo abona kaufela mwa Buka ya Bupilo, Mulimu uka ba biza. Ba ka Li utwa. “Lingu za Ka liutwa Linzwi la Ka,” Jesu a bulela. Nto fela yeluna ni kueza ki fa pizo ya lingu. Lipuli halina ku Ilemuha. Mulemuhe. Kono, mwa bona, pizo ya lingu, “Lingu za Ka li utwa Linzwi la Ka.” Kiñi? Linzwi ki lifi kana? Ni bata ku mi bulelela seo Linzwi lili sona. Linzwi ki—ki sisupo sa moya.

²⁵⁸ Na ize ku Mushe, “Ha basike ba utwa Linzwi la sisupo sa pili, ba ka utwa Linzwi la sisupo sa bubeli.”

²⁵⁹ “Lingu za Ka liutwa Linzwi la Ka.” Liki ze ha lina ni kunga sibaka mwa mazazi a mafelelezo, lingu za Mulimu li ka lemuha Cwalo. Eeni, sha. Mwabona? Liki—lika Li lemuha. “Lingu za Ka za Ni ziba.” Mwabona? “Usili halina ku mu latelela.” Musike

mwa latelelanga bazwahule bani. I lukela kuba sisupo se si pakilwe sa lizazi le, mi li ka Si bona. Cwale, cwale mulemuhe.

²⁶⁰ Cwale, Jakobo, ha na taha cwalo, taba yapili mwa ziba, akala kunyolelwa ku ya (kai?) kukutela kwa munzi wa hae.

²⁶¹ Oh, kona sa na ezize Isilaele ona seo! Yeo—yeo... Yeo ki Isilaele. Jakobo ki yena Isilaele. Na cincizefela libizo la hae, mwa ziba. Mwabona? Mi ki yena...

²⁶² A zwa fani, mi anga masheleñi kaufela ana bile ni ona, mi awa aikungela luli, mi aya ni ona kaufela mwa na konezi, kuzwa kwa bana bahabo yena kamba mutu ufi kaufela. Kacwalo, kuputelela, kuuzwa, kupuma, kaufela mwa na ezelilze, aikungela zona. Mwabona? Na konile.

²⁶³ Mi cwale akala kukutela kwa hae, afita fakuli aikutwa bulutu mwa pilu. Kono ha na kalile kukuta cwalo, mwa musipili wa hae wa kukuta, akopana ni Mulimu, mi libizo la hae la cinciwa. Mwabona? Kono, mwa nako ye, na ikalezwi maswe, kakuli na saba kuli Esau na mu latelela. Mwabona?

²⁶⁴ Mi—mi mutualime, mutualime masheleñi, siyemo sa masheleñi. Inge fela Mujuda mwa kona kulikela kuba ni bulikani ni—ni Rome, mwabona, mwa siyemo sa masheleñi abona. Mulemuhe zeo. Kuli Esau na sa tokwi masheleñi a hae; neba yona Rome ha i a bat. Una ni sifumu sa lifasi mwa lizoho la hae. Mwabona? Kono na si ka beleka.

²⁶⁵ Kono lu fumana cwana, kuli, Isilaele, mwa nako yani ya butata, inge asali Jakobo, na lwanile ni... natilo swala Sika sa niti. Nekuna ni Muuna ya na tulukile. Jakobo a Mu beya mazoho, mi aina ona fani. Mi ni—mi ni—ni Mulikani ali, “Ni bata kuya cwale. Se buya busa.” Oh, kupazula kwa lizazi kwani! Mwabona? Ne se buya busa.

²⁶⁶ Kono Jakobo ali, “Ha—Ha ni na ku Ku tuhela. Wena, ha Una kuya. Ni ka ineleta ni Wena.” Mwabona? “Ni bata lika kuli licince fa.”

²⁶⁷ Kona seo ba handeleti ni fote-foo sauzande, sona sikhwata sa batu ba masheleñi sani, ni lika ze cwalo, ha ba bona niti, sika sa luli kuli ba swalelele ku sona. Ki yani Mushe uyemi fani, mi ki yani Elia uyemi fani. Amen! Ba ka lwana ni Mulimu kufitela ba handeleti ni fote-foo sauzande ba masika a Isilaele ha se ba bizizwe kwani.

²⁶⁸ Zeo fela ki foo nako ya Nyandiso isika kala kale, mwabona, (oh ha ki bunde ni boo) hape, “butata bwa Jakobo.”

²⁶⁹ Fa ki fona foo ba handeleti ni fote-foo sauzande ba bizezwa. Bona, ki—ki bakutazi, bona bapolofita bababeli bani, ne ba kutaza inge Joani Mukolobezi. “Mubuso wa Lihalimu u fa kaufi. Mubake, Isilaele!” Kubakela sikamañi? “Kwa libi za mina, ku sa lumela kwa mina, ni kukutela ku Mulimu!”

²⁷⁰ Cwale ha lu hupuleñi nto yeñwi fa. Likezahalo zetuna zee, ki za taho, li ezahalile fateni. Mwa timana ya 12 ye fa, mwabona, "Lizazi la fetuha bunsu sina saka sa bulizi bwa pizi." Cwale muuatule zeo.

²⁷¹ Cwale, muhupule, zeo ha li ezahaleli ku Bamacaba. Ki Isilaele. Haluboneñi ni mi bonise. Cwale, muhupule, Ni ize ki kubizwa kwa baba handeleti ni fote-foo sauzande. Mwabona? Nako ye cwale, ki foo Nyandiso, yalukela kueza cwalo. Mi se sa mi bulelela ze ka ezahala mwa Nyandiso yee.

²⁷² Cwale ha lu apuleñi mwa Exoda 10:21-23. Mi mutualime fa haba... Exoda ki foo, kakuli, Isilaele na zwela kwande, na ka lukululwa. Exoda, kauhanyo ya 10, ni timana ya 21, timana ya 23. Ni tabile hahulu mi na huwa, ha Ni ñolanga litaba ze, kuli fokuñwi Na kona ku li lyanganisanga. Ku lukile, Exoda 10:21-23. Ku lukile, kifo he cwale, 21 ni 23.

Mi MULENA ali ku Mushe, Otololela lizoho la hao kwa lihalimu, kuli kube lififi mwa Egepita, neba lififi ne li kona ku utwahala.

Mi Mushe a otolola lizoho la hae kwa lihalimu; mi kwa taha lififi lelituna mwa naha kaufela ya Egepita mazazi amalalu: (Mwabona?)

Cwale, ne ba palelwa kubonana, kamba neba kuzwa mwa mandu a bona ka ka mazazi a malalu: kono... bana ba Isilaele nebana ni liseli mwa libaka za bona.

²⁷³ Mulemuhe, ka swanelo fela, cwale mutahe fa, "Mi lizazi la fetuha bunsu inge saka ya bulizi bwa pizi." Mwabona, kinto ye swana! Likezahalo ze za taho, neli sikamañi sani? Sikamañi? Taho ha iezahala sina cwana, ibile Mulimu ya nza biza Isilaele. Mwabona? Mulimu u biza Isilaele. Cwale, "Lizazi sina saka yensu... ya bulizi." Cwale, Mulimu na li bukaufi ni ku lukulula Isilaele kwani, ku lukile, ku ba lamulela mwa lizoho la sila sa bona, sene sili Egepita, ka nako yani.

²⁷⁴ Cwale, fa, U sweli ku ba tisa kuzwa mwa lizoho la Maroma, ko ne ba bile ni bulikani bwa bona. Nto yeswana ya ezahala. Zani kona likoto, ki—ki nako foo likoto ze ha li ka biza ze ka beya sikuwata se sa Bamacaba mwa koto. Kambe luna ni nako, Ne ni ka mi bonisa ze ka ezahala kwa keleke ya Bamacaba.

²⁷⁵ Bibele ibulezi, kuli, "Ki—ki dragoni, Satani, yana filikani (koo, ki kunyema) ni musali (Mujuda, Isilaele), mi ya kwa mezi mwa mulomo wa yona, undi wa nyangela ni sicaba, se ne si ilo lwanisa bo masiyaleti ba peu ya musali." Sinulo 13. Cwale, mubone foo, lunani zeo. Mi foo kona Isilaele fa mu lumela... Ni talusa, Rome fa lumela mpi ya hae ku latelela baba siyezi, bo masiyaleti ba peu ya musali.

²⁷⁶ Cwale mutualime. Nako yapili, mazoho a sila sa bona, ha Na sweli ku ba lamulela, lizazi la fetuha kuba sina saka-...

lelinsu sina saka ya bulizi bwa pizi. Cwale, ye ki nako ya bubeli, mafelelezo a nako ya Manyando.

²⁷⁷ Cwale, ku Daniele 12. Kambe luna ni nako, ne luka ibala. Ku Daniele, timana ya 12—ya 12... kauhanyo ya 12, nitaluse. Daniele naize, “Kaufela ya ka fumanwi añozwi mwa Buka u ka piliswa.” Cwale, muhupule, Daniele u ambola cwale za nako ye lika zee... sika se ha si na ni kuezahala, foo Isilaele ha na ni kulamulelwa, foo ha—ha se ili mafelelezo a sunda ya bona ya bu sebente. Mi foo kona fo ba lukela ku lukuluelwa. Cwale mutualime. Ha lu yeñi mwa Daniele 12 mo, fa muzuzu fela.

*Mua linako zeo ku ka yema Mikaele, nduna yomutuna
ya yemela sicaba sa... sicaba—sicaba sa henu
(mwabona, bao ki Majuda): mi ikaba nako ya...
ñalelwa, ze ka... eza kuli samba kuba ha ku sika bonwa
nako yecwalo:...*

²⁷⁸ Cwale mubapise seo, handende sa na bulezi Jesu, Mateu 24, “I kaba nako ya ñalelwa, na ye eza kuli samba kuba ibeteñi mwa naha.” Mutualime fa Liswayo la Busilezi, mwabona, ki nto yeswana, nako ya ñalelwa. Mulemuhe.

*...samba kuba ha ku si ka bonwa nako yecwalo mwa
macaba: mua linako zeo sicaba sa henu... (Cwale, ku
ye yabu sebente, kalulo ya mafelelezo ya mwaha wa bu
sebene.) ...mutu kaufela mwa sicaba sa henu, ya ka
fumanwa añozwi mwa buka uka piliswa.*

²⁷⁹ Baba lemuhilwe kale, mwa bona, baba ñozwi mwa Buka ya Ngunnyana ya Bupilo, uka piliswa mwa linako zeo.

*Ku ba ba lobezi mwa liluli la lifasi ba bañata ba ka
zuha, babañwi ba zuhele bupilo bwa kamita babañwi ba
zuhele kunyazisezwa ko ku sa feli.*

*Cwale, ba babutali ba ka benya inge liseli la lihalimu;
mi—mi ba ba sikululezi babañata kwa kuluka ba ka
benya sina linaleli ni kamita ni kuyakuile.*

²⁸⁰ Kuli, mi azwelapili, abulelela Daniele kuli “u tiise Buka,” kakuli na ka pumula mwa siemba sa hae kufitela nako yeo.

²⁸¹ Cwale, mwabona, ha si ezi shutano ni yekana kamba wa pila kamba wa shwa. U ka zuha, nihakuli cwalo. Mwabona? Musike... Koo, kushwa, haki sesiñwi ku Mukreste. Yena ha shwi, nihakuli cwalo. Mwabona?

²⁸² Cwale, Daniele 12, ibulezi kuli kaufela ya ka fumanwa añozwi mwa Buka uka piliswa.

²⁸³ Fa, Mulimu u inzi bukaufi ni kulukulula mwana Hae wa bubeli, Isilaele, kasamulaho wa Nyandiso. Mwabona, nako ya bubeli, Isilaele, za Hae... Isilaele ki mwana Hae. Mwa ziba cwalo. Isilaele ki mwan'a Mulimu, kacwalo Uka mu lukulula mo mwa linako za Manyando, ona cwalo fela mwa Na ezelize mwani mwa Egpita.

²⁸⁴ Cwale ha lu yemeleñi fa, hape, mi—mi lunge taba isili fela, kuli, lu sika ifitisa kale fo iswanela. Cwale mutualime fa. Bapolofita bababeli baa, mutualime se ba eza cwale, inge fela Mushe ni babañwi mo ne ba ezelize kwani. “Mi na fiwa lutaka lo lusana inge mulamu . . .” Mi timana ya 3 ya kauhanyo ya 11.

Mi Ni ka fa mata kwa lipaki zaka zepeli, mi lika polofita mazazi aeza wani sauzande tuu handeleti ni sikisite, linze li apezi masila a saka.

Lipaki zeo ki likota ze peli za olive, . . .

²⁸⁵ Mwa hupula cwalo, ni Zerbabele, ni babañwi cwalo, ha nalukela kuyaha sincà tempete.

... mi malambi amabeli a yemanga fapil'a Mulimu wa lifasi.

... Mutu ha . . . lata ku lieza maswe mulilo u ka zwa mwa milomo ya zona, . . .

²⁸⁶ Muhupule, mwa mulomo wa Kreste kuzwa mukwale, Linzwi.

... ukacisa lila za zona: mutu ya lata kulieza maswe u swanezi ku shwa cwalo.

²⁸⁷ Cwale, lwa ziba, kuli “mulilo.” Mwa kauhanyo ya 19, ya Kutaha kwa Kreste, “ne kuzwa mukwale wa Hae mwa mulomo wa Hae,” onoli Linzwi. Kana ki niti yeo? Ki Linzwi! Oh, haiba muka utwisisa se cwale, kwa Liswayo la kamuso busihu lani! Mwabona, Linzwi kona sika sa bulaisanga lila za Hae Mulimu ka sona. Mwabona?

²⁸⁸ Cwale mutualime fa. Bapolofita ba ha ba sweli kupolofita kwani, basweli . . . Haiba mutu aba nyandisa, ku ba holofaza: “mulilo u ka zwa mwa milomo ya bona,” Mulilo wa Moya o Kenile, ili Linzwi. Linzwi ki yena Mulimu. Linzwi ki Mulilo. Linzwi ki Moya. Mwabona? “Uka zwa mwa milomo yabona.”

²⁸⁹ Mutualime Mushe. Ha lu boneñi ze ne zwa mwa mulomo wa hae. Bona, Isilaele, ne ifitile fa, mo ne ba ezeza kwani, neli—neli . . . Ni talusa, Egepita, nebasweli kunyandisa Majuda baa. Mushe . . . Kihande, ne ba sa ba lumelezi kuzwa. Faro na ba tibela. Mulimu na beile Manzwi mwa mulomo wa Mushe, mwabona, ki milelo ya Mulimu ye kena mwa pili ya Mushe, wa ya cwale u yo ibulela, kipeto iba Linzwi. Aotolola lizoho la hae, na bulela ali, “Ha ku be linzinzi,” ki zeo linzinzi za taha. Mutualime faa.

Mi mutu ha lata kulieza maswe, mulilo u ka zwa mwa milomo ya zona, mi uka cisa lila za zona: . . .

²⁹⁰ Mwabona? Ki zeo foo. Zakona kubulela ze li lata, mi za ezahala. Amen!

... mi mut ha lata kulieza . . . maswe, u swanezi kushwa cwalo.

²⁹¹ Muzwale, Mulimu u tile mwa sibaka cwale!

*Lina ni mata a ku – mata aku kwala lihalimu, kuli pula
isike ya nela mwa mazazi e li ka polofita: . . .*

²⁹² Elia wa ziba mwa kuezeza zeo; u li ezize kale fateni. Amen! Mushe wa ziba mwa kuezeza zeo; u li ezize kale fateni. Kona ze ne ba bulukezwi bao. Cwale . . . Amen!

²⁹³ Na kona kubulela taba yende maswe luli fa, kono kihande—kihande ni i bulukele kamuso busihu. Mwabona? Ku lukile.

*. . . hape lina ni mata a kufetula mezi mali, ni kunata
lifasi . . . likozi ze cwalo mo li latela.*

²⁹⁴ Kiñi seo? Kiñi zekona kutisa litaba zeo kwand'a Linzwi? Zakona kueza kwa taho mo li batela kaufela. Ki se fa. Ki zona ze tisa Liswayo la Busilezi lee. Ba li apula ni ku li kwalula. Ki Mata a Mulimu, akona kulyanganisa za taho. Mwabona, Liswayo la Busilezi ki kulyanganisa za taho handende. Kana mwa utwa cwale? [Kopano ili, "Amen."—Mu.] Ki leo foo Liswayo la mina. Ki mañi yaeza cwalo? Ki bapolofita, neku leliñwi la Kuungelwa. Ni Mata a Mulimu, ka Linzwi la Mulimu, ba nyaza fela za taho. Bakona kuluma zikinyeho ya lifasi, ba fetule kweli kuba mali, lizazi lakona kulikela, kamba sika kaufela, ka taelo ya bona. Amen!

²⁹⁵ Ki fo he cwale. Ki fo he cwale. Mwabona? Mwabona Maswayo mw'a kwaluhela, ona mwani mwa lusika lwa keleke, mo ne aboniselize babulaiwa?

²⁹⁶ Mi cwale ki ba fa bapolofita bababeli bayemi fa ni Linzwi la Mulimu, kueza sika kaufela kwa taho se ba bata kueza. Mi ba nyunga lifasi. Mi ya bonisa hande baba eza zeo. Ki bo Mushe ni Elia, kakuli bwani ki bulumiwa bwa bona bo bu bonahalisa hape, ki baana bababeli. Oh, mawi! Kana mwa li bona cwale? [Kopano ili, "Amen."—Mu.] Mwabona Liswayo la Busilezi seo lili sona? Ki bona bapolofita bani. Cwale mulemuhe. Lisike za mi kama. Kono, mutualime se ne si kwaluzi Liswayo lani, bapolofita! Mwabona? Whew! Amen! Ki fo he cwale.

²⁹⁷ Oh, lupila mwa lizazi la mbande, muzwale, toho inangukezi kwa malu!

²⁹⁸ Kona bene ba kwaluzi Liswayo la Busilezi lani. Bana ni mata a kueza cwalo. Amen! Ki leo Liswayo la mina la Busilezi ha li kwalula. Mwabona?

²⁹⁹ Cwale lu kutele kwa mulaho nyana fa, mi Jesu na ambozi kuli lika ezahala. Kukuta kwahule koo mwa Testamente ya Kale, kukutela ku Ezekiele, kukutela mwa bapolofita ba kale, ne ba bulezi kuli likanga sibaka.

³⁰⁰ Mi fa Liswayo la Busilezi li kwaluhile, mi ba li, "Kihande, ki ifi taba ya kunutu. Kiñi se i ezize?"

³⁰¹ Kiye fa kunutu yateni, ki bapolofita, kakuli Bibele ibulezi cwalo. Bakona kuli kwalula, ka nako kaufela ba ha... Bakona kueza sika kaufela kwa taho mo ba batela. Mi baeza lika zeswana ze ne ba ezize, amen, kakuli ba ziba mo ne li ezezwa. Amen! Kanya!

³⁰² Ha Ni bona seo, Na nanuha fela mwa sipula ni kukala kuzama zamaya mwa sibaka. Na nahana kuli, "Mulena, mo Ni bezi ya itumela, Ndate wa Lihalimu!"

³⁰³ Ki zeo foo. Zeo ki zona. Ne ba kwaluzi Liswayo la Busilezi lani. Amen! Muba talime, "Mutu ha lata ku ba eza maswe, mulilo no zwa mwa milomo ya bona," ki Linzwi. Moya o Kenile wa tahela baapositol, mwa bona. "Mulilo no zwa mwa milomo ya bona."

³⁰⁴ Cwale mulemuhe mwani mwa Sinulo 19, lubona nto yeswana, "Mi mukwale o mutuna no zwelela mwa mulomo wa Hae," Linzwi. Mwabona? Kutaha kwa Kreste. "Mi A bulaya lila za Hae ka Ona." Kana ku cwalo? [Kopano ili, "Amen."—Mu.] Cwale U mwa musipili. Mu Mubone cwale. Ku lukile.

*Lina ni mata a ku kuala lihalimu, kuli pula isike ya
nela mwa mazazi a kupolofita kwa zona: . . .*

³⁰⁵ Mushimani, koo ki kutibela ze bupilwe! Cwale, neli nako yekuma kai—kai muuna yoo, Elia, yana kwalile lihalimu? [Kopano ili, "Myaha ye milalu ni licika."—Mu.] Kifo he cwale, ka swanelo. Neli nako yekuma kai ya lisunda ze sebente za Daniele, kalulo ya mafelelezo ya lisunda ze sebente? ["Myaha yemilalu ni licika."] Ki fo he cwale, ka swanelo.

³⁰⁶ Ki sikamañi sa na ezize Mushe? Na—na—na fetuzi me—me mezi kuba mali. Na ezize limakazo za mifuta kaufela, ona cwalo fela ze ne bulezwi mwatas'a Liswayo la Busilezi le. Mi ki bao fa, mwa Sinulo, mwa Sinulo 11, baeza lika zeswana luli. Amen!

³⁰⁷ Ki zeo libaka zetalu zeshutana mwa Mañolo, ona foo, litamahanya sika seo hamoho. Koo kona kukwaluha kwa Liswayo la Busilezi. Ona foo ki yeo. Amen! Kanya! Cwale mulemuhe.

*Li na ni mata a kukwala lihalimu, mwa mazazi e lika
polofita, kuli pula isike ya nela: ni . . . mata a kufetula
mezi kuba mali, . . . kunata lifasi ka . . . likoto, ka mo li
batela kaufela.*

³⁰⁸ Oh, mawi! Kifo he cwale. Cwale mu fetuhele kwanu kwa likoto, mwabona. Zebupilwe kaufela li lyanganisizwe, mwa Koto ya Busilezi . . . kamba Liswayo la Busilezi, kukwaluha. Ona zeo luli kona ze ne ezahalile. Cwale mutualime. Ki . . .

³⁰⁹ Fa, Mulimu u fa kaufi ni kulamulela mwana Hae, Isilaele, kuya ka mukwa oswana wa ñalelwa ya Na ezize kwani. Na lumile Mushe kwateni mi alamulela Isilaele. Kana ki niti yeo? [Kopano ili, "Amen."—Mu.] Mi aeza lika zeswana zeo luli. Aluma

Elia ku Akabe, mi ba sebene sauzande ba taha. Kana ku cwalo? [“Amen.”] U ba luma fa hape, mwa nako ya Ñalelwa, ni kubiza baba handeleti ni fote-foo sauzande.

³¹⁰ Cwale, mwabona, mu lemuhe, mwahala Sinulo-...kamba mwahala kauhanyo ya 6, kamba Koto ya Busilezi...Liswayo, mu ni swalele, Liswayo la Busilezi ni Liswayo la Busebene. Ki kauhanyo ya 7, kuya ka lipalo, litomilwe hamoho ka swanelo.

³¹¹ Kuswana fela sina America ha li fa nombolo ya setini: linaha ze setini ka kukala, linaleli ze setini mwa ndembela, litolopo ze setini, mibala ye setini. Lika kaufela ki setini, setini. Mi i bonahala hande ona mwa kauhanyo ya 13 ya Sinulo. Yeo ki niti. Ki ya bu setini, mi ki musali.

³¹² Cwale, ha Na li bukaufi ni kulamulela mwan'a Hae Tota wa libanda, yana li wa libanda wa Hae. Jakobo ki yena Mwana Hae; kono yoo ki yena Mwana Hae luli wa libanda. Mateu 27, ha lu boneñi sa Na ezize fani. Mateu, ki kauhanyo ya 27. Cwale, muhupule, Mwana Hae na natilwe, mi a nyandiswa, mane ba Mu seha. Mi cwale Na li cwale fa sifapano, ka sili kiloko, la Bufaifi Lelinde musihali. Li si ka ezahala kale fela! Mateu, kauhanyo ya 27 ya Mateu, mi ni—ni timana ya 45, Na lumela ki yona.

Cwale ku kala ka nako ya sikisi lififi laba teni mwa lifasi kaufela kuisa ka nako ya naini.

³¹³ Cwale mulemuhe ona cwalo fela sa Na ezize kwa mulaho kwanu cwale, ku se. Mwabona?

Cwale na bona ha mamulula liswayo la busilezi,... nabona, mi kwa taha zikinyeho yetuna ya lifasi; lizazi la fetuha le linsu sina saka ya bulizi bwa pizi, mi kweli—kweli ya ba sina mali;

³¹⁴ Bunsu, lififi! Egepita; bunsu, lififi!

³¹⁵ Mulimu, nza lamulela Jesu fa sifapano, Asika Mu zusa kale mwa zuho. Pili, lififi; lizazi la unsufala mwahala musihali, mi linaleli za tima liseli la zona. Mazazi amabeli kuzwa fani, Na ka Mu zusa ka tulo yetuna.

³¹⁶ Kasamulaho wa lizazi, ni kweli, ni lika kaufela, mwa Egepita, ze kaufela zanga sibaka, A lamulela Isilaele kuliba kwa naха ya sepiso.

³¹⁷ Ki yoo fa, mwa nako ya Ñalelwa, mi ki ba fa bapolofita bayemi ku yena yoo abiele kuzamaisa Linzwi la Mulimu kubona. Bakona fela kubulela sina Mulimu aba fa Linzwi.

³¹⁸ Cwale, ha ki balimu. Ki ba swalelele fela... Ka bunyinyani, ba cwalo, kakuli Jesu nabulezi kuli nebalii cwalo. Ali, “Mu ba bisa balimu, bao Linzwi la Mulimu litile kubona.” Kono, mutualime, bao ki bona bao Mulimu atisa Linzwi kubona. Mi ha Li bulela, la ezahala. Ku felile.

³¹⁹ Mi fa una ni tumo yezwa ku Mulimu, kuli anate lifasi, kaufela za bata kueza (oh, mawi), kuyemisa lihalimu. Mi ha eza. Ki butata mañi? U libelela kuknga ba handeleti ni fote-foo sauzande kuli bazwe, kwa puluso, kuzwa mwa Buka ya Puluso. Mi zeo li mwatasi a Liswayo la Puluso, mwa Liswayo la Busilezi. Zeo ki zona, mulikani yomunde. Leo kona Liswayo la Busilezi leo; libile hahulu ka kunutu.

³²⁰ Ha lungeni fela... Luna ni mizuzu yelishumi. Ha lungeni fela hanyinyani, mwabona. Nina ni makepe amabeli kamba amalalu. Kihande, Ni nani... Mwakona fela kubona, *fa*. Ni sepa kuli kuna ni... Ku zeo foo, Ni nahana kuli Nina ni makepe a fifitini asyezi, Na kona kufita kuona. Oh, kuna ni zeñata zateni! Mawi, mwakona fela kuzwelapili kuzwa sibaka ni sibaka! Kono Na saba kuli Ni ka mi lyanganisa ha Ni kala kuhasanya hahulu zateni. Mi ha Ni... Hani koni ku li buluka hamoho mo Ni lukela kuezeza.

³²¹ Mwa Isaya, ha lu ngeni se. Isaya, mupolofita, naboni Liswayo la Busilezi le ha likwaluha, mi abulela ka Lona; haiba Ki la butokwa, kamba kutokwa. Mwabona?

³²² Kihande, taba yateni kaufela, mulelo kaufela wa puluso, ubeilwe mwatasa Maswayo aa; Buka kaufela.

³²³ Cwale muhupule, lu boni Jesu hana Li boni. Kana ku cwalo? Mwabona? Jesu na Li boni. Mi cwale lufumana babañwi bene ba Li boni. Lu fumana kuli Li swanisizwe ku—ku Jakobo. Lu Li fumana liswanisizwe mwa Egepita. Lu libona Li swanisizwe fa sifapano.

³²⁴ Cwale ha lu kuteleñi kwa mulaho ku Isaya. Nina ni bapolofita babañata babañozwi faa, hape. Ha lu... Na lata se, yo wa Isaya. Ha lu kuteleni ku Isaya, kauhanyo ya 13 mwa Isaya. Na lata...

³²⁵ Isaya ki yena—yena Bibele kakutala, kuyona Kasibili, mwa ziba. Kana mwa ziba cwalo? Mwabona, Isaya ukala ni pupo; mwahal'a Buka utisa mwateni Joani; mi kwa mafelelezo utisa Mileniamu. Mi kuna ni Libuka ze sikisite sikisi mwa Bibele, ni likauhanyo ze sikisite sikisi mwa Isaya. Ki yona buka kakutala, Kasibili.

³²⁶ Mulemuhe, kauhanyo 13 cwale, ya—ya Isaya. Ha lu kaleleni ka timana ya 6.

mu bokolole; kakuli lizazi la MULENA li fa kaufi; li ka ta sina sinyehelo ye lumezwi ki Yamata kaufela.

³²⁷ Mutualime Liswayo la Busilezi ona fahalimu fa. Mukute kwa mulaho, myaha ye sebene handeleti ni ye setini Kreste asika taha kale, mi Sa bile ka myaha ye likiti zepeli, yeo ikona kuba sebene... mwendi seli myaha ye sebene handeleti kwa mulaho. Isaya na boni Liswayo le ha li taha cwalo. Ku lukile.

Kabakaleo mazoho kaufela aka fokola, lipilu za batu kamukana li ka letuka:

- ³²⁸ Kiñi za na bulezi Jesu? “Mi kakuli bumaswe bu ka ekezeha, li—li lilato la babañata li ka fola ka nako yeo.” “Mi lipilu za batu li ka letuka, ka sabo; liwate lika yubooka.” Mwabona, lipilu za batu li ka letuka.

Ba ka ziyeleha: ba kenwe ki butuku ni ki ñalelwa; ba ka indukwa sina musali ya pepa: ba ka talimana ba komokile; lipata za bona lika fubela sina malimi a mulilo.

- ³²⁹ Mulemuhe zateni fa, oh, “lifateho zabona, ka maswabi.” Lu na ni kufita ku zeo, fa muzuzu. Ni ka swala fateni foo, mwabona.

Mubone, lizazi la MULENA la taha, le li situhu le li buhali ni kubifa ko kutuna ka lona, naha i ka ezwa matota: mi ba ba maswe ba kuyona ba ka timiswa.

- ³³⁰ “Naha,” kona za yona fela, ku zona mwa bona. Mulemuhe.

Kakuli linaleli za kwa lihalimu ni mulalambinda halisana kubonisa liseli la zona: lizazi li ka unsufala li sa pazula fela, ni yona kweli haina kubonisa liseli la yona.

Mi Ni ka nata lifasi kabakala bumaswe bwa lona, ni ba bamaswe ka bumaswe bwa bona; mi Ni ka felisa buikuhumuso bwa baba ipaha- . . .

- ³³¹ Ha—Ha ni zibi mwa ku li peletelela, buika— . . . [Kopano ili, “buikanyiso.”—Mu.] Ha ni koni kuibulela, mwabona.

. . . mi ni ka felisa buikanyiso bwa baba ipahamisa ni kokobeze buikanyiso bwa—bwa banyandisi.

- ³³² Mwabona, kwani, ka kuswanelia fela, Isaya na boni nto yeswana yana bulezi Jesu. Yeo Liswayo la Busupa li patulula. Yena Hasweli kukenisa naha ka ñalelwa, yeo ki nako ya Ñalelwa, Liswayo la Busilezi. Eeni, na li mupolofita, mi Linzwi la Mulimu la zibahala ku yena. Yeo ki myaha ye mianda ye twenty-sebene kwa mulaho.

- ³³³ Kiniti! Ni bata fela kubulela se. Lifasi kaufela, sina Isaya fa, “sina musali ha i ndukwa,” pupo kaufela i mwa makateñi. Kana kutonga kwa kaufela kisikamañi? Sina mu—mu—mu musali ya pepa; lifasi lona kasibili, pupo.

- ³³⁴ Kiñi, muleneñi wo fa, ha lungeni muleneñi wa luna; kanti, libaka za macwala, ni butanya, ni masila, ni lufulo, sina tolopo ifi kaufela!

- ³³⁵ Kiñi, Ni lumela kuli Mulimu na kaba hande kufita zeo, ka ku litalima mw'a Na li bonela, mwaya ye sikiti kwa mulaho. Fani Ohio hane ifita kwani, nebasina mezi ana buba kukutela kwa mulaho ni muunda. Neba sina sibi mwa musindi. Nali ne i fulela kwanu, mi—mi ma Cherokee ba macembele ne ba i zuma ni kupile fateni. Ne kusina butata, ni hanyinyani.

³³⁶ Kono, mutu ha taha mwateni, fani kona fo ne ku kenezi sibi. Batu ha ba se bakala kuba ba bañata mwa lifasi, sibi ni lipulao za kalisa. Yeo ki niti, kamita ki mutu. Kiñi, Ni sepa kuli ki maswabisa!

³³⁷ Ne ni yemi, zazi leliñwi, mwa ndu yaka kwa hae kwani, cwale mwa Arizona. Mi Na—Na bala, hane Ni li mwanana, kaza Geronimo, ni—ni Cochise, ni bani ma Apache bakale. Kakuli, Ne ni ba kutalize kwani. Ki batu babande! Mi ki babañwi ba batu babande hahulu bo mukona kulata kukatana, ki bona ma Indian bama Apache bani.

³³⁸ Mi cwale Na ya kwani kwa—kwa Tombstone, ko banani kaufela za baikale ni lika zezwelela mwa ndwa. Mi Na talima kwa . . . Bona kamita, mwa ziba, ba talima kuli Geronimo neli—neli mukwenuheli. Ku na, nali mu American tenyene wa malí ama fubelu. Kiniti! Na sweli fela kulwanela liswaneloza hae, sina mutu kayfela mw'akona kuezeza. Na sa lati masila ani mwa naha ya hae. Mi amutalime mo se iinezi cwale; kufetula bana ba hae, basizana ba hae, kuba mahule, ni lika zeñwi kaufela; mi baana ba makuwa bataha mwateni. Mutu wa mukuwa ki yena sibangoki.

³³⁹ Mu musame mu Indian neli mubabalelil. Na li mu—na li mu—mu mubabaleli wa sibaka. Na zwela kwande ku yo bulaya nali, lusika kaufela ne lu ca ze ne siyala za yona. Ne ba ituisisa mukata kwa kupangisa liapalo ni litende, ni lika zeñwi kaufela. Kono mukuwa ataha a i kunupa, ka kuifumbela; kiñi, ki maswabisa ni ao!

³⁴⁰ Ne ni balile mwa mutende, foo, mwa Africa, kuti sibaka sesituna sani se si tezi lifolofolo za mwa naheñi! Bana ni bona batu bani, bo Arthur Godfrey ni babañwi, baya kwateni, ku kunupa litou ni zeñwi, mwa ma helikopita ni mwa lika zecwalo. Siswaniso sa tou ye supezi ya musali ye shwa, ni mioko, cwalo, inge kufwiñanisa sifateho sayona. Ni zepeli za baana inge lilika ku i nanula, kueza . . . Kiñi, ki sibi. Yeo ha ki papali.

³⁴¹ Ha Ni yema mwa simu kwani, ni ko Ni zumelanga ni lika zeñwi ze cwalo, ni kubona bazumi ba makuwa bani kwani ha ba kunupa likwalata zani, ni kupuma siemab sa muhata sa zona. Mane fokuñwi ba bulayanga twana twa likwalata, ni kutusiya fela tulobezi fani. Mi twana inge tumata mata, kulika kufumana bomaa tona. Mi mutualusa kuli kwani ki kuziba kubapala? Bwani ki bubulai luli, mwa buka yaka.

³⁴² Ni sepa kuli Canada hailekuli kuba ni mikwakwa kuyona, haibile fela Na pila, ikuli ba zwise bainuneki bani ba ma American bani kuzwa mwani. Yeo ki niti. Ki lipapali zesina tuso luli ze Ni kile nabona fateni mwa bupilo bwaka.

³⁴³ Cwale, ha ki kaufela bona. Kuna ni babañwi, babañwi baana babande, ki alimuñwi mwahala ba wani sauzande, yemuka fumana ya cwalo.

³⁴⁴ Ba kunupa sika kaufela se ba bona, mo ba batela kaufela. Yeo ki niti. Yani ki mubulai. Yeo ki niti. Una ni pilu ya shwana mumi. Mi u kunupa, neba ka nako yesa swaneli.

³⁴⁵ Kihande, kwani kwa Alaska, Ne nili kwani ni alimuñwi wa bazamaisi. Ki hali, “Na shimba... Ne ni yanga kwateni cwale, ni kufumana likwata za likwalata zetuna zani kamba... isiñi kwalata, kono lipoho za likwalata linzi fani; nisweli tobolo yetuna ni malumo ateni atezi mwa miyengo, koo bafufisi ba lifulai ba ma American bani kafani, mwa Alaska, inge ba kunupa fela, bali mwa fulai, sikwata sa likwalata.” Bwani ki bubulai tenyene.

³⁴⁶ Neba ziba, kop ne ba ka bulaya nali kaufela, neba fumana mu Indian. Na ka shwa ni tala. Ki kabakalelo mu Cochise yani hana i itobohile; za hae, bana babasizana ba hae kaufela, ni zeñwi kaufela, bana ba hae, mi sicaba sa hae kamukana, inge si bulaiwa ki tala. Ba zwela kwani ni mitiyo yemituna, yetezi fela zona zona, Buffalo Bill ni baana bani ba mishitu, ba kunupa linali zani kaufela, ze mashumi amane, mashumi aketalizoho, mwa musihali. Ba ziba, ha ne ba hanisize zani, ba bulaya mu Indian. Mi, oh, mawi! Bitampatampa fa ndembela, mo ne ba ngela ma Indian bani. Ki fo he cwale.

³⁴⁷ Kono muhupule, Bibele iize kuli, “Nako itile yeo Mulimu uka yundisa baba sinya naha.” Mane lifasi loote!

³⁴⁸ Mutualime mabala ani. Ne ni yemi kwani, zazi leliñwi, inge ni talimela kwa njetumuko fa Phoenix. Na ya kwa lilundu la South Mountain, musala ka ni Na ne luinzi fahalimu fani, ni kutalima fa Phoenix. Mi Na li, “Hanili ki nto ye maswe yani?”

Ali, “Bumaswe? U talusa sikamañi?”

³⁴⁹ Na li, “Sibi. Ni buñata bwa butanya, ni butahwa, ni matapa, mane Libizo la Mulena li itusiswa mbango, mwa musindi wani; mo kuna ni fela batu baba kuma fa—fa mashumi amane, likiti ze mashumi aketalizoho, kamba likiti ze mianda yemibeli za batu, mwa musindi wani!”

³⁵⁰ Se nili, “Myaha ye mianda iketalizoho kwa mulaho, kamba sikit, nekusina sika konji fela mikakani, ni mishakashela, mi mawawa na matamatanga kafa ni kafamwa mushabati wa kwa nuka kwani, inge—inge atapa.” Mi Na li, “Cwalo kona Mulimu mw'a na li bupezi.”

³⁵¹ Kono, mutu ataha mwateni. U ezize sikamañi? A beya masila mwa mubu. Linzila litezi fela nyoko. Mipaipi yefitisa mezi, ki... Ni linuka litezi fela ma—ma masila busafa. Ba palezwi... Kiñi, kihande musike mwa nwa mezi akuka mwani; mu ka yambula zeñwi. Mwabona? Mutualime ku zona. Isiñi fela kwanu, kono, ki lifasi loote, lika li silafalile!

³⁵² Mi lifasi, ze bupilwe, (Mulimu abe ni makeke!) lifasi kaufela li mwa—mwa butuku bwa kupepa. Lifasi lisweli kulika, lisweli

la "indukwa," Isaya na bulezi. Ki butata mañi? Li mwa . . . balika kutisa lifasi lelinca, kwa Mileniamu, koo kaufela ba . . . ? . . . Kulika kupepa lifasi lelinca, kwa sicaba se sinca se sisike sa eza sibi ni ku li sinya. Yeo ki niti. Li mwa butuku la indukwa. Ki kabakaleo li—li . . . Lu sweli lwa tonga, Kreste, kuli atise Munyaliwa. Lika kaufela za indukwa mi za tonga. Mwabona, kuna ni se si libelezi kuezahala.

³⁵³ Mi Koto ya Busilezi ye ya li lumeleza kuya. Muzwale, zikinyeho ya lifasi ya ika li pancisa kaufela, ni linaleli li ka bulumuka, sileze sesi bila si ka hasakelwa mwahalimu, mi lifasi li ka ba bunca. Sileze sesinca si ka panca ni ku fasuka kuzwa mwa liluli la lifasi. Mi li ka zikinyeha, kai ni kai ni kai ni kai, nako ye li ka potoloha koo.

³⁵⁴ Mi Na mi bulelela, kakusasana omuñwi Jesu ni Munyaliwa wa Hae ha ba ka kuta mwa lifasi, ku kaba paradaisi ya Mulimu kwani. Kuli, oh, mawi, balwani bakale ba ndwa bani, ba ka zamaya mwateni ni balikani ba bona ni balatiwa. Minembo i ka tala mbyumbiyulu, ya mpi ya Mangeloi. "Oh, ne li nto yende, mulikana Ka yomunde ni mutanga ya sepahala. Kena mwa tabo ya Mulena, ye lukiselizwe wena, inge mo ne ulukela kubela ni zona kwa mulaho koo Eva asika tisa kale ziyezi mwa sibi." Amen! Whew! Eeni.

³⁵⁵ Liswayo la Busilezi lika eza nto yeñwi. Eeni, sha. Kaniti lifasi kaufela la tonga mi li mwa butuku, litongela nako ya Mileniamu!

³⁵⁶ Cwale, le cwale litezi fela busaga! Ni kile na kutaza kwanu, ha ki kale hahulu, Na lumela, ne ni kutilize kwa tabernakele kuli, *Lifasi Lawa Laikaba*. Yeo ki niti. Amutalime zesweli ku wa mwa lifasi. Mutualime, lika kaufela za ikaba, za zona. Kaniti, ki cwalo. Li—li na ni kuwa kuikaba. Eeni, sha.

³⁵⁷ Mutualime, mitomo ya lona! Ha lubone ni mi bonise libaka lifasi ha lina ni kueza cwalo. Mayemo a lifasi le, lisipi, ni lisipi za butale bwa kopa, ni libyana za lifasi le, kaufela se llicomohile mwateni, mayemo a lona, ka za ndwa ni sifumu, kufitela ha se lifitile fa kulibeleta . . . Kihande, lwa li kuba lube ni zikinyeho ya lifasi kufitela zazi leliñwi, ona kwa neku le la naha; neli fela lizazi leliñwi kwanu, mwa bona, St. Louis ni kushetumuka kwani. Li ya liba leli sisani hahulu. Ba comozi mwateni kaufela zalona. Mwabona?

³⁵⁸ Litaba za naha za lona li fosahalile maswe, mane hakusana mutu ya sepahala mwahala bona, mwabona, ki mulao. Muikutekelo wa lona se uli mwatasi hahulu, mane halisani ni zekana. Ku felile. Mwabona? Luli. Bulapeli bwa lona bu kokonyani. Eeni, sha.

³⁵⁹ Seli nako ye Liswayo la Busilezi, cwanoñu fa, kuli li kwaluhe. Mi ha lika kwaluha, oh, mawi, ki mafelelezo! Munyaliwa ukabe aile cwale, u felize . . . Mulena wa musali ukabe aile cwale kwa sibaka sa Hae; U sa nyewi cwale, ku Mulena hae, taba ye

haisweli ku ezahala. Mi bo masiyaleti ba Isilaele ba swailwe mi ba itukisize kuya, mi kipeto zebupilwe za iconga. Oh, ha ki nako ni yeo!

³⁶⁰ Mulemuhe timana ya mafelelezo ya Liswayo la Busilezi, ha li kwaluha. Bani bene ba sehive kutazo ya Linzwi, ponahazo ya Linzwi la Mulimu ya pila; fani bapolofita bani ha be bayemi fani inge baeza limakazo, bakwala lizazi, ni lika kaufela, ni lika kaufela kushetunuka cwalo mwa lusika. Mwabona, “Ba lilela kwa macwe ni malundu kuli aba pate,” mwabona, ku ba pata kwa Linzwi le ne ba sehive, kakuli ne ba Mu boniha inza taha. “Mu lu pate kwa buhali ba Ngunyana.” Yoo ki yena Linzwi. Mwabona? Ne ba sehive Linzwi. Mi fa Linzwi ne lili cwalo, mwa mubili. Mi ne ba Li sehive; ku ba seha, ku ba bona bukuba. Mi Linzwi le li mwa mubili ne litile ona cwalo!

³⁶¹ Kiñi hane ba sika baka? Ne ba si ka baka. Ne li kwahule hahulu, ka nako yani. Kacwalo, ne ba ziba cwalo, ki koto. Ba I utwa. Ne ba inzi mwa mikopano sina woo mi ne ba ziba ka Lona. Mi ba ziba kuli litaba za bapolofita bani, ne li bulezwi kale, mane ne li ba lubukela kwa lifatcho, yona taba ye neba hanile. Ne ba hatikezi sishemo ka nako ya mafelelezo.

³⁶² Mi ha u hatikela sishemo, hakusana ze siyezi kwanda katulo. Ha u hatikela sishemo; munahane fela cwalo.

³⁶³ Mi ki bani fani. Nebasina sibaka kwa kuya, hakuna kukuta mwa mulaho. Mi Bibele ibulezi fa kuli, “Mi ba biza . . . Balilela macwe ni malundu, kamukana, ‘Mu lu wele fahalimu, mi lu pate kwa—kwa pata ya . . . ni buhali bwa Ngunyana.’” Ba lika kubaka, kono Ngunyana natezi ku to ikungela ba Hae Tota, mwabona. Mi balilela kwa macwe ni malundu. Ba lapela, kono litapelo zabona ne se li liyehile.

³⁶⁴ Muzwale, kezela ka, bunde ni sishemo sa Mulimu, ne si filwe kwa sicaba. Kanti, Isilaele na foufalizwe ka mulelo wo, kuli fa, seli myaha ye likiti zepeli, kuli alufe kolo ya kubaka. Kana u hanile sishemo sani nji? U si hanile nji? Kana u Si hanile naa?

³⁶⁵ Ki wena mañi, nihakuli cwalo? U zwile kai kanti? Mi u ya kai? Ha u koni kubuza dokota, ha ukoni kubuza mutu ufi mwa lifasi, mi hakuna buka yeo u kona kubala, yekona ku ku bulelela yo uli yena, ko zwelela, ni ko uya, konji ona Buka ye inosi.

³⁶⁶ Cwale, mwa ziba, ha usina Mali a Ngunyana kuyema mwa sibaka sa hao, u ka bona fo libile. Kacwalo, haiba—haiba Mulimu na kuezelize zeo, nto yenyinyani hahulu yelukona kueza neikaba fela kuamuhela Za ezize. Kona fela Za lu bulelezi kueza.

³⁶⁷ Mi fa mayemo a se, haiba Ni ya fapata nyana, Ni ka tokwa kutaha fa Koto ye, kaufela yona, mwa sebelezo ya kamuso busihu. Mi cwale ha Ni koni kueza cwalo, hanikoni kuzwelapili hape. Ni na ni zona liñozwi fa, ki sisapano kuli, “yemela ona fa,” mwabona. Kacwalo, he, Ni—Ni lukela kulibelela kufitela kamuso.

Cwale ha lu inamiseñi litoho zaluna fa nako nyana fela.

³⁶⁸ Haiba wa li kuba, mulikana ka yomunde, walikuba—walikuba u amuhele lilato la Mulimu le Ni ambola! Haiba walikuba... Teeleza kuse cwale. Haiba walikuba u amuhele lilato la Hae ni sishemo, u ka yo yema mwa katulo ni buhali bwa Hae.

³⁶⁹ Cwale, wena, busihu boo, u mwa sibaka se siswana sa nali kusona Eva mwa simu ya Edeni. Una ni tukelo. U mutu ya lukuluhile. Wakona kuy kwa Kota ya Bupilo, kamba wakona kuikungela mulelo wa katulo. Kono, kacenu, ha u na ni maikuto cwalo, mwa minahano ye iketile, mi uan ni mata mwa mubili kuli—kuli unanuhe ni ku amuhela, kiñi ha u si ke waeza cwalo haiba walikuba ueze cwalo fateni.

³⁷⁰ Kana kuna ni batu mwahali mo baba samba kuba, mane, ba eze cwalo fateni? Haiba zeo li cwalo, uka nanula fela lizoho la hao? Uli, “Ni la pelele kwateni, Muzwale Branham. Ni bata kueza ona cwalo. Ha ni lati kuli se sitahe.” Cwale muhupule, balikani... Mulimu ami fuyole. Ki hande. Ni nani...

³⁷¹ Ye ha ki mihipulo yaka ka se. Ni—Ni... Se ha kisona se Ni bile ni nahana; ze kaufela lizwelela ku na. Kacwalo ni tuse, Moya o Kenile wa ziba cwalo. Mi mu libelele, haiba Mulena alata, kamuso busihu, Ni bata ku mi bonisa kunutu yebile iezahala nako kaufela, ona mwa mukopano woo. Na kakanya luli haiba mu si boni kamba kutokwa, mwabona, se—se si ezahalile. Ki sika se sibile fapila hao luli. Mi Ni talimezi, busihu bi busihu, se, kuli sitahe, kuli yomuñwi abulele kuli, “Na si bona.” Mwabona?

³⁷² Musike mwa Li hana, shangwe, Na mi lapela; haiba ha u Mukreste, haiba ha—ha u yo mwatasi a Mali, haiba ha u si ka pepwa sinca, kutazwa ka Moya o Kenile.

³⁷³ Haiba walikuba ufe bupaki patalaza kaza—kaza Jesu Kreste, ka kulobezwa ka Libizo la Hae, kwa kupaka lifu la Hae, kupumbekwa ni zuho, kuli u amuhezi, mezi a lukisizwe. Ba libelezi. Masila a lukisizwe mwahali mo, mi lika kaufela li lukile.

³⁷⁴ Kreste uyemi inza itukisize, ni lizoho le li otolohile, kuli aku amuhele. Mwa hola iliñwi kuzwa cwale, sishemo hakulata hasikoni kufiwa ku wena. Ukasuhana wa si hana lwa mafelelezo; hasina kuswala pilu ya hao hape. Ha u kona, ha u kona, kiñi ha usike wa eza cwalo? Cwale ha u nze u...

³⁷⁵ Na ziba mo libelanga kamita, nzila ye zibahala ki kutisa sicaba kwa katala. Lwa ezanga cwalo, mi zeo li lukile hande. Ka nako ye, lu sinani maswe mwahali mo, nitalusa kwanu kwa katala, mane ha Ni koni kueza cwalo.

³⁷⁶ Kono Ni tabela kubulela cwana. Mwa lizazi la baapositola, ba bulela kuli, “Babañata ku babane ba lumela neba kolobezwa.” Mwabona? Fela haiba ukona, luli, mwatasi a pili ya hao! Mo kona mo kuna ni lika kaufela. Ha ki—ha ki maikuto,

nihaike inge kuli maikuto ana ni kuzamaelela ni zona. Kuswana fela sina mo Ni bulelezi, kuzuba ni kunwa ha ki sibi; ki miselo ya ku salumela; yebonisa kuli ha u lumeli. Mwabona? Kono haiba ka niti wa lumela mwa pilu ya hao, mi uziba kuli ka mayemo a zeo, fona foinzi foo, u ka li amuhela ka pilu ya hao kaufela, kuna ni se si ka ezahala ona foo. Si ka ezahala.

³⁷⁷ Kipeto wakona kuyema sina paki wa zona, kuli sesiñwi si ezahalile. Kipeto uye kwa mezi, uli, “Ni bata kubonisa kwa kopano, Ni bata kupaka, Ni bata kueza kuli bupaki bwaka bu yeme, kuli Ni ka nga sibaka saka ni Munyaliwa. Ni yema fa cwale kuli ni kolobezwe.”

³⁷⁸ Ni ziba kuli kuna ni basali babañata mwa lifasi busihu boo, basali babande, kono ni batisisa hahulu kubona alimuñwi. Kuna ni fela alimuñwi wa bona ya li musala ka. Kiyena yaya kwa ndu nina. Na si musala ka, ka kukala; kono mwana ti lo bela musala ka, ungile libizo la ka.

³⁷⁹ Wa taha. Kuna ni basali babañata, likeleke, mwa lifasi, kono Yena utahela Musala Hae. U bizwa ka Libizo la Hae. “Bona babali ku Kreste Mulimu uka ba tisa hamoho ni Yena.” Lukena cwani ku Ona? “Ka Moya ulimuñwi luna kaufela lu kolobelizwe mwa Mubili ulimuñwi.”

³⁸⁰ Cwale halunze lu lapela, lapela, ni wena. Mwahali kamba fande, kuna ni likwata zetuna za batu fande, baba yemi kwa limota, fande mwa mikwakwa. Kono cwale halunze—halunze mu cwalo . . . Ha lukoni ku mibizeza kwanu kwa aletare. Kono, pilu ya hao ieze aletare. Mi ona mwa pilu ya hao moo, uli, “Mulena Jesu, Na lumela Se. Ni yemi fande fa mwa moyo obata woo. Ni fipezwi, mwa muzuzu omunyinyani wo. Ni inzi mo, mwahala sicaba. Ha—Ha—Ha—Ha—Ha nilati ku ba . . . Hani koni kusiya; Hani kwaisi cwalo.”

³⁸¹ Lika kaufela, sina ha Ni mi bulelezi, mane, kacwalo ni tuse, Mulena uziba kuli Ni bulela Niti. “Ha ni pumi,” sina Paulusi ha na bulezi. Pono yeo, kamba neli sikamañi kaufela; Na yema fani, natalima, ni kuswala matu batu baba se baikezi kale, neli fela kakata inge mo Ni yemezi fa. Musike mwa li mbwinja, muzwale waka kamba kezeli; usike waeza cwalo. Na ziba u utwile kutazo, u utwile *se*, *sani*, ni makande, zeo kaufela. Kono halubone . . . Teeleza fela. Ku na, se ki . . . Ni ziba kuli ki Niti, mwabona. Wena fela . . . Hani—Hani—Hani koni ku li utwahalisa kufitelela foo, mwabona. Musike mwa li mbwinja. Ki za mina kaufela.

Cwale halu lapeleni.

³⁸² Mulena Jesu, fapila ka fa kuna ni kakwati ka litaulo ze yemela batu babakula. Ha Ni li lapelela cwana, kubeya mazoho aka ku zona, sina Bibele mo i bulelezi, “Ne ba amuhela litaulo ni masila, fa mubili wa Paulusi, mioya ye maswe ya zwa mwa batu, mi limakazo ze komokisa ne liezwa.”

³⁸³ Kakuli, ne ba bona Paulusi, kuli ne ba ziba kuli Moya wa Mulimu no li ni yena. Ne ba ziba kuli nali—na li mutu usili, cwalo, ka litaba za na ambola, kuama Linzwi. Na kutile ku yo nga linzwi la Siheberu la kale la keleke ya Siheberu, ni ku li tisa kuba lelipila, ni ku libeya ku Kreste. Ne ba ziba kuli Mulimu nali ni mutu yani. Mi ba bona kuli Mulimu na beleka ka kuipitela ni ka mata ka yena, kubulela lika ze ne ka ezahala ka nzila yani, mi ba ziba kuli neli mutang'a Mulimu.

³⁸⁴ Mulena, Ni lapela kuli U talime sicaba se hande ka likute la sona kwa Linzwi, mi u ba folise kabakala Jesu. Kwande kwanu mwa sicaba, Mulena, kuna ni sicaba se si inzi, inge fela mo ne kuinezi ha ne ba teeleeza ku Pitrosi fa Lizazi la Pentekota. Mwa na kutezi kwa mulaho mwa Linzwi, ni ku shitula Linzwi! Mi ki hali, "Joele naize, mwa mazazi a maungulelo lika ze li ka ezahala. Mi Se kisona sani." Mi babaeza likiti zetalu ba Li lumela, mane ba kolobezwa.

³⁸⁵ Mi, Ndate, kacenu lu yemi mo ka muhau wa Hao. Mi ha ki kuli—kuli lu sicaba sesinde, kono kakuli (kuswana sina lizazi la tau, kamba komu, kamba mutu) ki nako ya mbande. Ki tozo ya nako yateni. Ki nako ye lupila kuyona. Ki musebezi wa Moya o Kenile kwa nako ya cwale ye, kubonisa kuli Jesu ha si ka shwa. Liki za Na sepisize kuli Uka eza Maseli a manzibwana asika tima fela kale, mi fa lu Muboni inza eza cwalo, ona mwa nzila mo. Lu Li boni ha litaha ka lipatisiso za sayansi mane siswaniso sa Hae si swanisizwe; Siita sa Mulilo sesituna Yana zamaisize bana ba Isilaele; Yana katani Paulusi mwa nzila.

³⁸⁶ Mi lwa ziba, ona Siita sa Mulilo sesiswna sene si zamaisize Mushe kwani mwa lihalaupa, ka ona Siita sa Mulilo se si swana sani añola Libuka zeñata nyana za Bibeles, kakuli na tozizwe ka Linzwi.

³⁸⁷ Ona Siita sa Mulilo sesi swana sani sa taha ku Paulusi, fa musipili wakuya kwa Damaseka, añola Libuka zeñata za Bibeles, ze bizwa Linzwi la Mulimu.

³⁸⁸ Mi cwale, Mulena, ona Siita sa Mulilo sesiswana sani, ka sisupo sa kubonisa kuli ki Linzwi, ni ka lipatisiso za sayansi, lwa Si bonanga mo ha si patulula Linzwi la Mulena.

³⁸⁹ Mulimu, lumeleza kuli sicaba si zuhele kwa bupilo kapili, Mulena, kapili! Baba na ni mabizo mwa Buka ya Bupilo; Se ha si ka monyehela mwa linzila za bona, ha ba bone. Kuswana sina musali yani, yomunyinyani wa libubo lelimaswe fa siliba zazi lani, mi a ziba kuli Ñe li Mañolo.

³⁹⁰ Mi cwale, Ndate, Ni lapela kuli ba Ku amuhele ka nako yee, mwa lipilu zabona, lu ka li feza kuya kuile, ka hola ye, kuli ba kauhani ni sibi; kuli bayeme ni kuipulela fapila sicaba, kaza kolobezo ya Libizo la Jesu Kreste, kwa swalelo ya libi za bona; ka kubonisa kuli ba lumela kuli Mulimu u ba swalezi, mi ba amuhela Libizo la Jesu Kreste.

³⁹¹ Mi, Ndate, sela Moya o Kenile, wa Oli, fahalimwa bona, kuli bakone kubeiwa mwa sebelezo ya Mulena Mulimu, kuli ba be babeleki mwa lizazi la maungulo le, lizazi lelimaswe, kakuli lu lemuha kuli luna ni fela nako yekuswani. Mi Keleke yakona kuya ka nako kaufela.

³⁹² Ngunyana ya kona, ka nako kaufela, kuzwa mwa sibaka sesikenile Sani, sa Lubona lwa sitabelo, kuzwa fa Lubona lwa Mulimu fo ku beilwe sitabelo, mi kipeto kufelile; hakusana sepo hape kwa lifasi; se li felile. Kipeto liya mwa kufilikana, kwa singonyi sa zikinyeho ya lifasi, ni—ni nyungano yetuna sina mo ne kuinezi fa zuho. Mi—mi, ki—ki . . .

³⁹³ Sina Kreste mwa na zuhezi mwa libita, fani balumeli ha ba zuha, nto yeswana i ka ezahala. Mulena, zakona kuba ka muzuzu ufi kaufela. Lu libelezi lizazi la tabo leo kufita.

³⁹⁴ Nga bana ba Hao mwatas'a lizoho la Hao, Ndate, cwale. Ipizeze lingunyana za Hao mwa sifuba sa Hao. Lumeleza cwalo. Mi ba fepe ka Linzwi, kufitela ba tala mata a sebelezo. Lu ba beya ku Wena cwale, Mulena. Alaba tapelo yee.

³⁹⁵ U ize, Ndate, mwani mwa Mareka, kauhanyo ya 11, “Ha mu lapela, muyeme inze mulapela, mulumele kuli mwa amuhela se mukupa, mi mu ka si fiwa.”

³⁹⁶ Mi ka pilu yaka kaufela ku Yena yabile apatululanga litaba ze hala lilimo, mi Maswayo a mo mwa biki ya mafelelezo; Na Ku lumela, Mulena Mulimu, kuli ki yona hola, bukaufi cwale, bukaufi kaifi luli kufita mo lu hupulela, kwa kuatumela kwa Hao.

³⁹⁷ Shangwe lumeleza kuli tapelo ya ka i alabiwe. Mi cwale mwana kaufela ya bizizwe ki Mulimu, yasweli ku luteeleza kwanu, kamba yoo tepu i ka katana, mi ka nako yeo . . . Ni ka ba hohela mwa Mubuso wa Mulimu, ka mayemo a kuziba kuli le li Linzwi le li patuluzwi. Lumeleza Liseli la manzibwana li benye, Ndate. Ni ba beya ku Wena, ka Libizo la Jesu. Amen.

³⁹⁸ Cwale, kaufela, mwahali kamba fande, baba lumela, mi mwa li kuba mufe bupaki bwa—bwa mina patalaza, kuli mu ikambusize kwa sibi; mi mu—mu bata sishemo sa Mulimu, mane mu si amuhezi ku Jesu Kreste. Siliba . . . Ba ka itukisa kukolobeza mutu kaufela ya tabela ku kolobezwa, kacenu kamba kamuso, ona fa cwana kamba nako ifi kaufela.

³⁹⁹ Kana mwa ikola Liswayo la Busilezi? [Kopano ili, “Amen.”—Mu.] Mwa bona fo Li kwaluhezi cwale? [“Amen.”] Kikuli mu Li lumezi nji? [“Amen.”]

⁴⁰⁰ I ize, “Ki mañi ya lumezi pizo ya luna? Mi lizoho la Mulena li bonahezi ku mañi?” Mwabona? Mulumele piho, kipeto lizoho la Mulena la patululwa. Lizoho, Linzwi la Mulimu, li patuluzwi.

⁴⁰¹ Mulena ha lata cwale, kamuso kakusasana, Ni ka lika mo ni konela kualaba lipuzo zeo. Ni ka nga mwendi busihu cwalo,

mi, kamba nako yetuna mwa busihu, mwa litapelo, ka zona. Ni sweli kutanda hola iliñwi kuisa ku zetalu busihu ni busihu. Ne ni sika lobala fa mumbeta maabani busihu konji ka wani, ni ka sili kiloko Ne ni sweli kubala. Mwabona? Mwabona?

⁴⁰² Ni ka yo ikalabela ka zona. Ki niti. Seluli bukaufi hahulu ku sesiñwi, bukuba bufi kaufela, kamba kuakaleza ko kucwa kaufela, kamba kulumela fela licika. Ni lukela ku li bona, pili. Mi he, ha Ni sibona, si lukela kuba Linzwi, hape. Mi kufita ni cwale, ka muhau wa Mulimu, libile fela hande. Ni li ngile kukalela kwahule koo, mwa ziba cwalo, mi ki—ki ze swalani fela hamoho.

⁴⁰³ Si lukela kuba kuli SA BULELA MULENA KISONA. Kakuli, ha si yo ka mo Si bulelela ka mo ni Si zibela, na kasibili, kono ko Linzwi la Mulena lelili SA BULELA MULENA KISONA. Mi ki le fa Linzwi, kunga Sa ni file, ni ku Si beya fela hamoho ni ku mibonisa. Kona kuli muzibe, mina kasibili, kili SA BULELA MULENA KISONA. Mwabona?

⁴⁰⁴ Ki le fa Linzwi, li bulela ona cwalo. Mi cwale ni sinulo Ya ni fanga, ye shutanela kwahule ni za kile a nahana fateni mutu wa luna; kiñi, kushutana ku ze ne Ni nahana, kakuli Ne ni si ka fita ku Zona sina cwalo. Kono cwale, lu fumana cwana, za swalana fela hamoho. Mi ki sikamañi Seo? Kikuli SA BULELA MULENA KISONA. Mwabona? Ki cona. Ki sibaka se si kwaluhile, se si liteni kwani, mwa hola yee, mi kipeto Mulena utaha ku to Si kasheza hande mwateni cwalo. Kacwalo, mwa bona, ki Seo foo. Ki, Ki—Ki yena Mulena. Oh, Na Mu lata! Ni Mu lata ka pilu yaka kaufela.

⁴⁰⁵ Cwale muhupule, mina... Lu palezwi kufita kwa katala. Babañata nyana ba nanuzi mazoho a bona mwahalimu. Cwale, mwabona, ki taba ya mutu anosi, ni wena. Ki so bata kueza kaufela. Mwabona?

⁴⁰⁶ Hola se i sutelezi hahulu fakaufi, mulukela kuikataza katata mo mu konela, isiñi kuhapelezwa fela. Mwabona, ki kuikataza fela, kulika kukena mwahali, “Mulena, usike wa ni kasheza kwande. Usike wa ni siyelela, Mulena. Minyako ya kwaliwa; kambe Ni kene fela mwahali!” Mwabona?

⁴⁰⁷ Mulimu uka kwala munyako zazi leliñwi. Na ezize cwalo mwa lizazi la Nuwe, mi ba nataka fa sikwalo. [Muzwale Branham unggongota fa katala linako nyana—Mu.] Kana ki cwalo? [Kopano ili, “Amen.”]

⁴⁰⁸ Cwale muhupule, Bibele ibulezi, kuli, “Mwa mutonelo wa busebene.” Kana ki cwalo? [Kopano ili, “Amen.”—Mu.] Babañwi ba lobala ka mutonelo wapili, wabubeli, wabulalu, wabune, wabuketalizoho, wabusilezi, wabusebene. Kono, mwa mutonelo wa busebene, kwa taha zibiso, neli muhuwo, “Munyali kiyo wataha! Muzwele kwande mu Mu katanyeze.”

⁴⁰⁹ Balanjo baba lobezi bali, “Kuli, Ni kupa kwa Oli yeo cwale.”

⁴¹⁰ Munyaliwa ali, “Nina ni fela a ni likani kihona; a ni likani fela. Haiba wa Abata, zamaya u yo lapela kuli ube ni Ona.”

⁴¹¹ Kikuli ha muboni mwalanjo ya lobezi cwale? Mutualime kwa ma Episcopalian, Presbyerian, Lutheran, ni babañwi kaufela, babalika cwalo. Mi butata bwateri ki kuli, kufita kulika kuamuhela Moya o Kenile, balika kubulela ka malimi.

⁴¹² Mi buñata bwa bona ba bulela ka malimi, kono ba saba kutaha kwa keleke kwanu ku to lapelelwa; babata kuli ni bayele ka mandu abona ni yo ba lapelela kwani. Mubiza zeo kuli kona Moya o Kenile? Kwani ki kubulela mwa malimi, kono isi Moya o Kenile. Mwabona?

⁴¹³ Cwale, Ni lumela kuli Moya o Kenile wa bulelanga ka malimi. Mwa ziba Na lumela cwalo, mwabona. Kono kuna ni malikanyiso ku Zona, hape. Eeni, sha. Mi—mi miselo ya Moya, se si bonisa seo uli Sona. Miselo ya kota ibonisa mufuta wa kota yateni. Isiñi makwati; muselo!

⁴¹⁴ Cwale mulemuhe, kanti, ha yo taha, ka—ka hola ya mafelelezo yani. Mi fani, ha ba yo taha, mi ba ya ni kubulela kuli, “Kihande, Ni lumela kuli Ni na ni Ona cwale. Ni lumela kuli Nina ni Ona. Eehe, lusweli ku U amuhela.”

⁴¹⁵ Ki—Ki—Ki hande nisike na bulela se, mwabona, kakuli sakona kutisa butata. Ha ne Ni bulezi zazi leliñwi, kaza Kuungelwa, mo Ku ka ezahalela, Na—Na...Cwale, ha mu kabulela kuli muka—muka li utwisisa, ki hande. [Kopano ili, “Amen.”—Mu.] Mutualime. Mutualime. Ku lukile, zeo liitingile ku mina.

⁴¹⁶ Mi mwalanjo ya lobezi, mwabona, yana hupula na lapeli kulikani, ha yo kuta, Munyaliwa na sa ile kale. Za ya, mi na si ka ziba; sina lisholi mwa busihu. Mi ba kala kungongota kwa likwalo. Mi ki sikamañi se ne si ezahalile? Kiñi ze ne ngile sibaka? Ba nepelwa mwa nako ya Nyandiso. Bibebe ibulezi kuli, “Ku kaba kulila, ni kubokolola, ni kukweca meno.” Kana ki cona?

⁴¹⁷ Ki lili zeo ha li ta ezahala, muzwale, kezeli, ha Ni zibi. Kono, Ni—Ni, na, ikona kuba fela na fa, cwale, mwabona. Se, se ki sona... Wo ki muhupulo waka. Mwabona? Ni—Ni—Ni lumela kuli seli bukaufi hahulu, Ni—Ni... Zazi ni zazi Ni—Ni bata... Ni lika fela kuzamaya ka swanelo mo Ni konela. Mwabona? Mi cwale foo, mwa ziba, ha kuna ba... .

⁴¹⁸ Sesiñwi si ezahalile kacenu, mi Ni boni sesiñwi cwalo. Ni—Ni ezize fela... Ne ni palelwa kubuyela, mwabona. Naliteni mwani, inza yemi fani, Liseli nyana lani inge liyemi fani. Mi ki le Nelili fa. Ni ziba kuli ki Niti.

⁴¹⁹ Na hanana kuli, “O Mulimu, Ne ni si ka bulela cwalo. Ne—Ne ni si kabulela cwalo. Hani koni.” Na zwa fela mwa sibaka, kuzwela fande, kuzamaya-zamaya kwateni. Muzwale,

Na hupula kuli, "Mawi! Kiñi ze Ni kona kueza? Oh!" Mwabona? Mi Ni—Ni nani kuya ku yo yamba, kamba nto yeñwi, kamba Ni...Mushimani, ne uka...ne...Hani koni kumi bulelela. Mwabona?

⁴²⁰ Kacwalo, luna ni nako yende. Nji cwani? Kulumbwe Mulena! Amen! Mwabona? Lu mwa—lu mwa nako yende hakalo, mwabona, kakuli pilu yaka itezi fela tabo ni nyakalalo.

⁴²¹ Kono ha Ni nahana ka lifasi le ni likitikitize Ni ziba kuli lilatehile, ze apesizwe ki lififi lelinsu, hum, kipeto pilu ya hao ya lobeha. "Ukona kueza sikamañi? Ukona kueza sikamañi?" Uka utwa fela Moya o Kenile unzo lila, mwa pilu ya hao. Inge mo ne kuinezi ku Mulena luna, ha Na talima fa Jerusalema, sicaba sa Hae Tota, mwabona, ali, "Jerusalem, Jerusalem, Ni ka ku babalela ewani, sina nasikuku mw'a babalela tuzwinyani twa hae, bo ha u lati." U ka utwa fela Moya o Kenile ubulela kuli, "Mo ni lakaleza kuli Ni mi kopanye, mwabona, kono ha mu lati." Mwabona?

⁴²² Lufa, lu fa nto yeñwi kulo faa, balikani. Kaufela seo ili sona, Mulimu wa ziba. Hakuna, hakuna ya ziba nako ye lika ezahala. Yeo ki kunutu. Hakuna ya ziba nakoye lika ezahala.

⁴²³ Kono Jesu na lubulelezi, "Ha mu bona lika ze, lika ze kaufela." Sina fela ze Ni bulezi, kubapanya ni Liswayo la Busilezi ku sa Na bulezi mwa Mateu 24. Cwale muhupule sa Na bulezi, "Ha mu ka bona lika zeo litaha, likala kuezahala, kipeto nako i fa munyako." Mutokomele timana yetatama luli, ya 30—ya 30 ni 31 ni kufita fa 32, 33 litimana zeo.

⁴²⁴ Na ize, "Mi Uka luma mangeloi a Hae kwa makona amane a lihalimu, kwa mioya yemine, kuli akopanye Baketwa ba Hae." Kana ki niti yeo?

Ali, "Cwale muitute ngu..."

⁴²⁵ Cwale muhupule, Na yemezi ona foo. Na sika zwelapili, kasamulaho wa Liswayo la Busilezi leo. Na si ka bulela sika ka la Busebene. Na bulezi Lapili, Labubeli, Labulalu, Labune, Labuketalizoho, ni Labusilezi. Kono A yemela ona fani, na si ka bulela sika ka Lona.

⁴²⁶ Mutualime nto yetatama ya N abulezi, "Cwale muitute nguli." Mwabona? Mi Akala nguli. Ki hali, "Lika ze li ka ezahala."

⁴²⁷ U sweli kuba alaba lipuzo zetaalu. "Ki sikamañi se si kaba... lisupo zee? Mi ki sikamañi se si ka supa Kutaha kwa Hao? Ki sifi se sikaba sisupo, sa kufela kwa lifasi?"

⁴²⁸ Mi Ya Busilezi, fani, neli kufela kwa lifasi. Ni ku utwahala kwa lingeloi la busebene... "Ananula mazoho, ni kutapanya ka Yena yapila mwa linako ni linako, kuli hakusana kuba tiyeho." Lifasi la pepa leliñwi lelinca. Ku felile.

⁴²⁹ Mi ki luna ba fa, ona fa munyako faa. Oh, Na ngangama. "Mi ki sikamañi se Ni lukela kueza, Mulena? Kiñi hape se Ni lukela

kueza?" Mwabona? Mi, he, munahane fela ka kubona sibaka sani ni batu babande bani! Ne ni yemi fani, inge ni italima ili na. Mi Na nahana kuli, "O Mulimu, kiñi, haba—haba kono ku li mbwinja. Ni—Ni—Ni lukela ku ba hapeleza. Ni lukela fela ku yo fita kwa sicaba ni kuba nga, ni kukasha." Ha ukoni kueza cwalo. Uka...

⁴³⁰ "Mi hakuna mutu yakona kutaha konji Ndate Kasibili a mu bize." Kono fa ki ye mbombolelwa ye lunani, "Kaufela bao Ndate a Ni file ba ka taha."

⁴³¹ Kono babañwi baba siyezi, ni likopano zani, ze itingile kubona ona cwalo, mwabona. "Mi a puma kaufela baba pilä, baba yahile mwa lifasi, be mabizo abona ha si ka ñolwa mwa Buka ya Bupilo ya Ngunyana, yetabilwe haisamba lifasi litomwa." Oh, mawi! Kacwalo, mwa bona, ki nto yetomola pilu.

⁴³² Taba fela yo kona kueza ki fela—fela—fela ina fela hande ni Linzwi. Talima fela Za bulela kaufela kuli ueze, mi kipeto u eze ona cwalo. Mwabona? Kaufela Za bulela kuli ueze; u eze ona cwalo.

⁴³³ Mi talima fande fani, ni kubulela kuli, "Oh, mawi! Ba eza se, kipeto... Oh!" Fela ki...

⁴³⁴ Ha mu zibi mukatalo wateni! Cwale Ni bata kubulela cwana. Ni sepa kuli matepu a timilwe. Batu babañata ba li, "Muzwale Branham, ni bulumiwa bwa mufuta o cwalo..." (Ni na ni kutokomela, kakuli sicaba si shimbanga fela matepu ao ni kulika kua beya mwa liemba emba, mwa ziba.) Kacwalo ha ba bulela kuli, "Muzwale Branham, kambe luna ni bulumiwa," ha u zibi zo sweli kubulela. Wena, kaniti, ha u zibi ze zamaelela ni zona, muzwale, kezeli. Oh, mawi! Mi ni musebezi, ha una ni sicaba se si kumalela ku zo bulela! Hupula, ha u ka ba bulela ze fosahalile, Mulimu uka batela mali abona mwa mazoho a hao. Mi, unahane ka zeo. Ki taba ye sabisa.

⁴³⁵ Kacwalo, ube ya lilato. Lata Jesu ka pilu ya hao kaufela. Fela latel... Ba ya bunolo. Usike walika—walika ku nahanisisa sika. Ba fela ya bunol, fapila Mulimu. Kakuli, ha u nzo lika ku nahanisisa cwalo, kona mo bela kwahule ni Yena. Mwabona? U Mu lumele fela ka bunolo.

Uli, "Cwale, kihande, kanti U taha lili?"

⁴³⁶ Haiba Ataha kacenu, ku lukile. Haiba Utaha myaha ye mashumi amabeli kuzwa cwale, kaufela ki zende. Ni ka ya fela sina mo Ni yela cwale, inge ni Mu latelela. "Mulena, haiba Ukona ku itusisa na kai kaufela, ki Na yo, Mulena." Haiba ki myaha ye mwanda kuzwa kacenu, haiba baikulu—babaikulu—babaikulu—babaikulu ba ka pila kulibona inge litaha, hakube... "Mulena, Ha ni zibi kuli ikaba lili, kono nikonise fela kuzamaya hande kacenu, nibe fela ni Wena." Mwabona? Ni—Ni bata... Kakuli, Ni—Ni ka zuha ka lizazi lani, ka kuswana fela inge mo ne Ni lobalezi kokuñwi.

⁴³⁷ Na yo shetumuka kwani, ona muleneñi o kanya wani kafani, Mubuso wa Mulimu wani kwani, koo macembele kaufela bakaba babanca, ko liapalo zesweu litinilwe kale! Baana ni basali ba cincizwe, mwa bunde, buino tenyene bwa mu—bwa mu—bwa—muuna yomunde mi ni—ni musali ya lateha! Inge bayemi kwani mwa bunde ni siyemo sa kalibe ni mutangana, bayemi kwani! Mi habakoni kusupala, habakoni ku ba mwa sibi, hakuna neba zekona kutisa lifufa, kamba sitoyo, kamba sika kaufela! Oh, mawi!

⁴³⁸ Ni nahana kuli matepu a timilwe cwale. Mi Ni—Ni nani fela mizuzu yemilalu kamba yemine. Ni bata kuambola ku mina. Kana ku likani? [Kopano ili, “Amen.”—Mu.] Cwale, ze ki zaka fela, mwabona. Kakuli, kamuso, Ni—Ni... Zeo li kaba zetabisa hahulu! Kihande Ni libulele fela cwale, mwabona, se Ni kabulela. Ni... Se ki sa luna fela cwale. Ne nili fela...

⁴³⁹ Mwa ziba, Ni—Ni nani musala ka ye Ni lata, mi yani ki Meda. Mi Ne—Ne ni sa lukeli ku mu nyala mane, bakeñisa lilato la musala ka wa pili. Mi kanti, kuya ka mo ne Ni mu babalelala, Ne—Ne ni sa lukeli ku munyala kambe ne si Mulimu yana ni bulelezi kueza cwalo. Mi mwa ziba likande lateni; mwa na i lo lapelela, ni mo ne Ni lapelezi. Mi cwale A ni bulelela ona cwalo za kueza, mi, “Zamaya u mu nyale,” ni nako ya kueza cwalo. Ki musali ya lateha. Mi usweli wa ni lapelela kwateni busihu boo. Mi cwale seli eiti kilopko, kwa hande, usweli wa lapela na sepa cwale.

⁴⁴⁰ Cwale mulemhe. Zazi leliñwi naize ku na, a li, “Bill,” ki hali, “Ni bata fela ku kubuza puzo ka za Lihalimu.”

Se nili, “Ku lukile, Meda, ki sikamañi?”

Ki hali, “U ziba kuli Na kulata.”

⁴⁴¹ Mi Na li, “Eehe.” Neli fela taba ye imano ezahala kwanu.

Kihali, “U ziba kuli Hope ni yena na kulata, mane.”

Se nili, “Eehe.”

⁴⁴² Mi ki hali, “Cwale,” a li, “Ha ni sepi kuli Ni ka yo ba ni lifufa,” a li, “kono Hope nana ni lifufa.” Mi ki hali, “Cwale, ha lu ta ba mwa Lihalimu... Mi u bulezi kuli no mu boni kwani.”

⁴⁴³ Na li, “Na liteni kwani. Ne ni muboni. Ne ni muboni habeli, kwani.” U kwateni. U ni libelezi kuli niye. Kona ni yena... Ni yena Sharon u kwateni. Ne ni muboni, inge ona mo Ni sweli kukutalimela cwana. Ne ni muboni kwani. Mi se Nili...

⁴⁴⁴ Ki hali, “Kihande, cwale, ha lu ta yo fita kwani,” ali, “ki mañi ya ta yo ba musala hao?”

⁴⁴⁵ Se nili, “Bubeli bwa mina. Hakuna kuyona ni yomukana, wabona, kono ibo bubeli bwa mina mukaba cwalo.”

Ki hali, “Ha ni utwisisi foo.”

⁴⁴⁶ Se nili, “Cwale, mulatiwa, ina fafasi, tuhela ni ku tatululele nto yeñwi.” Se nili, “Cwale, Na ziba wa ni lata, mi wa ziba mo Ni ku latela, ni likute ni maoyo. Cwale, ka mutala, kucwani hane Ni ka apala, ni kuya mwa tolopo; mi lihule leliñwi cwalo, yomunde luli, ataha ato ni kumbatela mazoho, ni kubulela kuli, ‘Oh, Muzwale Branham, Na ku lata lulil,’ ukala ku ni beya mazoho ni kuni kumbatela. Ukona kunahana sikamañi?”

Ki hali, “Ha ni sepi kuli Ni ka tabela zeo ni hanyinyani.”

⁴⁴⁷ Mi se Nili, “Ni bata ku kubuza nto yeñwi. Kana wa... Ki mañi yo lata hahulu, haiba ne ni ka kangisana, na kamba Mulena Jesu?” Cwale, yeo fela ki ngambolo, ya lubasi.

⁴⁴⁸ Mi ki hali, “Mulena Jesu.” Ali, “Ee, Bill, Ni ha ni kulata, kono, Ni sika Mu fulalela kale, Ni kona ku fulalela wena pili.”

⁴⁴⁹ Se nli, “Ni itumezi, mulatiwa. Ni tabile kuutwa ha ubulezi cwalo cwale.” Se nli, “Cwale, kucwani haiba yena musali yaswana yani na ka taha akambeke mazoho a hae ku Jesu ni ku Mu kumbatela, ali, ‘Jesu, Na Ku lata,’ ukona kunahana sikamañi ka seo?”

Mi ali, “Ne ni ka tabela seo.”

⁴⁵⁰ Mwabona, ke si cinca kuzwa fa phielo kutaha fa agapao. Mwabona, ki Lilato lelipahami. Mwabona? Mi kwani hakuna nto ya kuli muuna ka kamba mufumahali, sina...ni kuuta bana. Zeo kaufela se lifelife, za—za busali ni buuna bwa libupeho. Misinga yateni kaufela...Kaufela ya swana kwani. Mwabona? Hakuna ni yekana yayona, hakuna. Mwabona, hakuna misinga ya foso kafani, batili haiyo. Mwabona? Mu inzi fela ka...Eeni, sha. Nahana fela kuli kambe hauna misinga ya foso. Libaka lene ibeezwi ku luna ki kutaza lifasi, mwa bona. Kono, Kafani, hakuna ku yoba neba ulimuñwi Kafani. Kwani hakuna ku yo ba neba maikuto a misinga ya basali kamba ya baana. Batili.

⁴⁵¹ Kono siyemo sa sibupeho sa Mulimu sikabateni kwani. Yeo luli ki niti. Kono lukayoba kwani handende. Hakuna—hakuna phileo, ni hanyinyani; kaufela ki agapao fela. Mwabona? Kabakaleo, mufumahali haana ku yo ba sika sisili kwanda nto yeñwi fela ye lateha yeli—yeli ta hao, mi ukaba...U wa siemba sa yomuñwi. Hakuna taba yakuli ki...Batili, batili, mane hakuna neba...Mwabona, siemba sa phileo hasiyo mane neba hanyinyani. Mwabona, haku koni kuba nto yeswana sina lifufa; hakuna za ku yo fufabela kwani. Hakuna nto yecwalo kafani. Hamuna kuziba lika zecwalo. Mwabona? Mi ki mutangana fela ya lateha ni kalibe, baba pila.

Mi he, kasamulaho, ki hali, “Na bona cwale, Bill.”

Se nli, “Eehe.”

⁴⁵² Ni bata ku mi bulelala nto nyana ye ne ezahalile. Ye neli tolo. Ne ni lobezi. Mi ha Ni si ka bulela kale taba ye kwa sicaba fateni.

Ni ibulelezi fela batu ba sikai, kono na li kuba ni ipatalaze fateni, kuya ka mo Ni zibela.

⁴⁵³ Ne—Ne ni lola, seli kweli fela kuzwa fani, kuli Ne ni yemi, zazi leliñwi, mi Ne ni buha nako yetuna yetabisa yeo... Isiñi katulo, cwale. Ha ni lumeli kuli Keleke ika taha, (Ni talusa, Munyaliwa), kuya mwa katulo. Kono, Ne nili teni kwani mishukwe hane ifiwa, mwaboan. Mi Lubona lolutuna—lolutuna ne lu tomilwe *fani*. Mi Jesu ni Lingeloi lene liñola, ni bao kaufela, ne ba yemi kwani. Mi nekuna ni mapahamelo akuhata, cwalo, ana shetumuka neku *le*, a masweu sina manaka a totu; na shetumuka, mwa sikhenda, kueza mubonahalelo o *cwalo*, ni kuzwela fande, ili kuli nyangela ye kaufela yene yemi kwani ne ikona kubona ze ne sweli kuezahala.

⁴⁵⁴ Mi Ne ni yemezi kwa mulaho cwalo, kwa neku leliñwi. Mi Ne ni yemi fani, Ni sa nahani kuli ni ka zamaya fateni fani. Ne ni yemezi fani. Ne ni bona...

⁴⁵⁵ Lingeloi lene liñola ha libiza libizo cwalo; mi ne Ni ziba, ne ni ziba libizo lani. Na talima, mi kwa mulaho koo, ki yo muzwale wa taha, utaha ni kezeli, kutaha ku wena, sina cwalo. Lingeloi lene liñola inge liyemi bukaufi ni Kreste, (ki tolo fela cwale), mi ne ni nze ni talima. Mi mabizo abona na ñozwi mwani, na fumanwi mwa Buka ya Bupilo; Na sweli ku ba talimela, ni kubulela kuli, “Neli—neli nto yende, mutanga Ka yomunde mi ya sephala. Cwale kena.”

⁴⁵⁶ Na talima kwa mulaho, ko ne ba ya. Ne kuna ni lifasi le li nca, ni nyakalalo. Mi ali, “Kena mwa tabo ya Mulena, ye—ye bile ya hao haisamba lifasi litomwa.” Mwabona? Mi, oh, Na nahana kuli... Ne ba lina ona kwani, mi ba yo kopana ni yomuñwi, ni kunyakalala fela, ni kuya kwabuse bwa malundu ni libaka zetuna.

⁴⁵⁷ Kono Na hupula kuli, “Oh, ha ki nto yende yeo! Kanya! Haleluya!” Na tulaka fela!

⁴⁵⁸ Mi Na utwa libizo leliñwi hape la bizwa. Na nahana kuli, “Oh, Na mu ziba. Na mu ziba. Na... Kwani, ki yani waya, kwani.” Na mu talimela ona cwalo.

“Kena mwa tabo ya Mulena, U waka yomunde mi...”

“Oh,” Na li, “kulumbwe Mulimu! Kulumbwe Mulimu!”

Kubulela fela, ka mutala, sina ha ne ba kali, “Orman Neville,” mwabona.

⁴⁵⁹ Mi Ne ni ka li, “Yani ki Muzwale Neville wa mucembele. Ki yani fani.” Mwabona? Mi ki yo wa taha, kuzwa mwa sicaba, wa kambama.

⁴⁶⁰ Cwale U li, “Kena mwa tabo ya Mulena, ye lukiselizwe wena haisamba lifasi li tomwa. Kena mwahali.” Mi Muzwale Neville u cincize, mi wa nanuha kwa mulaho kwani, na kalumuka fela ni kuhuwa.

⁴⁶¹ Mushimani, Na huwa fela ni kubulela kuli, “Kanya ku Mulimu!” Inge ni yemi fa ni nosi, inge ni sweli kuikola nako yende, nitalimela mizwale baka inge bakena.

⁴⁶² Mi Lingeloi lele liñola inge liyemi fani, mi lali, “William Branham.”

⁴⁶³ Neni si ka nahana kuli Neni ka zamaya cwalo. Kacwalo he Na saba. Na hupula kuli, “Oh, mawi! Žikuli Ni lukela kuza cwalo?” Kacwalo Na ya inge ni shetumuka. Mi mañi ni mañi inge asweli ku ni nata nata fa—fa . . . [Muzwale Branham ubonisa ka kuinata-nata ili yena linako zeñata—Mu.] “Lumela, Muzwale Branham! Mulimu aku fuyole, Muzwale Branham!” Baniciya inge Ni ya cwalo, mwahala sikuwata tuna sa batu. Mi kaufela bona inge ba taha ku to ni natanata cwalo. [Muzwale Branham ubonisa ka kuinata-nata iliyena linako zeñata.] “Mulimu aku fuyole, muzwale! Mulimu aku fuyole, muzwale!”

⁴⁶⁴ Ne nisweli kuya. Na li, “Ni itumezi. Ni itumezi. Ni itumezi.” Inge yazwa mwa mukopano, kamba nto yeñwi, mwa ziba.

⁴⁶⁵ Mi Ne ni lukela kuhata ona mapahamelo amatuna ani a manaka a tou. Na kala kuya ni pahama fani. Mi ha Ni yo hata fela muhato wapili, Na yema. Mi Na hupula . . . Na Mu talima kwa sifateho. Na hupula nali, “Ni bata ku Mu talimela hande neku le.” Mi Na yema.

⁴⁶⁶ Neni ezize mazoho aka *cwana*. Na utwa sika se si ni wela mwa lizoho *fa*. Ne li lizoho la mutu. Na talima kwa ni kwa, ne ku yemi Hope; meto amatuna ani amansu, ni milili yensu yani inatile kwa mukokoto wa hae, uapezi liapalo zesweu; inza ni talimela sina *cwana*. Na li, “Hope!”

⁴⁶⁷ Na utwa sika se si nata lizoho *le*. Ha ni talima, ne ku yemi Meda; meto amansu ani inza talimezi mwahalimu, ni milili yensu yani inge ilepelela cwalo, utinile sapalo se si sweu. Mi na li, “Meda!”

⁴⁶⁸ Mi ba talimana yo ni yo, mwa ziba, sina cwalo. Ne bali . . . Na ba nanula mwa mazoho aka, mi ki luna bao lwa ya, inge luzamaya kuya Hae.

⁴⁶⁹ Na pasumuka. Oh, Na zuha. Mi Na—Na zuha ni kuina mwa sipula, ni na lila, mwa ziba. Na hupula kuli, “Oh Mulimu, Ni sepa kuli ze liyo ezahala ona cwalo.” Bubeli bwa bona ne ba utwana nina mwa bupilo, ni kupepa bana, ni lika zecwalo; mi ki luna ba fa, luya mwa lifasi lelinca, oh, mawi, koo kuluka ni lika kaufela. Batili, hakuna . . .

⁴⁷⁰ Oh, i ta yoba nto yende! Musike mwa yo tondahala. Musike mwa yo tondahala. Ka sishemo sa Mulimu, mueze mo mukonela kaufela, mi zeo li ka itinga ku Mulimu kuli atokomele ze siyezi zateni cwale.

Na Mu lata, Na Mu lata
 Kakuli U ni latile
 Ni kuleka puluso yaka
 Fa Kalvari...

⁴⁷¹ Ha lu iopeleñi hape, ka lipilu zaluna kaufela. Cwale luinule
 meeto a luna ku Mulimu.

Na Mu lata

⁴⁷² [Muzwale Branham uzwa fa katala mi ulapelela musali,
 kopano hanze i iopela kuli *Na Mu Lata* hape—Mu.]

... Mu lata
 Kakuli U ni latile
 Ni kuleka puluso yaka
 Fa Kalvari.

⁴⁷³ Ku lukile, cwale. Na sa kulubewzi kupila mwa mukopano.
 Yeo ki niti. Ki yani fani, mazoho a hae kaufela mwahalimu,
 ulumba Mulimu. Kona libaka ha ne Ni sweli kuliyeheha taba ye;
 ni sa ni muleleli se Ni eza. Ne ni sweli kuambola ka za Meda ni
 babañwi. Mi nikuli Neni sweli kulibelela, kubona haiba... Neni
 sweli kubona Liseli lani inge lil pikuluha cwalo, mi la yo lula
 fahalimwa hae. Na hupula kuli, “Ki cona.” Oh, haki nto yende
 nji? [Kopano ya nyakalala—Mu.]

Na Mu lata, Na Mu lata
 Kakuli U ni latile
 Ni kuleka puluso yaka
 Fa Kalvari.

⁴⁷⁴ Cwale, ka lipilu zaluna, [Muzwale Branham ukala kuñuñuna
Na Mu Lata—Mu.] munahane fela ka bunde bwa Hae ni sishemo.

... Na Mu lata (Amen!)
 ... U ni latile...

⁴⁷⁵ Cwale mwabona mo libezi zende kana? Amen! Ki hona.
 Cwale...?... Amuye mu filiswe. Amen! Sishemo sa Mulimu si
 bonahalile ku mina, kuli si mi folise. Amen.

... Fa Kalvari.

Oh, kanya ku Mulimu!

Na Mu lata,...

Ku lukile, mulisana'a mina.

Na...

⁴⁷⁶ [Yomuñwi uli, “Muzwale Branham, kamuso lukala ka naini-seti nji?”—Mu.] Naini kuisa naini-seti. Naini kiloko, mwahali
 hali cwalo. [“Kasamulaho wa mukushuko? Naini kiloko?”]
 Mukalise ka naini. Na nika kalisa ka naini-seti.



LISWAYO LA BUSILEZI LOZ63-0323

(The Sixth Seal)

MUKOLOKO WA SINULO YA MASWAYO ASUPA

Liñusa le ka Muzwale William Marrion Branham, neli kutilizwe lwa pili mwa Sikuwa la Pelekelo manzibwana, Liatamanyi 23, 1963, ili Branham Tabernacle mwa Jeffersonville, Indiana, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatisizwe ni ku hasanyiwa kiba Voice Of God Recordings.

LOZI

©2021 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitusiswe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangelí ya Jesu Kreste. Buka ye hailekiswi, kuatiswa mwa buńata, ku nepelwa fa moyá wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org